

## **APOSEL**

### **Aposel kame tuku piro**

Lukas nu Teofilus tuku waŋe armba kuyarŋina. Nu amboŋga kuyarna ta Yesus Kristus tuku pasa mayenu. Kile waŋe arnu te aposel kame pirokinaig tuku kuyarna.

Yesus nu samba mbol kambim bafuna sulumba nuŋe dubiwanu taŋgo wam paguka saninŋina: Tane kilke tugu ŋakmba mbol kape sulumba ye tuku nyu saninŋap ŋina. Taŋakina sulumba nu nane kusreka luka samba mbol kumba Tukul Guwa pilna le ndekina le nuŋe dubiwanu taŋgo ta nane Tukul Guwa ŋak Yesus tuku miŋge kumu-kumumba kilke tugu ŋakmba mbol lika nu tuku pasa mayenu taŋgo pino ŋakmba tumniŋmba saninŋe likinaig le nane sunŋomba ŋgamuŋgal biye mbilmba Yesus tuku son ŋga kule pisne kilelikinaig.

<sup>1</sup> O Teofilus kaiye. Ye amboŋga waŋe ande kuyarmba ne tuku pilen ta Yesus nu wam ŋakmba ke lika pasa tumniŋmba minna le

<sup>2</sup> ma ma Kuatenŋe te-duŋga samba mbol kina. Nu Tukul Guwa ŋak minmba kambim tuku ait mbolŋge aposel buk madinŋina ta wam pagu-ningina. Ye wam ta ŋakmba waŋe mbolŋge kubeu tinen.

<sup>3</sup> Yesus nu rar tumba kummba maŋ tinŋina sulumba mara 40 sinamŋe nu aposel tugumŋge mayok ka Kuate nuŋe gageu kulatkate maŋau ta

tumningina sulumba wam afu sangrinu ke likina le kanjerkumba nu tingina wam ta kila pilnaig.

<sup>4</sup> Nu nane ndon minmba tenemba saningina: Tane Yerusalem tumbraj sunjo te kusre ndawap. Mam nu ande kukulwa le tane ndon minmba minam tuku sakina ta nu tairnga minap. Ye o buk tane ta tuku satingen.

<sup>5</sup> Yohanus nu kulembi nane kule pisneningina. Mine minemba ye tane Tukul Guwambi tane tuku ngamungal kule pisne tanan tingamngit ngina.

<sup>6</sup> Mara ande nane manjurka nu kusnanaig: Sunjo, ne kile sine Israel mbal tuku muskil kiletidinga singine kilke singamngat e nginaig le

<sup>7</sup> nu ndek saningina: Mam nu nuje nyu tambu wam kame mayok kambim tuku ait madiningina ta ginu mara ame ait mbolnge mayok kanjaga ta tane kila palmbim tuku manjau kuga.

<sup>8</sup> Tukul Guwa tane mbolnge prowa le tane sanjri njak minmba ambonga Yerusalemnge ngumnennga Yudea ma tugu Samaria ma tugu kilke tugu njakmba mbolnge lika ye tuku nyu saningap ngina.

<sup>9</sup> Tanamba sanimba minna le nane nu kanjermba minnaig le Kuatenge nu te-dunga tumba samba mbol kina le gau kaukau ande pro nu songina le nane man nu kanjer ndanaig.

<sup>10</sup> Nane samba mbol tandeka nu kina ndin ta kanjer timba minnaig le kile tanjo armba kumin kugen kaukau njak tanje mayok kumba ndek nane saninginaig:

<sup>11</sup> Galilea mbal, ndanam tane samba mbol te tandeka mambimba minig. Kuatenge Yesus te-dungat le tane kusreka samba mbol ket le

kanjeraig tanjamba ndo nu manj luka ndenungat nga saninginaig.

*Tango ande Yudas tuku ma tina*

<sup>12</sup> Kile nane tinga Olif tabe kusremba luka Yerusalem kinaig. Ndin ta kuen ndo kuga.

<sup>13</sup> Nane kinaig ka Yerusalem promba nanjine wande minnaig ta ponga rum o mbolnge ta sinam kinaig. Nyu nanjine ta tejenmba. Petrus, Yohanus, Yakobus, Andreus, Filipus, Tomas, Bartolomeus, Mateus. Ande Alfeus tuku kiŋo nuŋe Yakobus. Ande Simon mape nyu ta Selot. Ande Yakobus tuku kiŋo nuŋe Yudas.

<sup>14</sup> Pino kame afu Yesus ina nuŋe Maria ndoŋ, Yesus tuku maib kat nuŋe nane njakmba tanje manjurka ngamunggal ulendimba Kuate yabanjmba minnaig.

<sup>15</sup> Ait ande Yesus dubinaig kuasmbi 120 tanjan manjurka minnaig le Petrus nu nane ngamuknge tinga sakina:

<sup>16</sup> Tira kame, o buk Tukul Guwanje David tuku minje mbolnge Yudas tuku sakina le kuyarna. Kuyar pasa ta ngisinu kumuŋ kuga. Yudasnge Yesus minna ma ta tumningina le pro nu biye tinaig.

<sup>17</sup> Tango ta nu sine piro tuma ande. Nu sine tuku piro inum nu biyna.

<sup>18</sup> Nu mbar sungokina le mbar ta tuku ndametinjmbi kilke ande piyanaig. Nu gabat kumam te-tirka sangrimba ndeka fungul puluka sina walelena le nu kumna.

<sup>19</sup> Yerusalem mbal nane wam ta ismba kilke ta nyun ta Akeldama nginaig. Nyu ta tugunu Ndare Kutukina tuku Kilke.

<sup>20</sup> Mune waje mbolnge kuyar ande Yudas tuku tejenmba minit.

Nuje wande ake minwa.

Ande man tange nda kinywa. *Mune 69.12*

Kuyar ande mata tejenmba sakate.

Ande nu nu tuku piro tuwa. *Mune 109.8*

Kuyar pasa tanamba sakate nga saningina.

<sup>21-22</sup> Petrus nu man lato saningina: Sine tango ande te-silika madibe. Tango ta nu sine ndon Yesus tingina wam ta saka te-mayokam tuku. Yesus nu sine ndon minna le nane afu mara mara sine dubika lika minnaig tanan tango ande madibe. Ande nu Yohanus kule pisneningina ait mbolnge sine ndon minmba ka ka Yesus nu sine kusreka samba mbol kina tanan tango inum madibe ngina.

<sup>23</sup> Tanakina le nane tango armba nyun kilnaig ta ande Yosef ande Matias. Yosef nu mape nyu ande Yastus ande Barsabas.

<sup>24</sup> Nane tango ar ta kile-tidinginaig sulumba yabanmba sakinaig: O Sungo, ne tango jakmba tuku wamdus kila. Tango ar te ima ne madina ta tumsinga.

<sup>25</sup> Yudas nu nuje minam tuku mbili nayonu mbol kumba piro ta kusrena. Tango ande tumsinga le nu piro ta biymba aposel nyu tamngat nginaig.

<sup>26</sup> Tanakinaig sulumba nane nangine manjambi kinaig le Matias tuku nyu mayok kina le nu aposel 11 ndon ulendikinaig.

## 2

*Tukul Guwa ndekina*

<sup>1</sup> Zu mbal tuku pagumba nye ait sunḡo ande nyunu Pentikos prona le Yesus dubinaig mbal wande ande mbolḡe maḡurka minnaig.

<sup>2</sup> Minnaig le samba mbolḡe fudu sunḡo ande bubre suk ndeka prona sulumba wande minnaig ta fudu sunḡo ta kumuḡina.

<sup>3</sup> Kile agaḡ ande pa mane suk denḡur-denḡurka nane ḡakmba mbol kine likina le kaḡernaig.

<sup>4</sup> Tukul Guwa nu nane ḡakmba mbol kumuḡina le nane ndek pasa kuale gilai ta sake lika minnaig.

<sup>5</sup> Taḡamba minnaig le Zu afu Kuate tuku nyu kurauka ma tugu kise kise mbolḡe promba Yerusalemḡe maḡurkinaig ta

<sup>6</sup> nane fudu sunḡo ta ismba pro nane tugumuḡe maḡurka naḡine pasa kuale yimyam ise lika nane piriri ḡayomba wamdus te-sulunaig sulumba

<sup>7</sup> pirerek purka sakinaig: i ... Nane ḡakmba te Galilea mbal ndo.

<sup>8</sup> Ndaḡam nane sine ḡakmba tuku pasa kuale yimyammbi sakade.

<sup>9</sup> Sine afu Partianu, Medianu, Elamnu, Mesopotamianu. Sine afu Yudeanu, Kapadosianu, Pontusnu, afu Asianu.

<sup>10</sup> Sine afu Frigianu, Pamfilianu, Isipnu, afu Sirene tumbraḡ sunḡo patuk patuk tumbraḡ foḡfoḡ Afrikaḡe proḡeḡ. Sine afu Romḡe te proḡeḡ ta afu Zu mbal afu kasomok mbal Zu mbal taḡaḡ Kuate dubiweg tuku.

<sup>11</sup> Sine afu Kretanu, afu Arabianu. Sine taḡamba taḡamba ma tugu yimyam mbolḡe prowe likeḡ. Kuate nu wam saḡgrinu kitek ke likate ta siḡine pasa kualembi sakade le iseg ḡinaig.

12 Nane ηakmba pirerek purka wamdus te-sulumba munju kusnanηinaig: Wam te tugunu ndanmba tuku ηginaig le

13 afu nane nzumil te-ninmba sakinaig: Nane grep kule kamenu sunḡomba nyaig sulumba ηginηgankade ηginaig.

### *Petrus nu Kuate tuku pasa kuklina*

14 Tanakinaig le aposel 12 manḡurka minnaig ta nane ηgamukηge Petrus nu tinḡa wi kuenka saninḡina: Tane Yerusalem mbal Zu mbal ma tugu afu mbolηge prowe likinaig tane ηakmba kilba pilmba ye tuku pasa ise tiwap.

15 Kile maratukuk ki ait 9 tate. Sine grep kule nyumba ηginηgankanu ηga sasinḡig ta tanamba kuga.

16 Tuan tanḡo Yoel nu dir pasa sakina ta kile alonu mayok kinit. Nu teḡenmba kuyarna.

17 Kuate nu sakate. Kilke kugawam tuku ait patukuwa le ye yiḡe Guwa kilke mbol mbal ninḡamηgit.

Tanḡawi le tane tuku kinḡo kulim kame Tukul Guwanḡe pasa saninḡuwa le ismba kile-mayokkamηgaig.

Tane tuku tanḡo mo nane kinḡatanu suk agan kanḡerkamηgaig. Tane tuku saibo nane kinymba kinḡa alo ηak kanḡerkamηgaig.

18 Ait ta mbolηge yiḡe piro tanḡo piro pino yiḡe Guwa ninḡi le nu nane pasa saninḡuwa le ismba kile-mayokkamηgaig.

19-20 Ye Sunḡo, ye luka prowam tuku ait pro ndawa le tane katewam tuku ye samba

mbolŋge kilke mbolŋge wam kitek saŋgrinu kile-mayokkamŋgit.

Samba mbolŋge ki bulu kugamba dabuka tambun ndare suk gurnuŋgat. Kilke mbolŋge ndare pa sunŋo pa guwa dabuknu mayok ke likamŋgaig.

Tane wam ŋakmba ta kaŋgerka piriri ŋayowamŋgaig.

<sup>21</sup> Ima nu Sunŋoŋge turwa ŋga wikuwa ta ye nu tuku muskil te-tiwe tambimŋgit. *Yoel*

*2.28-32*

Yoel nu taŋamba Kuate tuku pasa kuyarna ŋga saninŋina.

<sup>22</sup> Petrus maŋ lato saninŋina: Israel mbal, tane pasa te ise tiwap. Nasaretnu taŋgo Yesus Kuatenŋge kukulmba nu saŋgri tuna ta tane kila. Nu wam saŋgrinu kitek tane ŋgamukŋge ke likina le kaŋgerkinaig.

<sup>23</sup> Ande nu Yesus tumba tane wai mbolŋge palm-bim tuku Kuate nu o buk wamdus ta tina. Tane nu ail kazrai mbolŋge kumwa ŋga une mbal wai mbolŋge pilnaig le nane nu balenaig le kumna.

<sup>24</sup> Kumna le Kuate nu Yesus tuku kume tuku saŋgri pitaimba te-tina. Kume tuku saŋgrinŋge Yesus biye dewam kumuŋ kuga.

<sup>25</sup> David nu wam ta tuku o buk Kristus tuku miŋge teŋenmba kuyarna.

Sunŋo nu mara mara ye ndoŋ minit le kaŋgeret. Ye wamdus piti sulu ndawi ŋga nu ye ndinam kumamŋge gemyumba minit.

<sup>26</sup> Ta tuku ye ŋgamuŋgal bulok gare ŋak minet.

Ye kumam tuku minet ta ye piti ndayate.

<sup>27</sup> Ye tuku kanu kumanu mbal tuku tumbraŋ kine nda.

Ye ne tuku piro tanjo yiŋe ŋgarosu menu tuku ndin tukulamŋgat.

<sup>28</sup> Abo minmba minam tuku ndin ne ye tumyate.

Ne ye ndoŋ mina le ye gare toramŋgit ŋgina. *Mune 16.8-11*

Petrus nu David tuku kuyar pasa tanjamba nane sanŋgina sulumba sakina:

<sup>29</sup> Tira kame, ye pasa satinŋamŋgit te tane kila. Siŋgine mbuŋ David nu kumna le ŋgukinaig. Nu tuku kumu ta kile minit le kaŋgereg.

<sup>30</sup> David nu Kuate tuku tuan tanjo minmba nu tuku mbuŋ ande nu tuku ma mbolŋge gabat sunjo minam tuku Kuate nu pasa sanŋgrinu sana ta nu kila minna.

<sup>31</sup> Ta tuku David nu Kristus kummba tinŋamŋgat wam ta kaŋgermba teŋenmba sakina: Kristus nu kumanu mbal tuku tumbran kine nda. Nu tuku ŋgarosu mata menu tuku ndin tukulamŋgat ŋgina.

<sup>32</sup> David nu pasa kuyarna ta Yesus tuku kuyarna. Nu kumna le Kuate nu te-tina le tinŋina. Sine ŋakmba wam ta kaŋgergeŋ.

<sup>33</sup> Kuate nu Yesus te-dunŋa nuŋe ndinam kumamŋge pilna sulumba nuŋe pasa sanŋgrinu sakina ta kumumba Yesus Tukul Guwa tuna. Tanjamba ndo kile nu sine Tukul Guwa siŋgat le nu tuku sanŋgri ismba kaŋgerde te.

<sup>34</sup> David nu samba mbol kine ndakina ta nu teŋenmba Kristus tuku sakina.

Sunjo Kuatenŋe ye tuku Sunjo sana: Ne ye tuku ndinam kumam teŋge sanŋgri ŋak minyok mina le ma ma



<sup>35</sup> yenge ne tuku n̄gueu mbal n̄akmba kile-iben̄ka ne tuku kupe kumnem̄nge patikam̄ngit n̄gina. *Mune 110.1*

<sup>36</sup> Tane Israel mbal wamdus pulutinguwa. Tane Yesus tumba ail kazrai mbol̄nge balenaig ta Kuate nu tan̄go ta tumba nune madina tan̄go n̄ga tan̄go n̄akmba tuku Sun̄go pilna n̄ga sanin̄gina.

*Nane gudommba n̄gamun̄gal mbilmba son n̄ginaig*

<sup>37</sup> Zu mbal pasa ta ismba sine sin̄ka mbargen̄ n̄ga nane n̄gamun̄gal rar sun̄go kamusmba Petrus aposel afu turmba sanin̄ginaig: Tira kame, sine ndan̄be o n̄ginaig le

<sup>38</sup> Petrus nu ndek nane sanin̄gina: Tane n̄gamun̄gal biye mbilmba tan̄gine man̄au n̄aigonu kusreka Yesus Kristus ndon̄ ulendika kule pisne tap. Tane tan̄awap le Kuate nu tane tuku une n̄akmba sauka gilain̄ga Tukul Guwa tin̄gam̄ngat.

<sup>39</sup> Kuate nu tane tan̄gine kin̄o kame kasomok mbal turmba idusnin̄mba o buk Tukul Guwa tan̄go nin̄gam̄ngit n̄gina. Sun̄go Kuate nu ima kate wikate ta nu Guwa nin̄git n̄ga sanin̄gina.

<sup>40</sup> Petrus nu tan̄amba pasa lato sanin̄mba sakina: Tan̄gine kuasmbi tuku man̄au n̄ayonu kusrewap le Kuate nu tane tuku muskil kile-tidin̄guwa n̄gina le

<sup>41</sup> nane nu tuku pasa ismba son n̄ginaig mbal nane kule pisne tinaig. Ki ait ta mbol̄nge nane gudommba 3,000 tan̄an̄ Yesus dubinaig mbal ndon̄ ulendikinaig sulumba

<sup>42</sup> nane mara mindek aposel kame tuku wam pagu pasa ismba nane wamdus ulendi tuma isukusmba pasa nyumba Kuate yaban̄mba minnaig.

<sup>43</sup> Aposel kame nane wam kitek gudommba sangrinu ke likinaig le nane njakmba Kuate tuku nyu kurauka kuru-kuruka minnaig.

<sup>44</sup> Nane son nginaig mbal njakmba tuma minmba nangine aganj ndende munngu ngail ngail ndakinaig.

<sup>45</sup> Nane afu aganj denkanu ta nangine ngamukok aganj ta kilmba piyamba ndametiņ tambi nane turkanu.

<sup>46</sup> Mara mindek nane kusem wande sungo sinam tanje mangurka nangine wande yimyam mbolņge tuma isukusmba gare-gareka wamduš bulok njak ulendi minanu.

<sup>47</sup> Nane tanjamba Kuate tuku nyu te-dunġa minanu le tanġo pino njakmba nane tuku saka minanu. Mara mindek Kuate nu afu tuku muskil kile-tidinjānu le nane ka Yesus tuku kuasmbi ndoņ ulendikanu.

### 3

#### *Tanġo ande kupe baklelok mayekina*

<sup>1-2</sup> Tanġo ande ina sinamņge kupe baklelok mayok kina. Mara mindek nane afu tanġo ta sukunġa tanġo pino ndametiņ yabaņningam tuku kusem wande malanja ande nyunu Maditak tugum tanje palmbinu.

Ait ande Petrus nale Yohanus ndoņ Kuate yabaņam tuku ait ki kanum 3 mbolņge nale kusem wande ta mbol kinaik. Kinaik le nane afu maņ tanġo ta sukunġa pro tanje pilnaig.

<sup>3</sup> Kile Petrus nale kusem wande sinam kambim bafunaik le tanġo ta nale kaņgerka aganj inum tuwaik nġa nale yabaņnikina.

<sup>4</sup> Yabanjikina le Petrus nale nu fumble timba sanaik: Ne sile kanjerka nginaik.

<sup>5</sup> Tanakinaik le nu idusna aganj ande ye sam tuku sayade nga idusmba nu nale kanjer tidinnga minna le

<sup>6</sup> Petrus nu ndek sana: Ye gol silwa ndametin kugatok ta ye ne aganj ande tanmbimngit. Ne Nasaretnu tanjo Yesus Kristus tuku sanjri mbolnje ne tinnga lika ngina.

<sup>7</sup> Tanakina sulumba nu tanjo ta tuku wai ndinam biymba te-dunngina le rakukadu kupe mbain turmba sanjri tinngina.

<sup>8</sup> Tanjana le nu pitik ndo pastinga nale ndon kusem wandek sinam kumba gare-gareka Ku-ate tuku nyu te-dunnga nu kumbanje pate-patennga kina.

<sup>9</sup> Nu kumbanje Kuate tuku nyu te-dunngina le tanjo pino nu kanjermba kila pilmba sakinaig:

<sup>10</sup> i... Kusem wande malanga Maditak tugumnje ndametin yabanjkate tanjo ta not nginaig. Tanjamba nane pirerek purka wamdus te-sulumba minnaig.

<sup>11</sup> Tanjo ta Petrus le Yohanus bigmba nane ma ande nyunu Solomon tuku kawanj pronai le nane gudommba pinder-pindermba pro tanjo ta kanjermba pirerek purka wai makemba minnaig le

<sup>12</sup> Petrus nu wam ta kanjermba nane saninngina: Israel mbal, ndanam saka tane pro wam te tuku pirerek purka am goka sine kanjer tidinngade. Sile tanjo magenu sikile sanjrimbi tanjo te wakeiwanu nga idusde e? Tanjamba kuga.

<sup>13</sup> Abraham Isak Yakob singine mbunjakmba tuku Mbara nu nuje piro tanjo Yesus tuku nyu

mbol kuwa nga nu wam te kate. Tane Yesus tumba gafman tuku wai mbolnge pilnaig le Pilatus nu Yesus paskam tuku sakina ta tane sangri maramba mbulnaig.

<sup>14</sup> Kuate tuku tango purfen nu ta tane mbulmba tango balewanu tango paska te-mayokam tuku Pilatus sanaig.

<sup>15</sup> Tane abo tugu miro balenaig. Tane balenaig ta Kuate nu te-tina le tingina le sile Yohanus ndon kangerkenj.

<sup>16</sup> Tane tango kangerde te sile Yesus tuku sangri tomba tinga tango te kupe te-tiwe tukik le tane nakmba am mbolnge nu mayekat.

<sup>17</sup> Yinje tira kame, tane gabat kame ndon Yesus mbolnge wam nayonaig ta tane nu tuku tugu katese ndamba tanjanaig ta ye kila.

<sup>18</sup> Kuate nu o buk nuje tuan tango kame tuku minje mbolnge nuje madina tango rar tam tuku sakinaig ta alonu Yesus mbolnge kumungina.

<sup>19</sup> Ta tuku tangle manau najgonu kusreka ngamungal biye mbilap le Kuate nu tane tuku une nakmba sauke sulumba tane wamdus bul sertinguwa le gare nak minamngaig.

<sup>20</sup> Nu Yesus kukulwa le tane tugum prowamngat. Nu o buk tane muskil kile-tidinge tingam tuku nu pilna.

<sup>21</sup> Kile nu samba mbolnge minmba Kuate nu wam nakmba kile-tidinguwa le wam tugusek ndo minam tuku ait tairnga minit. O buk Kuate nu nuje tuan tango kame tuku minje mbolnge ait ta tuku sakina.

<sup>22</sup> Moses nu tenjenmba sakina.

Sunngo Kuate nuŋe pasa te-mayokam tuku ye tuan tanngo pilna tanjamba ndo nu sine Israel ngamukŋge tuan tanngo ande palmbimngat. Tane nu tuku pasa njakmba ise tiwap.

<sup>23</sup> Ande nu nu tuku pasa talawa ta Kuatenŋge nuŋe mbal ngamukŋge paska tumba kasomŋge pilwa le nu ngisikamngat. *Lo 18.15-19*

Moses nu tanjamba sakina.

<sup>24</sup> Kuate tuku tuan tanngo Samuel tuan tanngo afu nu ngumnemŋge mayok kinaig ta nane njakmba ait te mbolŋge wam prowam tuku sake likinaig.

<sup>25</sup> Tane Kuate tuku tuan tanngo kame tuku mbuŋ. Kuate nu pasa sangrinu tanŋine mbuŋ niŋmba Abraham ndon wamdus ulendika sinŋa son pasa sakina ta tane tuku turmba sakina. Nu tejenmba Abraham sana. Ne tuku mbuŋ kat nanje mbolŋge kilke tugu njakmba mbolŋge ye wam mayenu kamngit ngina.

<sup>26</sup> Kuate nu nuŋe piro tanngo te-tina sulumba sine Israel mbal maŋau njaigonu kusreka gare maŋau mbolŋge minbe nŋa nu Yesus kukulna le ambonŋa sine tugum prona nŋa saniŋgina.

## 4

*Nane Petrus nale muliŋ kilmba wandekŋge patikinaig*

<sup>1</sup> Petrus nale Zu mbal pasa niŋmba minnaik le kusem wande tuku polis gabat kame pris mbal Sadusi afu nane njakmba maŋgur ta tugum pronaig.

<sup>2</sup> Pro Petrus nale Yesus kummba maŋ tinŋina tanjamba tanngo mata kumbe sulumba tinŋamngig

nga pasa tumninqmba minnaik le nane ismba palseqningina.

<sup>3</sup> Palseqningina le nale bige tidinqga kilmba furirte nga indole nale pasa te-tiwaik nga mulin kilmba wandeknge patikinaig.

<sup>4</sup> Tanjanaig ta nane Petrus tuku pasa isnaig mbal ta gudommba Yesus dubinaig mbal ndon ulendika tango 5,000 tanaq mayok kinaig.

<sup>5</sup> Mafena le Israel gabat sugo Israel mage mage kusem pasa biteknganu mbal nane nqkmba pro Yerusalemnge manqurkinaig.

<sup>6</sup> Pris gabat sunqo Anas nu tuku ndare tuma Kaiafas Yohanus Aleksander nane mata pronaig.

<sup>7</sup> Nane manqurka polis kame kukulninginaig le nane ka Petrus nale kilmba pro pasa mbolnge kile-tidinqginaig le gabat sugo nale kusnanikinaig: Tale wam kinaik ta sanqri ta imange tikina? Imange tale kukultikina nqginaig le

<sup>8</sup> Tukul Guwanqe Petrus wamdus tuna le nu nane saninqgina: Sinqine gabat, sinqine mage mage tane isap.

<sup>9</sup> Sile tango kupe baklelok turkik le nu mayekat. Tane ta tuku sile pasa mbolnge kile-tidinqgaig ndeta

<sup>10</sup> tane gabat mbal Israel nqkmba pasa te ismba kila palpe. Tango kupe baklelok mayekat le kile kanqerde te tugunu tenqmba. Nasaretnu tango Yesus Kristus nu tuku sanqrimbi tango te kupe te-tiwik. Tane nu ail kazrai mbolnge balenaig ta Kuate nu tumba te-dunqina.

<sup>11</sup> Kuyar pasa ande tenqmba sakate.

Ndame ande tane ndame wande pilig mbal gisleknu nga te-sinaig ta kile wande ta tuku

ndame njakmba nu mbolnje sangri tingade  
ngate. *Mune 118.22*

Ndame ta Yesus.

<sup>12</sup> Kilke mbol mbal ngamuknje sine kile-luka kilam tuku Kuatenje Yesus sinjina. Ande nu singine muskil kile-tidinge sinjam tuku mine ndakate nga saningina.

<sup>13</sup> Petrus le Yohanus kuru kuru kugatok minje bulok sakinaik le gabat mbal nane wam ta kanjermba tango ar te ake tango ndo kila kugatok nga wamdus te-sulunaig. Tanjamba nale Yesus ndonj minnaik ta katesenaig.

<sup>14</sup> Kupe baklelok tango mayekina ta Petrus nale ndonj tanje tin minna tukunu nane kanjermba nale tuku pasa pitaiwam tuku ndin ande kanjer ndanaig.

<sup>15</sup> Tanjamba nane polis kame saninginaig le nale kilmba mayok kinaig. Mayok kinaig le nanjine nanjine munju kusnanga ndin sota

<sup>16</sup> sakinaig: Sine tango ar te mbolnje ndanbe. Nale wam kitek sangri njak kinaik ta Yerusalem mbal njakmba isnaig. Sine wam ta tomba yabukam kumunj kuga.

<sup>17</sup> Nale tuku pasa tango pino ngamuknje sungokikat. Ta tuku sine manau te peuwam tuku nale Yesus tuku kuasmbi afu manj saka tum ndaningap nga rironj pasa ninje nginaig.

<sup>18</sup> Tanjakinaig sulumba nale manj wika pasa sangrinu sanikinaig: Tale Yesus tuku manj afu saka tum ndaningap nginaig le

<sup>19</sup> nale ndek lafumba sakinaik: Sile Kuate tuku minje dubipe e ko tango tuku minje dubipe?

Ame wam Kuate am mbolŋge mayenu. Tanjine wamdus sinamŋge pilewap.

<sup>20</sup> Sikile ammbi agan kanjerka pasa isken ta minje tukule nda ŋginaik.

<sup>21</sup> Tanjakinaik le gabat mbal man lato riron pasa sangrinu sanikmba nale kukulnikinaig le kinaik.

Tango pino ŋakmba tango mayekina le kanjermba Kuate tuku nyu te-dunŋinaig. Ta tuku gabat sugo nane tango pino tuku kuru-kuruka nale ake kukulnikinaig le kinaik.

<sup>22</sup> Tango wakeinaik ta nu yar 40 buk kusrena tuku.

<sup>23</sup> Kile Petrus nale kumba ka nakile mbal kile-siglika pris gabat kame Israel mage mage tanjamba tanjamba manau sake likaig ŋga kubeu niŋginaig le

<sup>24</sup> nane pasa ta ismba wamdus ndindo ulendi pilmba ndek Kuate yabanmba sakinaig: O Sunjo, ne sanjri tugu. Ne samba kilke yu agan ndende ŋakmba neŋge ndo kile-mayokkina.

<sup>25</sup> O buk nane piro tango sinjine mbun David nu Tukul Guwanje wamdus tuna le pasa ande tejenmba kuyarna.

Ndanam kasomok mbal nane Kuate tuku gubra kagli tornaig. Ndanam nane ake sinan wam ŋayonu kam idusnaig.

<sup>26</sup> Kilke te tuku nyu ŋak mbal kame buwam saka tinja

gabat sugo afu ndon ulendika manjurka Kuate nune madina tango ndon kame buwam idusnaig ŋgina. *Mune 2.1-2*

<sup>27</sup> O son. Sine ne tuku pasa ta alonu kilimok kanjergen. Herodus, Pontius Pilatus, kasomok mbal Israel mbal afu turmba nane Yerusalemŋge



manḡurka ne madina taḡo Yesus balewam tuku sakinaig.

<sup>28</sup> Nane Yesus tumba balenaig ta ne o buk naḡe saḡri naḡe wamdusmbi wam afu mayok kambim tuku idusna ta nane ta kumunaig.

<sup>29</sup> O Suḡgo, nane sine mata ḡaigo siglikam tuku saka minig. Ta tuku sine ne tuku piro mbal kuru kuru kugatok miḡge bulokmbi ne tuku pasa kukliwam tuku sine sinzaḡsiḡga.

<sup>30</sup> Ne naḡe saḡri te-mayokmba naḡe piro taḡo purfeḡnu Yesus tuku nyu mbolḡge guaze mbal wakeika wam saḡgrinu kitek ke lika ḡginaig.

<sup>31</sup> Nane yabaḡ denḡurnaig le nane minnaig wande ta buru-burukina. Buru-buruka Tukul Guwa nane tuku wamdus kumuḡgina le nane wamdus bulka Kuate tuku pasa miḡge bulokmbi saka minnaig.

*Yesus tuku son ḡginaig mbal tuku manḡau*

<sup>32</sup> Yesus tuku son ḡginaig mbal nane ḡakmba ḡgamuḡgal wamdus ulendimba minnaig. Naḡgine aḡaḡ ndende mata ulendimba ḡakmba tuma minam tuku patikinaig.

<sup>33</sup> Aposel nane Suḡgo Yesus tiḡgina le kaḡgergeḡ ḡga pasa saḡri ḡak saka minnaig le Kuate nu nane sinzaḡḡiḡgina le nane mine magenaig.

<sup>34</sup> Nane afu kilke ḡak wande ḡak afu tugumuḡge piyaniḡmba ndametiḡ kilmba pro aposel kame niḡganu.

<sup>35</sup> Naḡgine mbal afu aḡaḡ denkanu ta nane ndametiḡ ta kilmba walmba niḡganu.

<sup>36</sup> Nane tuku taḡo ande Siprusnu nyunu Yosef nu Levi tuku ndare. Nane aposel kame nu tuku

mape nyu Barnabas nginaig. (Barnabas nyu ta tugunu: Nu tanjo wamdus bul serningit tuku).

<sup>37</sup> Nu mata nuje kilke piyamba ndametiŋ kilmba aposel kame ningina.

## 5

### *Ananias le Safira*

<sup>1</sup> Tanjo ande nyunu Ananias nu piyo nuje Safira ndoŋ kilke inum piyamba ndametiŋ kilnaik.

<sup>2</sup> Kilnaik sulumba Ananias nu ndametiŋ ngamuŋge paplamba inumnu nakile pilmba inumnu aposel ningam tuku idusmba piyo nuje sana le wokina. Nu ndametiŋ inumnu tumba pro aposel ningina sulumba sakina: Sile sikile kilke piyamba ndametiŋ kilcik ta noten ndo ngina.

<sup>3</sup> Tanjakina le Petrus ndek nu sana: Ananias, ne ndaŋam Satanŋe wamdus tanet le ne ndametiŋ paplamba inumnu naŋe kusremba inumnu tumba pro Tukul Guwa yabri pakte.

<sup>4</sup> Naŋe kilke minat ta ne kile piyawat sulumba ndametiŋ kilat. Ndametiŋ ta naŋe agaŋ. Ndametiŋ ta paplamba afu sine siŋgam idusmba ko naŋe ŋakmba kilam idusmba ndeta ta maye. Naŋe ndametiŋ. Ndaŋam ne maŋau ŋayonu kam tuku idusat. Ne sine yabri ndasiŋgit. Ne Kuate yabrite ŋa sana.

<sup>5-6</sup> Ananias nu pasa ta ismba nu kumaknu ndekina. Kumna le tanjo mo afu promba wandek tanje nu tuku mindesiŋ tawimbi songa tumba ka ngukinaig. Ananias nu kumna le nane wam ta isnaig mbal nane kuru kuru suŋgo tinaig.

<sup>7</sup> Tanjamba minnaig ma ma ki kanum kenjmba kinaig le piyo nuje Safira nu tango nuje wam kina ta nu katese ndamba wande ta mbol prona.

<sup>8</sup> Prona le Petrus ndek nu kusnana: Takile kilke piyamba ndametiŋ kilaik ta noten ndo e ŋga kusnana le nu lafumba au not ndo ŋgina.

<sup>9</sup> Tanjakina le Petrus ndek nu sana: Tale ndaŋam saka Sunjo tuku Guwa tagowam tuku pasa ulendiwaik. Ata. Tango mo tango naje tuku mindesiŋ ŋgukaig ta kupe fudu isa. Malanga tugum prode ta. Nane kile ne mata tanjawamŋgaig ŋgina le

<sup>10</sup> nu pitik ndo Petrus tuku kupe tugum tanje kumaknu ndekina le tango mo pro nu kanjgermba nu tuku mindesiŋ mata tumba ka tango nuje gemmba ŋgukinaig.

<sup>11</sup> Tanjanaig le Yesus tuku kuasmbi nane kuru kuru sunjo tinaig. Mbal afu kasomŋge minnaig mata pasa ta ismba nane kuru-kurukinaig.

### *Aposel kame wam sangrinu ke likinaig*

<sup>12</sup> Aposel kame tango pino ŋgamukŋge wam afu kitek sangrinu ke likinaig. Nane mara mindek kusem wande ta mbol kumba Solomon tuku kawanŋge manjurka minanu.

<sup>13</sup> Manjurka minnaig le nane ŋakmba nane tuku saka minmba pro nane ndoŋ ulendikam tuku kuru-kurukinaig.

<sup>14</sup> Nane gudommba son ŋga nane ndoŋ ulendikinaig le Sunjo tuku mbal tugekina.

<sup>15</sup> Yerusalem mbal nane guaze mbal kilmba pro ndinŋge yanjo fariŋge lika patikinaig. Ta ndaŋam? Petrus nu kuwa le nu tuku kanumnunje

ndo nane mbol kuwa le nane magekuwaig nga idusmba patike likinaig.

<sup>16</sup> Yerusalem patuknge tumbran mine likinaig nane mata guaze mbal afu guwa ngaigonu nak kilmba pro patike likinaig le nakmba magekinaig.

*Nane aposel kame piti ninginaig*

<sup>17</sup> Pris mbal tuku gabat sungo Sadusi mbal nu ndon wamdus ulendi minnaig ta nane aposel kame piro kinaig ta ismba nane sine tuku piro lide nga nane gubra kagli firkinaig sulumba

<sup>18</sup> nane kumba aposel kame bige tidinga mulin kilmba wandeknge patikinaig.

<sup>19</sup> Nane tanje minnaig le ka furirna le Sungo tuku enel ande pro wande malanga talka nane kilmba kile-mayokka saningina:

<sup>20</sup> Tane kape sulumba kusem wande sinam tanje tanjo pino abo tugu tam tuku ndin tumningap ngina le

<sup>21</sup> nane pasa ta ismba mafewam patukina le nane kumba ka kusem wande sinam tanje pasa kuklimba minnaig.

Kile pris gabat sungo nane nu ndon minnaig mbal pro Israel pasa pilewanu sugo nanjine mage mage turmba manjurkam tuku saninginaig sulumba aposel kame kilmba te prowaig nga polis mbal kukulninginaig le muli wande sinam kinaig.

<sup>22</sup> Nane pro muli wande sinam kumba nane kiringa luka kumba saninginaig:

<sup>23</sup> Sine kumba ka muli wande su ndinanu kanjergig. Polis mbal malanga kulat mayemba minnaig le sine malanga talka sinam kumba nane kanjer ndakigig nginaig.

24 Tanjakinaig le kusem wande tuku polis gabat pris gabat mbal nane pasa ta ismba nane kuru-kuruka pasa te tugeka kumunga ka animnge tinungat o nga wamdus te-sulumba minnaig.

25 Tanamba minnaig le tanjo ande nane tugum promba saningina: Tane tanjo kame mulin kilmba wandeknge patikaig ta nane kusem wande mbol sinje tanjo pino pasa tumningmba minig ngina.

26 Tanjakina le kusem wande kulat gabat nuje polis tanjo afu ndon nane kumba ka aposel kame ngan kilmba pronaig. Nane tanjonge ndamembi bale farsinbekaig nga idusmba tanjanaig.

27 Kilmba promba Israel mbal tuku pasa pilewanu sugo tumailamnge kile-tidinginaig le pris gabat sunjo nu nane kusnaningina:

28 Sine buk Yesus tuku manjau nane afu sa ndaningap nga peutingigen ta tane ise ndaka saka saka likade le Yerusalemnge buk sunjoka tugekate. Tane tanjo kumna ta tuku ndare sine pasokuwa nga tanjade e ngina le

29 Petrus aposel kame nane lafumba nu sanaig: Sine Kuate tuku minje pitaimba tanjo tuku minje dubiwam kumun kuga.

30 Tane Yesus kumwa nga ail kazrai mbolnge balenaig ta singine mbun kame tuku Mbaranje tetina le abonja tingina.

31 Sine Israel mbal ngamungal biye mbilbe le Kuate nu sine tuku une saukamngat. Ta tuku nu Yesus tumba te-dunga nuje ndinam kumamnge pilna le kile nu sine njakmba tuku gabat sunjo minit. Nu sine tuku muskil kile-tidinge singit tuku tanjo.

<sup>32</sup> Sine wam ta ḡakmba kile-mayokka sakam tuku mineg. Sine ndo kuga. Tukul Guwa nu mata wam ta kile-mayokkate. Kuate tuku miṅge pasa ismba dubide mbal nane ḡakmba nu Tukul Guwa niṅgit ḡga pris gabat sunḡo ta sanaig.

<sup>33</sup> Tanakinaig le gabat kame nane pasa ta ismba gubra kagli tormba nane aposel baleniṅgam tuku idusmba saka minnaig.

### *Gamaliel nu aposel kame mapekina*

<sup>34</sup> Pasa pilewanu tanḡo ḡgamukṅge Farisi tanḡo ande nyunu Gamaliel minna. Nu Moses tuku wam pagu pasa kukliwam tuku tanḡo. Tanḡo pino ḡakmba nu tuku saka minnaig.

Tanḡo ta tinga aposel kame ka kilimṅge ait fagnu minap ḡgina le nane kinaig.

<sup>35</sup> Nane kilimṅge minnaig le Gamaliel nu gabat sugo saniṅgina: Israel gabat kame, tane wam ande nane mbolṅge kam tuku idusde ta ambonga tane wamdus te-mayewap sulumba.

<sup>36</sup> O buk tanḡo ande nyunu Teudas nu mayok ka ye nyu ḡak ḡgina le nane gudommba 400 tanḡan nu dubinaig. Dubimba minnaig ma ma tanḡo afunḡe nu balenaig le nu dubinaig mbal kua ka sili-silinaig le nu tuku piro kumna.

<sup>37</sup> Ngumnḡga tanḡo nyu kuyaram tuku ait ande mbolṅge Galileanu tanḡo nyunu Yudas nu mayok ka nane gudommba didike likina. Didike likina le nane afunḡe nu balenaig le nu dubinaig mbal kua ka sili-silinaig.

<sup>38</sup> Ta tuku ye tane satinḡamṅgit. Tanḡo kame te ḡaigo sigli ndaka kusrekap. Nane nanḡine

wamdusmbi pirokade ndeta piro ta kugamba ngisikamngat.

<sup>39</sup> Piro te Kuate mbolnge prote ndeta sine kume seram kumun kuga. Sine kume seram tagobe ta Kuate ndon kame bumba minbekig ngina.

<sup>40</sup> Tanakina le gabat sugo nu tuku pasa dubimba aposel kame man wika polis kame nane ngusninguwaig nga saninginaig. Ngusningmba riron pasa saningmba Yesus tuku nyu afu sa ndaningap nga kukulninginaig le mayok kinaig.

<sup>41</sup> Mayok ka mangur wande kusremba nane ndek sakinaig: Ese. Sine Yesus ndon mineg tukunu rar te kuraweg. Sine nu mbolnge rar te tam tuku Kuate nu sine madisingina nga garegareka kinaig.

<sup>42</sup> Tanamba nane nangine piro kusre ndanaig. Nane mara mindek kusem wandeknge nangine wande yimyam mbolnge tango pino tumningmba Yesus nu Kristus Kuate nge madina tango nga saka minnaig.

## 6

### *Aposel kame turningam tuku afu madininginaig*

<sup>1</sup> Ait ta mbolnge Yesus dubinaig mbal gudumba mayok kinaig. Nane afu Grik pasa tinaig tuku afu Hibru pasa tinaig tuku. Grik pasa tinaig mbalnge Hibru pasa tinaig mbal ndon gubra pilnaig. Ta ndanam? Mara mindek aposel kame nyamagan paplamba walanu le Hibru mbal nangine pino kuembol ningmba Grik mbal tuku pino kuembol nda ninganu.

<sup>2</sup> Aposel kame 12 gubra pasa ta ismba nane njakmba kile-manjurka saninginaig: Tira kame, sine aposel Kuate tuku pasa kukliwam tuku piro kusremba nyamagan ndo walam kumuŋ kuga.

<sup>3</sup> Ta tuku kile tangine tanjo 7 madiningap. Tanjo afu Tukul Guwa nane tuku wamdus kumuŋganu tanjo pino nane tuku saka minig ta kanjerka madiningap.

<sup>4</sup> Tanjawap le sine Kuate yabanmba nu tuku pasa kukliwam tuku piro ta ndo idusbe nginaig.

<sup>5</sup> Tanjakinaig le nane pasa ta ismba njakmba gareningina le nane tanjo 7 madininginaig. Ande nyunu Stefanus nu ngamuŋgal son sanjri njak. Tukul Guwa nu tuku wamdus kumuŋgina. Afu Filipus, Prokorus, Nikanor, Timon, Parmenas, Nikolaus. (Nikolaus nu Antioknu. Nu Zu tanjo kuga ta nu Zu tanaŋ Kuate dubina).

<sup>6</sup> Nane tanjo kame ta kilmba aposel kame tugum pronaig le aposel kame wai nane mbolŋge patika yabanjaig.

<sup>7</sup> Kuate tuku pasa Yerusalemŋge sunjoka tugekina le nane gudommba mbilka ngamuŋgal son nginaig le Yesus dubinaig mbal tugeka sunjomba pronaig. Pris gudommba mata Yesus son nga nu dubinaig.

### *Zu mbal Stefanus tumba pasa mbolŋge pilnaig*

<sup>8</sup> Kuate nu Stefanus make pilmba sanjri tuna le nu wam kitek sanjrinu tanjo pino ngamukŋge ke likina.

<sup>9</sup> Tanjana le Zu mbal afu nu ndoŋ pasambi kua-leyaukam bafunaig. Nane tuku kusem wande



nyunu Friman. Nane afu Sirenenu afu Aleksandrianu afu Silisianu afu Asianu nane Friman mbal ndonj ulendika Stefanus tugum promba pasambi kualeyaukinaig.

<sup>10</sup> Tanjanaig le Tukul Guwa nu Stefanus wamdus mayenu tuna le nu pasa tina ta nane pasa lafu fugunaig.

<sup>11</sup> Lafu fugunaig sulumba nane ka tango afu ndametinj ninmba saninginaig: Stefanus nu Moses le Kuate tuku nyu ngaigo siglikina le isgenj nga tango pino ngamukngge sakap nginaig.

<sup>12</sup> Nane kumba tanjamba sakinaig le tango pino Israel mage mage kusem pasa biteknganu mbal nane njakmba ismba wamdus pa sunjo tumba kumba Stefanus biye timba ka Israel mbal pasa pilewanu sugo tugumngge te-tinaig.

<sup>13</sup> Te-tinaig sulumba nane tango afu buk wam paguninginaig ta nane tinga yabri pasa sakinaig: Tango te nu mara mara singine kusem wande tukul pasa turmba nune pasambi kilmba ngaigo siglikate.

<sup>14</sup> Nasaretnu tango Yesus nu wande te sambrimba Moses tuku wam pagu pasa sine dubikam tuku singina ta nu mbilmba manau kitek kilemayokkamngat nga sakina le isgenj nginaig.

<sup>15</sup> Israel pasa pilewanu tango sugo nane Stefanus kanjer timba minnaig le nu tuku tumail pasi mbilka enjel tumail suk mayok kina le kanjernaig.

## 7

<sup>1</sup> Nane Stefanus kanjer timba minnaig le pris gabat sunjo ndek nu kusnana: Nane ne mbolngge pasa pilig te son e ngina le

<sup>2</sup> nu lafumba sakina: Yiŋe tira kame yiŋe mam kame tane isap. Siŋine mbuŋ Abraham nu Haran kilke mbol nda kina sulumba nu Mesopotamia kilke mbolŋge minna le Sungo Kuate kilŋa ŋak nu tugumŋge mayok ka sana:

<sup>3</sup> Ne naŋe kuasmbi naŋe kilke kusreka kaye. Yenŋe kilke kise ande tumnamŋgit ŋgina.

<sup>4</sup> Taŋaka sana le nu ndek nuŋe kilke tuguk Kaldea kusremba kumba ka ka Haran kilke mbol pronā. Pro taŋge minna le mam nuŋe kumna. Kumna le Kuatenŋe kilke kise ande mbol kaye ŋgina le nu tiŋga kumba ka ka kile sine mineg ma te mbol pronā.

<sup>5</sup> Nu abo abo kilke te mbol pronā le Kuate nu kilke te fudiŋmba tuwe ndaka nu pasa saŋgrimbi nu kilke te Abraham nuŋe ndare ŋakmba niŋgam tuku sana. Kuate nu sana ait ta nu kiŋo kugatok minna.

<sup>6</sup> Nu teŋenmba Abraham sana: Ne tuku mbuŋ kilke te kusremba kilke kise mbolŋge rawe tango taŋaŋ minamŋgaig. Minwaig le kilke ta mbolok mbal nane piti suŋgo niŋguwaig le nane tuku piro agaŋ taŋaŋ minmba ka yar 400 kugawamŋgaig.

<sup>7</sup> Yar 400 kugawaig le ye kilke ta mbolok mbal piti niŋgi le naŋe mbuŋ kusrekuwaig le nane kilke ta kusremba luka ma te mbol promba ye tuku nyu te-duŋga mbariŋyumba minamŋgaig ŋgina.

<sup>8</sup> Taŋakina sulumba Kuate nu Abraham ndon pasa katmba ŋgaro pikam tuku maŋau te-mayokna. Ngumnēnga nuŋe kiŋo Isak te-pilmba mara 8 mbolŋge nu tuku ŋgaro pikna. Isak nu suŋgoka Jakob te-pilmba nu mata Jakob mbolŋge taŋana. Jakob nu suŋgoka kiŋo 12 kile-patikina ta nane sine tuku asitibud.

<sup>9</sup> Singine asitibud 11 maib nanjine Yosef mam nu make pilit nga gubra kagli firka nu tumba mbal kise tugumnge piyanaig le nane nu tumba nanjine kilke Isip kinaig. Tanjanaig le Kuate nu Yosef kusre ndana.

<sup>10</sup> Piti gudommba nu mbolnge prowe likinaig ta Kuate nu Yosef kulat mayena. Mara ande nu Isip gabat tugumnge tinjina le Kuate nu wamdus kuyar sungo tuna le Farao nu nzalinu nuje piro mbal Isip njakmba kulatkam tuku nu gabat pilna.

<sup>11</sup> Kile guba sungo Isip le Kanan kilke mbolnge prona le nane nyamagan kiringa sinamanzer sungo tinaig. Singine asitibud mata Kanan kilke mbolnge nyamagan kiringinaig.

<sup>12</sup> Singine mbun Jakob nu Isipnge wit minig nginaig pasa ta ismba nuje kiyo kame wit afu piyaningam tuku kukulningina le kinaig.

<sup>13</sup> Tanjamba minmba ma ma man lato kukulningina le kinaig le kile Yosef nu nuje nyu temayokna le aba kat nuje kila pilnaig. Farao nu mata Yosef tuku ndare kila patikina.

<sup>14</sup> Kile Yosef nu mam nuje, nuje tugu kame Isip prowam tuku pasa pilna. Nane njakmba 75.

<sup>15</sup> Tanjamba Jakob nane Isip kilke mbol kinaig. Kinaig ka tanje minnaig ma ma Jakob nu kumna. Kumna le minnaig ma ma singine mbun afu mata kume likinaig.

<sup>16</sup> Kume likinaig le nanjine mbalnge nane tuku isu kilmba luka Sikem tumbrajan damede burok sinam tanje patikinaig. Hamor mbal tuku ndamede burok ta Abraham nu o buk piyamba ndametin afu nane ninjina.

17 Kuate nu o buk Abraham pasa sangrinu sana ait ta buk patukina le Abraham tuku mbun Isipnge tuge n̄ayona.

18 Kile tango kise nu Yosef gilai nu Isip mbal tuku gabat tingina sulumba

19 nu singine mbun piti sungo ninmba nane tuku kiño dabro kitek kumwaig nga wandeknge minam tuku tukulmba mayoknge patikam tuku saningina.

20 Moses ina nuñe piti ta sinamnge te-pilna. Kiño ta mayenu le ina nuñe nangine wandek tange tambun kenmba yubenga kulatka minna.

21 Tanamba nu yubengam kumuñ kuga le kiño nuñe mayoknge pilna le Faraο tuku kulim nu Moses kanjermba yiñe kiño nga madimba tumba nuñe wande mbol kina ka

22 tange minmba ma ma Moses nu Isip mbal tuku kila njakmba kila pilmba nu tango sungo mayok kina. Nu pasa saka wam ke lika nyu njak minna.

23 Tanamba minna ma ma Moses nu yar 40 kusremba nuñe tugu Israel mbal kanjerkam idusmba nane tugum kina.

24 Nu pro Isip tango andenge Israel tango ande kat n̄ayona le kanjerna. Tanamba nu kumba Israel tango ta te-simba Isip tango ta balena le kumna.

25 Moses nu tango ta balemba tenenmba idusna. Kile yiñe mbal Kuateñge nane tuku muskil kiletidinge ningam tuku ye kukulyat ta nane katesewamngaiğ nga idusna ta nane tanamba idus ndanaig.

26 Mafena le nuñe mbal armba kame bumba minnaik le kanjerka nale tumawaik nga ka

sanikina: Tira kame, ndañam takile takile tira ndo kame bude ngina.

<sup>27</sup> Tanjakina le tanjo nu kame tugu pilna ta nu Moses waimbi pitaimba nzumilmba sana: Imanje ne sine tuku pile tanjo gabat tanjo pilna.

<sup>28</sup> Ne kubele Isip tanjo balena tanjamba ne ye baleyam tanjate e ngina le

<sup>29</sup> nu pasa ta ismba kuru-kuruka Isip kilke kusremba kua ka Midian kilke mbol kina. Kina ka tanje rawe tanjo tana minna sulumba ma ta mbolnje nu kinjo armba kile-patikina.

<sup>30</sup> Minna ma ma yar 40 man kusrena. Mara ande nu ma baknu Sinai tabe tugunu tugum tanje minmba ail fudinndo sinamnje pa mane mayok kina le nu enel ande kanjerna.

<sup>31</sup> Kanjermba nu wamdus pilemba pa ta tugusemba kanjer tiwam tuku kumba minna le Sunjo tuku minje pasa mayok ka Moses sana:

<sup>32</sup> Ye nane mbun kame Abraham Isak Jakob nane tuku Mbara minet ngina le nu ismba piriri njayomba kanjeram mbulmba am te-kasona le

<sup>33</sup> Sunjonje nu sana: Ne tinj minit ma ta tukul ma. Ne kupe ngaro paska.

<sup>34</sup> Isip mbalnje yije mbal piti sunjo ningig le kanjerket. Nane tuku malmbi mata iset. Ta tuku ye nane muskil kile-tidinge ningam tuku ndeket. Ne tinga le kukulni le Isip kaye nga Moses sana.

<sup>35</sup> Israel mbal buk Moses pitaimba sakinaig: Imanje ne sine tuku pile tanjo gabat tanjo pilna nga Moses sanaig ta Kuatenje tanjo ta madimba nune enel ail fudinndo sinamnje mayok kina ta mbolnje Moses nu Israel mbal tuku gabat sunjo minmba nane muskil kile-tidingsam tuku kukulna.

<sup>36</sup> Kukulna le nu ka Isipnge wam kitek sangrinu ke lika Israel mbal kilmba kina. Tanamba nu Yu Gurgur tugumnge ma baknu mbolnge yar 40 sinamnge mata wam kitek sangrinu ke likina.

<sup>37</sup> Moses ndui ta nu Israel mbal saningina: Kuate nuje pasa te-mayokam tuku ye tuan tango pilna tanamba ndo nu sine Israel ngamuknge nuje tuan tango ande palmbimngat ngina.

<sup>38</sup> Moses nu Israel mbal ndon ma baknu mbolnge minna. Nu Sinai tabe pongina le enelnge wam pagumba abo nak minam tuku ndin singine mbun kame tumningmba saningam tuku Moses sana.

<sup>39</sup> Saningina ta nane singine mbun Moses tuku minge kumnemnge minam mbulmba nu pitaimba man luka Isip kambim mindesimba minnaig.

<sup>40</sup> Moses nu Sinai tabe mbolnge minna le nane ndek Aron sanaig: Moses nu buk Isipnge sine kilmba prona ta nu animbi kina. Ne singine mbarinam tuku agan afu wakeika le ndin tum-singuiwaig nginaig sulumba

<sup>41</sup> nane makau pail kanunu wakeimba aganmor balemba nu atraukinaig. Tanamba nane agan wakeinaig ta tuku gare-garekinaig.

<sup>42</sup> Tananaig le Kuate nu nane wai kusrekina le nane tambun ki mbai kame nangine mbara nga mbarinngmba minnaig le tuan tango ande nu wam ta tuku tenenmba Kuate tuku minge kuyarna. Israel mbal tane ma baknu mbolnge yar 40 minmba aganmor balenngmba atraukinaig ta ye tuku idusmba tana ndanaig.

<sup>43</sup> Tane kambim nga yabri mbara nyunu Molok nu tuku tawi wande tumba kinaig.

Mbai suk yabri mbara nyunu Refan ngade ta turmba tumba kinaig.

Tane kanunu ta mbariṅningam tuku wakeikinaig.

Ta tuku yiṅe nzali dubimba nane afu tane kilmba kilke masken Babilon sim kaṅgaig ṅgina.

*Amos 5.25-26*

Tuan taṅgo nu taṅamba kuyarna.

<sup>44</sup> Singine mbuṅ kame ma baknu mbolṅge Kuate tuku pasa isam tuku tawi wande ṅak minnaig. Kuate nu tawi wande ta palmbim tuku Moses wam paguna sulumba kanunu te-mayokmba tumna taṅamba ndo pilna.

<sup>45</sup> Ngumnenga Kuateṅge Kanan mbal pitaikeli le singine mbuṅ nane Yosua ndoṅ kilke tinaig ta nane tawi wande ta kuramba kilke te mbol pronaig. Tawi wande ta minmba minna le David prona.

<sup>46</sup> Kuate nu David make pilna le nu Kuate kusnana: Sine Yakob tuku ndare sine ne mbariṅnam tuku wande ande pilbe e ṅga kusnana ta

<sup>47</sup> David nu wande ta pile ndakina. Nu tuku kiṅo nuṅe Solomonṅge Kuate mbariṅnam tuku wande ta pilna.

<sup>48</sup> Taṅgo kame naṅgine waimbi wande patikade ta Sunḡo Kuate nu wande ta sinamṅge mine ndakate. Tuan taṅgo ande teṅemba kuyarna.

<sup>49</sup> Sunḡo nu sakate: Samba ta ye Sunḡo Kuate minyoket tuku ma. Kilke ta ye kupe patiket tuku ma.

Kilke mbol mbal ye minam tuku wande ndaṅndaṅmba palmbimṅgaig? Ko ye aniṅge minmba mabti?

50 Ye yiŋe saŋgrimbi agan ndende ŋakmba te kilemayokken ŋgate. *Aisaia*

*66.1-2*

Tuan tanjo nu tanjamba kuyarna.

51 Tane sinjka ŋgamunjal tukulok mbal. Tane Kuate gilai mbal tanjan ŋgamunjalmbi nu idus ndamba pasa tugusek isam mbulig. Tane sinjine mbun kame tanjan tane Tukul Guwa mara mara pitaide.

52 Nane Kuate tuku tuan tanjo ŋakmba kilmba ŋaigo siglika ande mape ndanaig. Tuan tanjo ande purfeŋnu prowamŋgat ŋga sakinaig le mbun kame nane bale farniŋge likinaig. Tanjo purfeŋnu ta tane nu tuku kupet minmba tumba balenaig.

53 Eŋel kame Kuateŋge kukulniŋgina le sine tukul dubikam tuku mbun kame niŋginaig ta tane lukakade ŋga saniŋgina.

54 Stefanus nu tanjamba Israel gabat sugo saniŋgina le nane nu tuku pasa ta ismba gubra sunjo tumba amain makemba maketiŋ tikŋga minnaig.

55 Tanjamba minnaig le Tukul Guwa Stefanus tuku wamdus kumunŋgina le nu samba mbol ambe mambilmba am tidiŋga Kuate tuku kilŋa kaŋgermba Yesus nu tuku ndinam kumamŋge tiŋ minna le kaŋgerna.

56 Kaŋgermba nu ndek sakina: Ambe kaŋgerap. Samba talkat le Katesek Tanjo nu Kuate tuku ndinam kumamŋge tiŋ minit le kaŋgeret ŋgina.

57 Tanjakina le nane isam mbulmba kilba tukulmba ŋgumbeyumba pinder-pindermba nu biye tinaig sulumba

58 nane nu tumba tumbran sunjo kusremba mayok ka kasomŋge pilnaig. Pilmba nu pasa



mbolŋge pilnaig mbal nane nanġine tawi paska tanġo mo ande nyunu Saulus nu tuku kupe tugumŋge patika ndame kilmba Stefanus katmba minnaig.

<sup>59</sup> Nane katmba minnaig le nu yabanġmba sakina: Sunġo Yesus, ye tuku kanu ta ŋgina.

<sup>60</sup> Tanġaka nu ndek dagol tidronġa wi kuenġka sakina: Sunġo, nane ye mbolŋge mbarde te ne nane tuku mbar sauka gilainġa ŋgina. Nu tanġamba sakina sulumba kumna.

## 8

<sup>1-2</sup> Stefanus kumna le Saulus nu wam ta kanġermba nane mayewaig ŋga idusna le Kuate tuku nyu kurauka dubinaig tanġo afu Stefanus ŋguka nu tuku malmbi sunġonaig.

Stefanus balenaig ait mbolŋge Yesus tuku kuasmbi Yerusalemŋge minnaig ta nane afunġe piti serninġinaig le nane kua ka afu Yudea ma tugu afu Samaria ma tugu mbol kine likinaig. Aposel kame ndo Yerusalemŋge minnaig.

<sup>3</sup> Saulus nu Yesus tuku kuasmbi kilmba ŋaigo siglika nane tuku wande mindek ponġa bige tidinġa mulinġ kilmba didika wandekŋge patika tanġamba kine promba likina.

### *Samaria mbal pasa mayenu isnaig*

<sup>4</sup> Nane kua ka sili-silinaig mbal nane ma ŋakmba mbol lika pasa mayenu kuklimba kinaig.

<sup>5</sup> Tanġamba Filipus nu Samaria tumbranġ ande mbol kina sulumba Yesus nu Kuatenġe madina tanġo Kristus ŋga nane saninġmba minna le

<sup>6</sup> Samaria mbal gudommmba nu tuku pasa ismba maŋau kitek saŋgrinu ke likina ta kaŋgerka nane ŋakmba kilba pilmba nu tuku pasa ise mayenaig.

<sup>7</sup> Nu afu guwa ŋaigonu ŋak nane kusrekuwaig ŋgina le nane wikaraumba nane kusreka kinaig. Kupe wai baklelkanu afu kupe ŋaigonu ŋakmba mageke likinaig le

<sup>8</sup> tumbraŋ ta tuku mbal gare suŋgo tinaig.

<sup>9</sup> Tumbraŋ taŋge taŋgo ande nyunu Simon minna. Taŋgo ta ye nyu ŋak ŋga nu wam saŋgrinu afu nuŋe kuanyembi ke likanu le nane kaŋgerka ŋakmba pirerek purka minanu.

<sup>10</sup> Samaria mbal nyu ŋak nyu kugatok nane ŋakmba Simon tuku pasa ise mayenaig sulumba sakinaig: Taŋgo te nu suŋgo. Nu Kuate tuku saŋgri suŋgo te-mayokte ŋga saka minnaig.

<sup>11</sup> Ait kuennu Simon nuŋe kuanye maŋau kina le nane pirerek purka minmba nane nu tuku pasa ise mayenaig.

<sup>12</sup> Kile Filipus nu pro Kuate nuŋe gageu kulatkate wam saniŋmba Yesus Kristus tuku nyu temayokna le nane son ŋga kule pisne tinaig.

<sup>13</sup> Simon nu mata son ŋga kule pisne tina. Nu Filipus ndoŋ minna le nu wam kitek afu saŋgrinu ke likina le nu kaŋgerka pirerek purka am go sulumba minna.

<sup>14</sup> Samaria mbal Kuate tuku pasa ismba son ŋginaig le aposel kame Yerusalemŋge wam ta ismba Petrus le Yohanus kukulnikinaig le nale ndek kinaik.

<sup>15</sup> Kinaik ka Samaria ma tugu mbol pronaik.

<sup>16</sup> Samaria mbal nane Yesus tuku nyu mbolŋge kule pisne tinaig ta nane Tukul Guwa nda tumba

minnaig le Petrus le Yohanus nale ndek wam ta katesenaik sulumba nane Tukul Guwa tuwaig nga Kuate yabaŋnaik sulumba

<sup>17</sup> wai nane mbolŋge patikinaik le Tukul Guwa nane ŋakmba mbolŋge kumuŋgina.

<sup>18</sup> Aposel ar nale wai nane mbolŋge patikinaik le nane Tukul Guwa tinaig ta Simon nu kaŋgermba ndametiŋ afu kilmba nale tugum promba sanikina:

<sup>19</sup> Tale ndametiŋ te kilmba wam ta tuku saŋgri ye sap le ye mata nane afu mbolŋge yiŋe wai pili le nane Tukul Guwa tuwaig ŋgina.

<sup>20</sup> Taŋakina le Petrus ndek nu kasurmba sana: Ne naŋe ŋgarosu ndametiŋ turmba ma ŋayo mbol kaye. Tukul Guwa Kuatenge ake siŋgit ta ndametiŋmbi piyawam tuku agaŋ kuga.

<sup>21</sup> Ne tuku ŋgamuŋgal Kuate am mbolŋge tugusek kuga. Ta tuku ne Kuate tuku piro ande mata kam kumuŋ kuga.

<sup>22</sup> Ne naŋe ŋgamuŋgal biye mbilmba naŋe wamdus ŋaigonu ta kusreka Kuate nu naŋe mbar sungo ta sauka gilaingam tuku nu yabaŋa.

<sup>23</sup> Ne agaŋ ŋakmba kilam tuku wamdus kagli firka naŋe maŋau ŋaigonuŋge ne didikate le ye kamuset ŋgina.

<sup>24</sup> Taŋamba sana le nu Petrus tuku pasa lafumba sana: Tale ye tuku nga Kuate sungomba yabaŋap. Wam kame ye mbol prowam tuku sakaik ta ye mataryate ŋgina.

<sup>25</sup> Petrus nale Sungo tuku pasa kuklimba Samaria mbal wam paguniŋge denpurmba nale luka mbumba Yerusalem kinaik. Kumba ndinŋge

Samaria ma tuku tumbran afu gudomma mbolnge pasa mayenu saninge lika kinaik.

*Etiopianu tanjo pasa mayenu isna*

<sup>26</sup> Sunjo tuku enjel ande Filipus tugum promba sana: Ne tinga Yerusalem kumam si kaye. Yerusalem kusremba Gasa kambim tuku ndin ma baknu mbol kinit ta dubimba kaye ngina.

<sup>27</sup> Tanakina le nu tinga kumba ka ndin ta mbol prona sulumba Etiopianu tanjo sunjo ande nuje karis mbolnge minyokina le kanjerna. Tanjo ta nu Etiopia kilke tuku mandor pino Kandase nu tuku ndametin kulatkina tuku. Nu Kuate mbarinjam Yerusalem kina tuku.

<sup>28</sup> Kile nu luka Etiopia kambim saka karis mbol tanje minmba tuan tanjo Aisaia tuku kuyar ande burka kina.

<sup>29</sup> Tanana le Tukul Guwanje Filipus sana: Karis kinit si tugum kaye ngina le

<sup>30</sup> nu pinder njak njak kumba nu tuan tanjo Aisaia tuku kuyar burkina le ismba nu kusnana: Ne pasa burkate ta tugunu ne katesete e nga kusnana le

<sup>31</sup> nu lafumba sana: Ye ndanmba pasa tugunu te katesewi? Ne mbumba tenje minyoka pasa te tugunu saya ngina.

<sup>32</sup> Nu tuan tanjo Aisaia tuku pasa burkina ta tenenmba.

Andenge sipsip balewam tuku tumba kinit tanjan nane nu tumba kinig. Sipsip nguenu kuerkade le nu witi ndate tanjan nu nane tuku pasa lafu ndate.

<sup>33</sup> Nane nu kiko pile tumba nu tuku pasa te-ti ndamba ake tumba njayo silide.

Kilke te mbolŋge mine sunŋo ndamba kumwa le  
afu nu tuku kuasmbi mine nda. *Aisaia*  
53.7-8

Kuyar pasa taŋamba sakate.

<sup>34</sup> Kile ndametin kulat taŋgo nu Filipus kusnana:  
Kuate tuku tuan taŋgo nu pasa te kuyarna ta nuŋe  
ŋgarosu tuku kuyarna e ko ande tuku ŋgina.

<sup>35</sup> Taŋakina le Filipus nu Aisaia tuku pasa ta  
mbolŋge tugu pilmba pasa mayenu kuklimba  
Yesus tuku sana.

<sup>36</sup> Samba kumba ka kule kualin ande tugum  
promba Etiopianu taŋgo ndek nu sana: Ai si. Kule  
ande minit si. Kile ne ye kule pisneyam kumuŋ e  
ŋgina le

<sup>37</sup> nu lafumba sana: Ne wamduŋ ŋakmbambi son  
ŋgate kande ye ne kule pisneni ŋgina le nu lafumba  
sana: Yesus Kristus nu Kuate tuku Kiŋo ta ye nu  
tuku son ŋget ŋgina.

<sup>38</sup> Taŋakina sulumba karis tinŋam tuku saninŋina  
le karis tinŋina le nale ibeŋ kinaik. Ibeŋ ka kule  
sinam kinaik sulumba Filipus nu taŋgo ta kule  
pisnena.

<sup>39</sup> Nale maŋ luka tabek kinaik le pitik ndo Tukul  
Guwaŋge Filipus didik tumba ma kise mbol kina le  
Etiopianu taŋgo nu maŋ kaŋger ndana. Nu Yesus  
tina tukunu nu gare ŋak nuŋe karis poŋga Etiopia  
kina.

<sup>40</sup> Filipus nu Asdodŋge minna ta wamduŋ pu-  
luna. Nu tumbraŋ sunŋo ta kusremba kumba  
tumbraŋ ŋakmba mbolŋge pasa mayenu kuklimba  
lika ka Sesarea prona.

## 9

### *Saulus nu ngamunggal biye mbilna*

<sup>1</sup> Saulus nu Sunngo Yesus dubinaig mbal tuku gubra tumba ye nane njakmba bale faramngit nga nu pris gabat sota kina sulumba

<sup>2</sup> sana: Ye Damaskus tumbran sunngo mbol nzi kumba Yesus dubide mbal tango pino kanjerka ndaleka kilmba luka Yerusalem mbambim tuku ne waje afu kuyarka sa. Damaskus tuku kusem wande gabat kame ninje liki le kanjerka ye piro ta kam tuku nyu njak kila minwaig ngina.

<sup>3</sup> Saulus nu waje ta kilmba ka Damaskus patuna le samba mbolnge bulu sunngo ande mayok ka nu kiljana.

<sup>4</sup> Kiljana le nu ndek kuru-kuruka kilke mbolnge ndekina le minje pasa ande promba sana: Saulus, Saulus, ne ndanam tuku ye njayo siliyate ngina le

<sup>5</sup> nu ndek kusnana: Sunngo, ne imanje ngina le nu sakina: Ye Yesus ne ye njayo siliyate ta.

<sup>6</sup> Kile ne tinja tumbran sunngo mbol nzi kaye. Nzinje mina le andenje ne wam kam tuku sanamngat ngina.

<sup>7</sup> Tanjakina le tango kame Saulus ndon kinaig ta nane tinja maninok minnaig. Ta ndanam? Nane pasa pronata isnaig sulumba tango ande nda kanjernaig.

<sup>8</sup> Saulus nu tinja am marangina ta aganj kanjer ndakina. Kanjer ndakina le nu waiwaimba kumba Damaskus pronai.

<sup>9</sup> Kumba ka tanje mara kenmba nu aganj kanjer ndaka nyamaganj kule mata nye ndakina.

10 Yesus dubina tango ande Damaskusnge minna. Tango ta nyunu Ananias. Nu kiñatanu suk Sunḡonḡe nu wika Ananias ḡgina le nu ndek sakina: Sunḡo, ye minet te ḡgina.

11 Tanḡakina le Sunḡo nu sana: Ne tinḡa ndin ande nyunu Tinḡreknu si mbol kaye. Ne kumba ka Yudas tuku wande ponḡa Tarsusnu tango nyunu Saulus nu tuku kusnanḡa. Nu Kuate yabanḡamba minit.

12 Nu mata kiñatanu suk ne kanḡernat. Ne nu tugum promba nunḡe am mayekam tuku ne nu mbolḡe wai patikat le kanḡernat ḡgina.

13 Tanḡakina le Ananias ndek nu sana: O Sunḡo, tango ta Yerusalemḡe ne tuku mbal kilmba ḡaigo siglikanu ḡga gudommbanḡe sakade le iset.

14 Tenḡe mata ne tuku nyu te-dunḡade mbal bige tidinḡa kilmba ndalekam tuku pris gabat mbal tugumḡe nyu tina ḡgina le

15 Sunḡo nu sana: Kuga. Yenḡe tango ta madiwen. Ye yinḡe nu kukuli le nu ka kasomok mbal gabat sugo kise kise Israel mbal nane ḡakmba tugumḡe ye tuku saninḡamḡat.

16 Tanḡamba nu piti gudommba kanḡerke likamḡat. Ye nu manḡau ta mbolḡe kila sawamḡgit. Ne tinḡa nu tugum kaye ḡgina.

17 Kile Ananias nu tinḡa ka Saulus nu minna wande ta ponḡa nu wai kilmba nu mbolḡe patika sana: Tira, ne ndeka ndinḡe Sunḡo Yesus kanḡerna ta nunḡe ye kukulyat. Ne tuku am mayeka sulumba Tukul Guwa tam tuku ne tugum prowet ḡgina le

18 pitik ndo kualeḡan suprep suk aḡan am mbolḡe gagulka ndekinaik le nu am mayeka

mambilna. Tanjamba nu tinga kule pisne tina sulumba

<sup>19</sup> nu manj isukusmba sangri tumba Damaskusnge Yesus dubinaig mbal ndonj mara afu minna.

*Saulus nu Damaskusnge pasa mayenu kuklina*

<sup>20</sup> Saulus nu dal ndaka Zu mbal tuku kusem wande sinam kine lika Yesus nu Kuate tuku Kinjo nga kuklimba saningina le

<sup>21</sup> nu tuku pasa isnaig mbal nane wamodus te-sulumba sakinaig: i ... Tango te nu buk Yerusalemnge nyu ta te-dunginaig mbal kilmba ngaigo siglikina. Tumbranj sunjo te mbolnge mata tanjo pino nu dubide ta bige tidinga ka pris gabat nane am mbolnge kile-tidingam tuku prona nginaig.

<sup>22</sup> Saulus nu sangri lato tumba Yesus nu sinja Kuatenge madina tanjo Kristus nga kukli mayena le Zu mbal Damaskusnge minnaig ta nu tuku pasa ismba lafuwam kumunj kuga.

<sup>23</sup> Kile Zu tanjo afu Saulus balewam tuku sakinnaig le

<sup>24</sup> nane afu ismba pro nu sanaig le isna. Nane Damaskusnge ki furir mindek nu balewam tuku fonde malanja kulatka minnaig.

<sup>25</sup> Tanjamba minnaig le furir ande Saulus tuku kuasmbi nane ndek nu sambenga muli panmba fonde tuku bubre malanja kumam pilnaig le mayok kina.

<sup>26</sup> Mayok kina sulumba nu ka Yerusalem prona. Ka tanje nu Yesus dubinaig mbal ndonj ulendikam bafuna le nane kuru-kuruka nu Yesus dubiwanu tanjo kuga nginaig.



<sup>27</sup> Tanjakinaig le Barnabasnge nu tumba ka aposel kame saningina: Tango te nu ndinnge Sungo kangerna le Sungonge pasa sana. Damaskusnge nu nane kuru kuru ndaka sangri tinga Yesus tuku nyu te-mayokmba sakina ngina.

<sup>28</sup> Tanjakina le Saulus nu Yerusalemnge Yesus dubinaig mbal ndon ulendika kine promba minna.

<sup>29</sup> Nu tango tuku kuru kuru ndaka Yesus tuku nyu te-mayokmba saka minna.

Saulus nu Zu mbal Grik pasatade afu ndon pasambi Yesus tuku mungu tulinginaig le nane nu balewam tuku ndin sotinaig.

<sup>30</sup> Sota minnaig le Yesus dubinaig mbal nane kila pilmba Saulus mindemba Sesarea tumbran sungo mbol pronaig. Pro tanje nu Tarsus kuwa nga kukulnaig le kina.

<sup>31</sup> Ait ta mbolnge Yesus tuku kuasmbi nane Yudea Galilea Samaria ma tugu ta njakmba mbolnge piti afu kanjer ndaka mine mayemba sangri tinginaig. Nane Kuate kumnemnge minmba Tukul Guwanje nane sinzaningina le nane tugekinaig.

### *Petrus nu tango ande wakeina*

<sup>32</sup> Petrus nu ma tugu njakmba mbol kumba Yesus tuku mbal kanjerkam Lida tumbran prona.

<sup>33</sup> Prona sulumba tango ande nyunu Eneas ngarosu milmailkanu yar 8 guaze ta njak mbain mbolnge kinye njak ndo minna le kangerna.

<sup>34</sup> Kanjermba nu ndek sana: Eneas, Yesus Kristusnge ne wakeinamngat. Ne tinga nanje yanjo tetiwa ngina. Tanjakina le nu pitik ndo tingina.

<sup>35</sup> Tanjana le Lida le Saron tumbran mbal nane tanjo ta mayekina le kanjermba nane njakmba ngamungal biye mbilmba Yesus dubinaig.

*Petrus nu pino ande te-tina le abongina*

<sup>36</sup> Yopa tumbranngge Yesus dubina tuku pino ande nyunu Tabita minna. (Grik pasambi nyu ta Dorkas). Pino ta nu wam magenu ke lika sanzal mbal turka minanu.

<sup>37</sup> Ait ta mbolngge nu guaze sunjo tumba kumna. Kumna le pino afu nu kule pismemba nu tumba wande ta mbain armba njak inum mbol tanje pilnaig le minna.

<sup>38</sup> Yopa tumbran sunjo ta nu Lida tumbran patukngge tukunu Yesus dubinaig mbal Petrus nu Lidange minna pasa ta ismba nane tanjo armba kukulnikinaig le ka nu tugum promba sarsarmba sanaik: Ne pitik sile ndonj kab nginaik.

<sup>39</sup> Tanjakinaik le Petrus nu tinga nale ndonj kina ka tumbran ta pronaig le nane afu nu tumba wande o mbolngge ta ponjinaig. Nane wande ponjinaig le pino kuembol njakmba Petrus laipmba te-ngamumba malmbika Dorkas nu buk tawi wakeika ninje likina ta kilmba Petrus tumnaig.

<sup>40</sup> Tumnaig le nu nane njakmba mayok kuwaig nga saningina le nane mayok kinaig. Tanjanaig le nu ndek dagol tidronja Kuate yabanja. Yaban denpurmba nu mbilka mindesinj ta sana: Tabita, ne abongina ngina le nu am maranga Petrus kanjermba minyokina le

<sup>41</sup> nu ndek nu tuku wai biymba te-tina le tiŋgina. Tiŋgina le nu tumba Yesus dubinaig mbal pino kuembol nane ŋakmba wika niŋgina.

<sup>42</sup> Wam ta Yopa tumbran ŋunjo kumuŋgina le nane gudommba ŋunjo Yesus son ŋginaig le

<sup>43</sup> Petrus nu Yopange mara kuen suk tango ande nyunu Simon nu ndoŋ minna. Tango ta nu aganmor ŋgarombi agan kame wakeikina tuku.

## 10

### *Pasa mayenu kasomok mbal tugum kina*

<sup>1</sup> Sesarea tumbran ŋunjo mbolŋge tango ande nyunu Kornelius minna. Nu Rom gafman tuku kame mbal 100 kulatka minna. Kame kuasmbi ta Italinu.

<sup>2</sup> Tango ta nu nuŋe ndare tuma ndoŋ Kuate kumnemŋge minmba nu mbariŋmba minanu. Nu sanzal mbal ndametin walmba niŋge lika nu Kuate yabanmba minanu.

<sup>3</sup> Mara ande ki kanum 3 mbolŋge nu kiŋatanu suk agan ammbi kaŋgerna ta Kuate tuku eŋel ande nu tugum promba Kornelius ŋgina.

<sup>4</sup> Tanakina le nu fumble timba wamdus fulilka nu sana: ŋunjo, ndaŋam ŋgina le eŋel nu ndek sana: Ne sanzal mbal turniŋgit ta Kuate nu kaŋgerte. Ne Kuate yabaŋte ta nu isit. Nu ne idusnumba minit.

<sup>5</sup> Ta tuku ne tango afu kukulniŋga le Yopa tumbran ŋunjo mbol nzi kumba tango ande nyunu Simon Petrus tam kuwaig.

<sup>6</sup> Nu nuŋe nyu tuma tango ndoŋ minik. Tango ta nu aganmor ŋgarombi agan wakeikate tuku. Nu tuku wande piyal patukŋge minit ŋgina.

<sup>7</sup> Eñel nu Kornelius kusrena le nu ndek nuñe piro tanjo armba kame tanjo ande turmba wikina. Kame tanjo ta nu mara mara nu tugumñge piroka nu mata Kuate dubimba minna.

<sup>8</sup> Nane pronaig le nu eñel tuku wam pagu pasa kumu-kumumba kubeu niñmba Yopa kuwaig nga kukulningina. Kukulningina le nane kumba ka ndinñge kinynaig.

<sup>9</sup> Mafena le nane ndin dubimba kumba ka Yopa patunaig le ki kanum 12 Petrus nu Kuate yabanam tuku nga wande ponja funu tuku mbain mbolñge minna.

<sup>10</sup> Nu mbol tanje minmba guba mayena. Guba mayena le nane pagumba minnaig le Petrus nu kiñatanu suk agañ ande kanjerna.

<sup>11</sup> Samba talka agañ ande tawi sunjo suk tundunu bailkamba muli ñak andenje muli kusrekusrena le ndekina.

<sup>12</sup> Ndekina le tawi ta mbolñge agañmor mben sar umañ yeki yeki minnaig le kanjerkina.

<sup>13</sup> Kile miñge pasa ande nu sana: Petrus, ne tinja agañ te inum balemba nya ngina le

<sup>14</sup> nu ndek lafumba sana: Sunjo, kuga. Sine Zu mbal agañ afu nyam tuku tukul ñak ta ye tukul lukamba agañ tajañ inum nye ndaket ngina.

<sup>15</sup> Tajakina le pasa ta mañ lato nu sana: Kuatenje agañ ande mayenu ngate ta ne tukul ndawa ngina.

<sup>16</sup> Nale tajañmba pasa ndui ta sakam kenjaik le andenje pitik ndo tawi ta te-dunjingina le samba mbol kina.

<sup>17</sup> Petrus nu kiñatanu suk wam kanjerna ta wamdus te-sulumba tugunu wam katesemba

minna le Kornelius tanjo kenmba kukulningina ta nane afunje Simon tuku wande tumninginaig le nane pro wande malanga tugum tanje tanga wika sakinaig:

<sup>18</sup> Oi. Simon Petrus nu tenge minit e nginaig.

<sup>19</sup> Petrus nu kinatanu suk wam kanjerna ta idus-idusmba minna le Tukul Guwa nu sana: Tanjo kenmba ne sota prowaig.

<sup>20</sup> Ne tanga iben kaye. Ne wamdus tero ndaka nane ndon kaye. Yenge nane kukulningin ngina.

<sup>21</sup> Tanjaka sana le Petrus nu iben ka nane saningina: Tane tanjo sotade ta ye noten. Tane ndanam ye tugum prowaig ngina le

<sup>22</sup> nane nu sanaig: Singine gabat Kornelius nu kame tanjo 100 kulatkate. Nu tanjo tinjeknu Kuate kumnemnge minit. Israel mbal njakmba nu tuku saka minig. Kuate tuku enel nu wam paguna le nu sine ne tumba nu tuku wande mbol kumba ne tuku pasa isam tuku sine kukulsingina le ne tam proweg nginaig.

<sup>23</sup> Tanjakinaig le Petrus ndek nane ngailka nane nu njak kinyam tuku saningina.

Mafena le Petrus nu nane ndon kina. Yopa mbal afu Yesus dubinaig tuku nane mata Petrus mindemba kinaig.

<sup>24</sup> Kinaig ka ndinngge kinynaig. Mafena le Kornelius nu buk nuje ndare tuma nuje gulab nane njakmba kile-manjurka Petrus tairnga minnaig le nane Sesarea pronraig.

<sup>25</sup> Petrus nu wande sinam kina le Kornelius nu tanga pro Petrus nu tanjo sunjo nga nu tugumnge dagol tidrongina.

26 Tanjana le Petrus nu te-timba sana: Tanja ndawa. Ye mata tanjo ndo. Ne tinga ngina.

27 Tanjaka nu Kornelius ndon pasa-pasaka kumba ka wande sunjo sinam tanje tanjo pino gudommaba manjurkinaig le kanjerkina.

28 Kanjerkina nu ndek saningina: Sine Zu tanjo tane kasomok mbal tuku wande mbol kumba ko tane ndon isukusam tuku tukul sunjo njak ta tane kila. Kuate nu wam ande ye tumyina tukunu ye wamdus kitek tumba kasomok mbal ta najgonu nge nda.

29 Ta tuku ne afu ye tam tuku kukulningina le ye pasa kugatok nane dubika te prowit. Ariya. Saka. Ne ndanam ye tuku pasa pilna nga sana.

30 Tanjaka sana le Kornelius nu sakina: Mara kenmba buk kinaig ait tenen ki kanum 3 mbolnge yiye wande mbol tenge ye Kuate yabanmba minen le pitik ndo tanjo ande tawi kilja njak ye tugum prona le kanjeren.

31 Nu ye sayina: Kornelius, ne sanzal turningit ta Kuate nu kanjerte. Ne Kuate yabante ta nu isit. Nu ne idusnumba minit.

32 Ne tanjo afu kukulninga le tanjo ande nyunu Simon Petrus nu tam Yopa kuwaig. Nu nuje nyu tuma Simon ndon minik. Tanjo ta nu aganjmor ngarombi aganj wakeikate tuku. Nu tuku wande piyal patuknge minit. Nu tanjamba ye sayina.

33 Tanjakina le ye pitik ndo tanjo afu ne tam tuku kukulningan. Ne ye tugum te prowat ta kumumbi. Sine njakmba Kuate am mbolnge manjurka mineng. Sunjo nu ne pasa afu sine sasingam tuku sanina ta isam tairngeg nga Petrus sana.

34 Tanjakina le Petrus nu nane saningina: Kile

ye wamdus puluyate. Kuate nu tanjo njakmba wamdus ningit.

<sup>35</sup> Zu mbal ko kasomok mbal ngamuknge ima kate Kuate kumnemnge minmba nu tuku pasa dubide ta Kuate nu nane njakmba tuku gareningit.

<sup>36</sup> Sine Yesus Kristus ndonj ulendikeg mbal kile Kuate nu sine ndonj wamdus mukuk minit. Nu pasa mayenu ta njakmba isam tuku sine Israel singina. Yesus nu tanjo njakmba tuku Sunjo.

<sup>37</sup> Yohanus nu pasa kuklimba nane kule piseneningina le Nasaretnu tanjo Yesus nu pro pasa mayenu ta Galilea ma mbolnge tugu pilmba kumba ka Yudea ma tugu njakmba kumungina.

<sup>38</sup> Nu Kuatenge Tukul Guwa tuna le nu sangri njak ma njakmba mbolnge lika nu wam mage kina. Kuate nu ndonj minna. Afu Satan tuku sangri kumnemnge minnaig ta nu nane tuku muskil kiletidingina.

<sup>39</sup> Nu Yerusalemnge Zu ma njakmba mbolnge wam ke likina le sine kanjerkigenj. Nane nu tumba ail kazrai mbolnge nil danjnginaig le kumna.

<sup>40</sup> Kumna le mara kenju mbolnge Kuatenge nu te-tina le nu tingina le sine kanjergenj.

<sup>41</sup> Tanjo njakmba nu kanjer ndanaig. Sine ndo nu kanjergenj. Yesus nu manj tingina ta nane njakmba saningam tuku Kuate nu o buk sine madisingina. Nu tinga sine ndonj tuma isukusmba kule nyumba mingenj.

<sup>42</sup> Nu sine pasa mayenu kukliwam tuku patikina. Kumanu mbal abo minig mbal pileningam tuku Kuate nu ye pilna ta njakmba saningap nga sasingina.

<sup>43</sup> Tuan tanjo njakmba nu tuku sakinaig. Ima kate nu kumuŋ nga son ngade ta Kuate nu Yesus tuku nyu mbolŋge nane tuku une sauka gilaingamngat nga saningina.

### *Kasomok mbal Tukul Guwa tinaig*

<sup>44</sup> Petrus nu pasata minna le nane nu tuku pasa isnaig mbal Tukul Guwa nane mbol kina le

<sup>45-46</sup> nane pasa kuale gilai yimyam sake lika Kuate tuku nyu te-dunginaig. Tanjanaig le Zu tanjo Yesus tuku son nginaig nane Yopaŋge Petrus mindemba pronaig ta nane wam ta kanjermba Kuatenge kasomok mbal mata Tukul Guwa ningit nga nane pirerek purkinaig.

<sup>47</sup> Kile Petrus nu sakina: Kuatenge sine Tukul Guwa sinjina tanjamba ndo kile nane mata ningit. Nane kule pisne tam tuku sine tukulningam kumuŋ kuga ngina.

<sup>48</sup> Tanjamba Petrus nu nane Yesus Kristus ndon ulendika kule pise tap nga saningina le nane kule pisne tinaig. Tanjamba nu nane ndon mara afu minam tuku ngailkinaig le nu nane ndon minna.

## 11

### *Petrus nu Yerusalemnge kasomok mbal tuku sakina*

<sup>1</sup> Aposel kame Yesus tuku mbal Yudea ma mbolŋge mine likinaig ta nane kasomok mbal Kuate tuku pasa tinaig ta nane isnaig.

<sup>2</sup> Petrus nu mbumba Yerusalem prona kande Zu tanjo afu nane nu sawe lika sanaig:



<sup>3</sup> Ndanam saka ne singine tukul lukamba ngaro pike ndakanu mbal ndon ulendika isukusna nginaig.

<sup>4</sup> Tanamba sawe likinaig le nu ndek wam njakmba mayok kinaig ta kumu-kumumba kubeu ninjmba saningina:

<sup>5</sup> Ye Yopange Kuate yabanjmba minen sulumba ye kinatanu suk aganj ande kangeren. Aganj ande tawi sunjo suk tundunnu bailkamba muli njak samba mbolnge andenge muli kusre-kusrena le ye tugum ndekina.

<sup>6</sup> Tanana le ye aganj ta kanjer tiwen ta sinam tanje aganjmor nguikok aganj rabmba likade sar umanj tanamba kanjerken.

<sup>7</sup> Kanjerka minen le mingge pasa ande ye sayina: Petrus, ne tinga aganj te inum balemba nya ngina le

<sup>8</sup> ye nu sawen: Sunjo, kuga. Sine Zu mbal aganj afu nyam tuku tukul njak ta ye tukul lukamba aganj tananj inum nye ndaket ngen.

<sup>9</sup> Ye tanjaka saken le samba mbolnge pasa man lato sayina: Kuatenge aganj ande mayenu ngate ta ne tukul ndawa ngina.

<sup>10</sup> Sile tanamba sakam kenken le andenge tawi ta te-dungina le samba mbol kina.

<sup>11</sup> Kina le ait ndui ta mbolnge ndo Sesareange Kornelius nu tanjo kenjmba ye tam tuku kukulningina le ye wande minen ta tugum pronaig.

<sup>12</sup> Pronaig le Tukul Guwa nu ye sayina: Ne wamdus tero ndaka tanjo prowaig ta dubika kaye ngina. Tira 6 te nane mata ye ndon kumba Kornelius tuku wande ponga sinam kagenj.

<sup>13</sup> Kornelius nu sine sasingina: Ye enjel ande yinje wandeknje tin minna le kangeren. Nu tenjmba

sayina. Ne nane afu kukulninga le nane Yopa tumbran sungo mbol nzi tanjo ande nyunu Simon Petrus tam kuwaig.

<sup>14</sup> Simon nu pasa afu nane ndare tuma turmba satinguwa le tanjine muskil kile-tidinge tingam tuku ndin kanjeramngaig ngina.

<sup>15</sup> Kornelius nu wam kube ta denjurna le ye tinga pasa tugu pilmba saken le ambonga sine Tukul Guwa tigen tanjamba ndo kasomok mbal tinaig.

<sup>16</sup> Ye wam ta kanjermba ye Sunjo Yesus tuku pasa ande idusen ta tenemba. Yohanus nu kulembi nane kule pisneningina. Kile ye Tukul Guwambi tane tuku ngamungal kule pisne tanjan tingamngit nga sasingina.

<sup>17</sup> Ambonga sine Zu mbal Sunjo Yesus Kristus tuku son ngigen le Kuate nu Tukul Guwa singina tanjamba ndo nane mata Tukul Guwa ningina. Ye ima le Kuate tuku nzali tukulam kumu ngi nga saningina.

<sup>18</sup> Tanjakina le nane Petrus tuku pasa ta ismba nane pasa kugatok Kuate tuku nyu te-dunga sakinaig; Kuate nzalite le kasomok mbal mata ngamungal biye mbilmba abo tugu minmba minam tuku tade nginaig.

### *Antiok mbal Yesus tinaig*

<sup>19</sup> Stefanus balenaig le Yesus tuku mbal kua ka sili-silinaig ta afu masken ka Finisia ma tugu Siprus nuy Antiok tumbran sunjo tanjamba kine likinaig ka Zu mbal ndo Yesus tuku pasa saninginaig sulumba kasomok mbal sa ndaninginaig.

<sup>20</sup> Nane tañanaig ta Siprus le Sirenenu Zu taŋgo afu Antiok tumbran ŋun go mbol kumba nanenŋe kasomok mbal Yesus tuku saninŋinaig le

<sup>21</sup> Kuatenŋe nane tuku piro sanŋri pilena le nane gudommba nane tuku pasa ismba son ŋga ŋgamunŋal biye mbilmba Sunŋo Yesus dubinaig.

<sup>22</sup> Yesus tuku kuasmbi Yerusalemŋe maŋau ta ismba Barnabas kukulnaig le nu ndek Antiok kina.

<sup>23</sup> Nu nane tugum prona sulumba Kuate nu sinŋka mbal te make patikate ŋga nu gare-gareka nane wamdus ndindo Yesus biye dewam tuku tumninŋina.

<sup>24</sup> Barnabas nu taŋgo mayenu. Nu ŋgamunŋal son sanŋrinu. Tukul Guwa nu tuku wamdus kumunŋina le nane gudommba nu tuku pasa ismba son ŋga Sunŋo Yesus dubinaig.

<sup>25</sup> Kile Barnabas nu Saulus sota Tarsus tumbran ŋun go mbol kina.

<sup>26</sup> Kumba ka nu te-silika tumba nu ndon luka Antiok tumbran pronaik. Nale ar ta yar ndindo Antiokŋe minmba nane taŋgo pino gudommba Yesus tuku tumninmba minnaik. Tañanaik le Yesus dubinaig mbal Antiokŋe minnaig ta nane ambonŋa Kristen nyu tinaig.

<sup>27</sup> Ait ta mbolŋe tuan taŋgo afu Yerusalem kusremba ndeka Antiok pronaig.

<sup>28</sup> Pro taŋge minnaig le tuan taŋgo ande nyunu Agabus nu Tukul Guwanŋe wamdus tuna le nu tinŋa guba ŋun go kilke tugu ŋakmba mbolŋe prowamŋat ŋga saninŋina. (Ngunnenŋa Klaudius nu gabat ŋun go minna le guba ŋun go ta prona).

29 Tanjakina le Yesus dubinaig mbal nane wamodus tumba nanjine tira kame Yudea ma tugu mbolnge turkam tuku sine ndametiŋ ŋak minig ta kumumba patikube ŋginaig.

30 Nane tanjamba patika Barnabas le Saulus kukulnikinaig le nale ndametiŋ kilmba mbumba kinaik ka Yerusalemŋge gabat mbal niŋginaik.

## 12

1 Ait ta mbolnge mandor Herodus nu Yesus tuku kuasmbi afu ŋaigo siglikina.

2 Nu nuŋe kame mbal saniŋgina le nane Yohanus aba nuŋe Yakobus tuku ŋinfok kuerkinaig.

3 Kuerkinaig le Zu mbal nane wam ta ismba gare sungo tinaig le Herodus nu kila pilmba nu maŋ Petrus ndalekam tuku afu kukulniŋgina. Ait ta Israel mbal bret yis kugatok nyam tuku kusem sungo.

4 Nane nu biye timba muliŋtumba wandekŋge pilnaig le nu Petrus kulatkam tuku kame tanjo 16 muŋgu turturkam tuku bailka bailka patikina. Pasowa ait ta kugawa le nu Zu mbal am mbolnge Petrus pasa mbolnge palmbim idusna.

5 Petrus nu muli wandek sinamŋge minna le kame mbal ta nane nu kulatkinaig le Yesus tuku kuasmbi Petrus tuku ŋga Kuate sungomba yabaŋnaig.

### *Eŋel Petrus te-mayokna*

6 Herodus nu mafewa le Petrus nane ŋakmba am mbolnge te-tiwam tuku sakina ta furir ait ta mbolnge Petrus nu kame tanjo ar ŋgamukŋge wai

kupe muli nak kinymba gilaingina. Kame tanjo armba kilimnge malanga kulatka minnaik.

<sup>7</sup> Kile Sunjo tuku enjel ande Petrus tugumnge mayok kina le bulu promba wande sina ta kiljana. Enjel nu Petrus tuku kailmane burumba kuanemba sana: Pitik tinja ngina kande sen muli wai mbol ta kuklika ndekinaik.

<sup>8</sup> Tanjanaik le enjel nu Petrus sana: Ne tawi tinjmba kupe ngaro silika ngina le nu ta kumuna. Tanjana le nu man sana: Nanje tawi sunjo ta tumba kaika ye dubiya ngina le

<sup>9</sup> nu enjel dubimba mayok kina. Enjel nu tanjana ta Petrus nu kinjambi aganj kanjeranu nga idusna.

<sup>10</sup> Kile enjel nu tumba kame mbal tumailamnge tinjinaig ta lininjmba ka ngumnemnge tinjinaig ta lininjmba ka muli wande tuku malanga sunjo tugum pronaik. Pronaik le tanjonje talkanu sukna le nale kilim kinaik. Kilim ka tumbrajan sunjo sinam ta ndin ande dubimba kinaik le enjel nu Petrus kusremba kina.

<sup>11</sup> Kina le nu wamdus puluna le wamdusmbi sakina: Herodus nu ye njayo siliyam iduste le Zu mbal wam ta tairnga minig ta Kuate nu ye nane tuku wai mbolnge te-luka tam tuku enjel te kukulat nga idusna.

<sup>12</sup> Nu wamdus puluna le nu Yohanus Markus tuku ina nuje Maria tuku wande tugum kina. Wande ta sinamnge nane gudommba manjurka yabanjmba minnaig.

<sup>13</sup> Yabanjmba minnaig le nu wande ta tuku fonde malanga katkatna le piro pino ande nyunu Roda nu malanga talkam prona kande

<sup>14</sup> nu Petrus tuku pasa njin tugu katesemba nu gare sungo tumba malanja tal ndaka pinderka luka kumba nane saningina: Petrus pro malanja tugum sinje tinj minit nga saningina.

<sup>15</sup> Tanjakina le nane ndek nu sanaig: Ne nginngankate kande nginaig le nu sanjri tinga nane saningina: Kuga. Ye sinja saket. Petrusnge ngina. Tanjakina le nane sakinaig: Nu tuku mindekanu kande nginaig.

<sup>16</sup> Petrus nu malanja katkatmba minna le nane pro malanja talka Petrus kanjermba piriri njayonaig le

<sup>17</sup> nu waimbi nane peuninjmba maninkuwaig nga Sungo nu muli wande sinamnge te-mayokna ta kubeu ningina sulumba nu nane saningina: Wam kube te Yakobus yije tira njakmba saningap ngina. Tanjamba nu nane kusreka ma kise mbol kina.

<sup>18</sup> Mafena le kame tanjo nu kulatka minnaig ta nane Petrus kiringa ndanndanmba pro ket nga wamdus te-sulumba minnaig le

<sup>19</sup> Herodus nu ndek nane afu kukulningina le ma njakmba mbolnge Petrus sotinaig. Sotete pisenjinginaig le nu ndek kame tanjo Petrus kulatkinaig ta nane kusna-kusnaningina sulumba gubranu nane afunge bale farkuwaig nga saningina. Tanjakina sulumba Herodus nu tinga Yudea ma kusremba Sesarea tumbran sunjo mbol kina.

### *Herodus nu kumna*

<sup>20</sup> Tirus le Sidon kilke nyamagan sunjgomba kuga le nane Herodus kilke kulatkina ta mbolnge nane nyamagan piyawanu.

Ait ande Herodus nu tumbran ar ta tuku gubra tina le tumbran ar ta tuku tanjo kuasmbi mangur nak pro Herodus tuku wande kulatkanu tanjo nyunu Blastus tugum promba nunge nane turkuwa le Herodus ndon tumawam sakinaig. Tanjakinaig le Herodus nu pasa te-tiwam tuku ait ningina.

<sup>21</sup> Ait ta kumungina le Herodus nu mindepiye tawi magenu siglika nunge minyo mbili maditaknu mbolnge minyoka nane mangurkinaig ta pasa afu saningina le

<sup>22</sup> nane ismba wikaraumba sakinaig: Tanjo te kilke mbolok tanjo kuga. Nu mbara ande nginaig.

<sup>23</sup> Tanjakinaig le nu lok minmba Kuate tuku ma tam idusna kande Sunjo tuku enel ande pro nu katna le kuinnge nu tuku ndem nyinaig le ma ma nu kumna.

<sup>24</sup> Nu kumna le Kuate tuku pasa sunjokina le nane gudommba son nginaig.

### *Tukul Guwa Barnabas le Saulus piro nikina*

<sup>25</sup> Barnabas le Saulus ndametin ningam tuku piro ta ke sulunaik sulumba nale Yerusalem kusremba tanjo mo Yohanus Markus tumba luka ndek Antiok kinaik.

## 13

<sup>1</sup> Yesus tuku kuasmbi Antioknge minnaig ta afu tuan tanjo afu tum tanjo tana pirokinaig. Ande nyunu Barnabas ande Simeon nyun ta Dabuk Dabuk nginaig. Ande Sirenenu tanjo nyunu Lusius. Ande Manaen nu buk Herodus ndon kijo fonfon wande ndindo mbolnge minnaik tuku. Ande Saulus.

<sup>2</sup> Mara ande nane n̄akmba mangurka nyamagan pinka Sun̄go tuku nyu te-dun̄ga minnaig le Tukul Guwa nu nane san̄gina: Barnabas le Saulus ye buk piro ande tuku madiniken ta kile nale kam tuku patikap n̄gina.

<sup>3</sup> Tan̄akina le nane nyamagan pinka Kuate yaban̄mba nane nan̄gine wai Barnabas le Saulus mbol̄n̄ge patika kile pirokuwaik n̄ga kukulnikinaig le kinaik.

### *Siprus mbal pasa mayenu isnaig*

<sup>4</sup> Tukul Guwa nu nale kukulnikina le nale Antiok kusremba ndek Selusia kinaik. Nale Yohanus Markus nale turkuwa n̄ga tumba n̄ak kinaik. Kinaig ka Selusiange wan̄ pon̄ga ka Siprus nuy mbol kinaig ka

<sup>5</sup> Salamis̄n̄ge iben̄ kinaig. Salamis tumbran̄ sun̄go mbol̄n̄ge nane piro tugu pilmba kusem wande mbol̄n̄ge Kuate tuku pasa kuklinaig.

<sup>6</sup> Nane nuy ta tuku ma n̄akmba mbol lika pasa kuklimba ka Pafos pron̄aig. Pro tan̄ge nane Zu tan̄go ande yabri tuan tan̄go nyunu Bar-Yesus tesilikinaig. Tan̄go ta nu kuanye tan̄go.

<sup>7</sup> Pafos̄n̄ge tan̄go ande wamdus kuyar mayenu n̄ak nyunu Sersius Paulus nu gabat tan̄go minna. Nu Bar-Yesus ndon̄ gulab mayenu. Nu Kuate tuku pasa isam tuku Barnabas le Saulus wikina.

<sup>8</sup> Nale pro pasa kuklimba sanaik le Bar-Yesus nu gabat tan̄go pasa ismba son n̄gikat n̄ga nu nale tuku pasa ndin kuer-kuerna. (Bar-Yesus Grik pasambi nane Elimas\* n̄ginaig).

---

\* **13:8:** Elimas nyu ta tugunu Kuanye Tan̄go



<sup>9</sup> Tanjana le Saulus nyu ande Paulus Tukul Guwa nu mbol kumuŋgina le nu Elimas fumble timba sigair mbakmba sana:

<sup>10</sup> Ne Satan tuku kiŋo. Ne maŋau tiŋreknu ŋakmba pitaikate. Ne yabri maŋau kumba wam ŋaigonu ndo ke likate. Ndaŋam saka ne Kuate tuku maŋau mayenu tumba yabri pasambi ndin tukulte.

<sup>11</sup> Ata. Kile Kuateŋge ne tuku am tukulwa le ne ait afu agaŋ kaŋgerke nda ŋgina. Tanjakina le pitik ndo agaŋ inum bidu suk pro nu tuku am tukulna le am ma make ndekina. Tanjana le nu nane afu pro nu tuku wai biymba ndin tumwaig ŋga kumbaŋge nane wikina.

<sup>12</sup> Tanjana le gabat sungo nu wam ta kaŋgermba pirerek purka Kuate tuku pasa isna ta Yesus tuku son ŋgina.

<sup>13</sup> Kile Paulus nane waŋ poŋga Pafos kusremba ka Pamfilia ma mbol promba Pergaŋge ibeŋ ki-naig. Pro tanje Yohanus Markus nu nale kusreka luka Yerusalem kina.

<sup>14</sup> Kina le Paulus le Barnabas nale Perga kusremba Pisidia ma Antiok tumbraŋ sungo mbol pronaik.

Pro tanje minmba kusem ait ande mbolŋge nale kumba ka Zu mbal tuku kusem wande sinam tanje minyokinaik.

<sup>15</sup> Minyokinaik le nane Moses tuan tanjo kame tuku kuyar burke deŋpurmba kusem wande kulat mbal nane tanjo ande kukulnaig le nu kumba Paulus nale sanikina: Tira kame, tale pasa afu tanjo pino wamdus saŋgri pileningam tuku ŋak ndeta saningap ŋgina le

<sup>16</sup> Paulus nu tiŋga wai te-duŋgina le nane

maninkinaig le saniņgina: Tane Israel mbal kasomok mbal Kuate kumnemņge minig ta turmba tane ye tuku pasa isap.

<sup>17</sup> Sine Israel mbal tuku Mbara nunge siņgine mbuņ kame madiniņgina. Nu nane kulat magekina le nane Isip kilke mbolņge rawe taņgo minmba tugekinaig. Tugekinaig le Kuatenge nuņe sangrimbi ndin wakeina le nane Isip kusremba

<sup>18</sup> yar 40 ma baknu mbolņge minnaig le Kuate nu nane kusre ndakina.

<sup>19</sup> Yar 40 kuganaig le Kuate nu Kanan ma mbolņge mbal kise kise 7 kile-ibenka pitaikina sulumba kilke ta Israel mbal niņgina. Niņgina le nane yar 450 taņamba taņge minnaig.

<sup>20</sup> Minnaig le Kuate nu nane kulatkam tuku taņgo afu madiniņmba patikina. Taņamba kumba ka tuan taņgo Samuel prona.

<sup>21</sup> Samuel tuku ait mbolņge siņgine mbuņ kame taņgo ndindo nanņine gabat sunņo minam tuku Samuel kusnanaig. Kusnanaig le Kuate nu Benyamin tuku ndare Kis tuku kiņo nuņe Saul madimba pilna le nu yar 40 nane kulatkina.

<sup>22</sup> Ngumneņga Kuate nu Saul te-simba nane tuku gabat sunņo minam tuku tugu kise David madimba pilmba sakina: Yesi tuku kiņo nuņe David nu ye ndoņ wamdus ndindo ņak. Nu ye tuku nzali ņakmba dubikamņgat ņgina.

<sup>23</sup> Kuate nu pasa sanņrinu o buk sakina taņamba nu David tuku mbuņ ande Israel mbal tuku muskil kile-tidiņgam tuku kukulna ta Yesus.

<sup>24</sup> Yesus nu piro tugu pile ndakina le ambonņa Yohanus nu Israel mbal nane ņgamuņgal biye mbilmba kule pisne tuwaig ņga saniņmba minna.

25 Nu nuje piro suluwam patukina sulumba nu tenemba nane saningina: Tane ye ima nga idusde? Ye Kristus kuga. Ande ye ngumnemnge prowamngat ta nu sungo. Ye nu tuku kupe ngaro muli kukliwam tuku wam naj ta mata nu mbolnge kam kumuŋ kuga ngina.

26 Yiŋe tira kame Abraham tuku mbuŋ kame kasomok mbal Kuate kumnemnge minig tane najkmba isap. Sine muskil kile-tidingam tuku pasa mayenu ta o buk sine tugum prona.

27 Yerusalem mbal nanjine gabat mbal ndon Yesus nu Kuatenge madina tanjo Kristus ta nane gilai. Kusem mindek nane tuan tanjo kame tuku kuyar burke likade ta nane wamduŋ pulu ndaningina. Tanjamba nane Yesus kumwa nga sakinaiŋ sulumba nane Kuate tuku kuyar pasa kumumba tanjanaig.

28 Nane nu balewam tuku mbar ande kanjer ndanaig ta nane ake sinaŋ nu tumba Pilatusnge balewa nga sanaig ta

29 nane kuyar pasa kumunaig. Nu kumna le nane nu ail kazrai mbolnge paska mindesin ndame burok sinamnge pilnaiŋ.

30 Pilnaiŋ le Kuatenge nu te-tina le maŋ tinjina.

31 Nu tinja nu dubinaig mbal buk Galilea kusremba Yerusalem pronaig ta nu nane tugumnge mayok kanu le kanjeranu. Mbal ta kile Israel ngamuknge nu tuku nyu te-mayokde.

32 Sile Barnabas ndon tane mata pasa mayenu te isap nga te prowik. Kuate nu singine mbuŋ kame pasa sanjgrinu saningina ta

33 kile sine tugumnge alonu te-mayokmba Yesus

te-tina le tingina. David nu nuŋe mune waŋe arnu mbolŋge ta tuku tenenmba kuyarna le minit.

Ne ye tuku Kiŋo. Kite ye ne tuku Mam mayok kinet  
 ŋgina. *Mune 2.7*

<sup>34</sup> Kuatenge Yesus te-tina le nduiye tinga ŋgarosu me ndaŋgina ta kuyar pasa ande mbolŋge Kuate nu wam ta te-mayokmba sakina:

Ye wam afu magenu ke likam tuku David sawen ta ye ne mbolŋge taŋamba kamŋgit ŋgina.  
*Aisaia 55.3*

<sup>35</sup> David nu mune waŋe ande mbolŋge tenenmba kuyarna.

Ye ne tuku piro taŋgo yiŋe ŋgarosu menu tuku ndin tukulamŋgat ŋgina. *Mune 16.10*

<sup>36</sup> David nu Kuate tuku nzali dubimba nuŋe kuasmbi ŋgamukŋge pirokina sulumba kumna. Kumna le nane nu tumba nuŋe mbuŋ kame gemniŋmba ŋgukinaig le meŋgina.

<sup>37</sup> Ande Kuatenge te-tina le tingina ta nu me ndaŋgina.

<sup>38</sup> O tira kame, tane pasa te ise mayewap. Kuate nu Yesus te-tina ta nu mbolŋge nu sine tuku une sauka gilaingate.

<sup>39</sup> Tane taŋgine unenŋe didikate ta Moses tuku tukulŋge tane turkam kumuŋ kuga. Tane Yesus tuku kume tuku saŋgri tomba tingap le Kuatenge tane tuku muskil kile-tidiŋge tingamgat.

<sup>40</sup> Tane rironŋ mayewap. Tuan taŋgo kame tuku pasa tane mbolŋge kumuŋgikat. Pasa ta tenenmba sakate.

<sup>41</sup> Kuate talaka nzumil te-tuwig mbal tane isap. Tane piriri ŋayomba ŋgisinuŋgaig. Tane tuku ait mbolŋge ye wam saŋgrinu ande ki ta tane

son nge nda. Ande nu tugusemba wam ta kuklimba sakuwa ta mata tane son nge nda.

*Habakuk 1.5*

Paulus nu tanjamba pasa kuklimba saningina.

<sup>42</sup> Kile Paulus le Barnabas mayok kinaik le nane man kusem ande mbolnge nale tuku pasa isam saka ngailkinaig.

<sup>43</sup> Tanjamba nane sili-silimba kusem wande kusrenaig. Nane gudommba afu Zu mbal afu kasomok mbal Zu tanan Kuate dubinaig tuku ta nane Paulus le Barnabas dubika kinaig. Kumba ka tanje nale nane ndon pasa-pasakumba Kuate nu tane ake sinan make patikina wam ta biye demba minap nga saninginaik.

<sup>44</sup> Kusem ande mbolnge Antiok mbal njakmba Kuate tuku pasa isam tuku man pro mangurkinaig le

<sup>45</sup> Zu mbal nane tanjo pino gudommba pro mangurkinaig le kanjerka nane wamdus kagli firka gubra tinaig. Paulus nu pasa kuklimba minna le nane nu tumail panmba nu tuku pasa pitaimba nane pasa ndin kise sakinaig.

<sup>46</sup> Nane tanjanaig ta Paulus le Barnabas nale kuru kuru ndaka sangri tinga saninginaig: Tane Zu mbal tane ambonga Kuate tuku pasa mayenu isam tuku minig. Tane isam mbulmba pitaide ta abo minmba minam tuku ndin turmba pitaide. Ta tuku kile sile kasomok mbal tugum kanjik.

<sup>47</sup> Kuate nu sile kasomok mbal pasa mayenu saningam tuku tejenmba sasikina.

Kilke mbol mbal muskil kile-tidingam tuku ye ne sati tanan kasomok mbal kiljaningam tuku ne pilet.

*Aisaia 42.6; 49.6*

Paulus nale tanjamba saninginaig le

<sup>48</sup> kasomok mbal pasa ta ismba nane gare sunjo tumba Kuate tuku nyu te-dunginaig. Nane abo minmba minam tuku Kuatenge madiningina ta nane pasa ta ismba son nginaig le

<sup>49</sup> Kuate tuku pasa ma ta mbolnge kumunga sunjokina.

<sup>50</sup> Sunjokina le Zu mbal nane ndek gabat pino kame Kuate dubinaig tuku tumbran sunjo ta tuku gabat sugo turmba Paulus le Barnabas pitaikam tuku nane tuku wamdus kunde-kundenaig. Tanjanaig le gabat sugo nane gubra tumba sine tuku tumbran te kusremba kape nga pitaikinaig le

<sup>51</sup> Paulus nale kambim nga nane Kuate tuku pasa pitaide ta nanjine mbar rironkuwaig nga tuptup kupe mbolnge denganu ta nane am mbolnge paurnga nale Ikonium kinaik.

<sup>52</sup> Yesus dubinaig mbal Antioknge minnaig ta Tukul Guwa nane tuku wamdus kumungina le nane gare jak minnaig.

## 14

### *Ikonium mbal pasa mayenu isnaig*

<sup>1</sup> Nale Ikonium tumbran sunjo mbol pronaik le wam ndui ta ndo mayok kina. Nale Zu mbal tuku kusem wande sinam kumba pasa kuklinaik le nane gudommaba afu Zu mbal afu Grik mbal Yesus son nginaig.

<sup>2</sup> Tanjanaig le Zu mbal afu Yesus son nda nginaig ta nane kasomok mbal tugumnge Yesus dubinaig mbal kasurninguwaig nga nane tuku wamdus kunde-kundenaig.

<sup>3</sup> Paulus le Barnabas ma ta mbolŋge mine sunḡomba kuru kuru ndaka Kuatenḡe kilke mbol mbal make patikate ŋga taŋamba pasa kuklimba minnaik le Sunḡo nu nuŋe pasa kulatka sanḡri nikina le nale wam kitek sanḡrinu ke likinaik.

<sup>4</sup> Taŋamba kinaik le Ikonium taŋgo pino nane pur arnaik. Afu aposel kame dubikinaig le afu Zu mbal dubikinaig.

<sup>5</sup> Taŋamba minnaig le Zu mbal afu nanḡine gabat sugo ndoŋ kasomok mbal afu turmba nane Paulus le Barnabas bige tidiŋga ndamembi bale faram bafunaig le

<sup>6</sup> nale pasa ta ismba kua ka Likonia ma tugu mbol kinaik. Kinaig ka ta promba Listra le Derbe tumbranḡ sugo ar ta mbolŋge pasa mayenu kuklimba tumbranḡ ar ta tuku tumbranḡ foŋfoŋ sinam taŋge mata

<sup>7</sup> pasa mayenu kuklimba lika minnaik.

### *Listra mbal pasa mayenu isnaig*

<sup>8</sup> Liŋtraŋge taŋgo ande kupe arŋeŋ baklelok ina sinamḡe taŋaŋ mayok ka sunḡokina. Nu ti daŋga minyok ndo minna.

<sup>9</sup> Taŋgo ta nu Paulus tuku pasa ismba minna le Paulus nu kaŋger timba Yesus nu wakeiwam tuku nu ŋgamunḡal son kumumbi ŋak ta kaŋgermba nu wi kuenḡka sana:

<sup>10</sup> Ne tugusemba tiŋga ŋgina. Taŋakina le nu pastinḡ tilaiŋga likina.

<sup>11</sup> Taŋgo pino Paulus nu taŋgo ta wakeina le kaŋgermba nanḡine Likonia pasambi kuenḡka saki-naig: i ... Taŋgo ar te kilke mbolok kuga. Mbara afu taŋgo kuilka sine tugum te prowaik ŋginaig.

<sup>12</sup> Tanjakinaig sulumba nane Barnabas tuku nyu nanjine mbara Sus nginaig. Paulus nu pasa tugu tanjo tukunu nyun ta mbara Hermes nginaig.

<sup>13</sup> Sus mbariŋam tuku wande tumbran sunjo makembiŋge minna. Wande ta tuku pris nu tanjo pino ndon Paulus le Barnabas atraukam saka ail bot ngika makau pailnu birŋenŋinimba kilmba tumbran sunjo tuku malanŋa tugum prona.

<sup>14</sup> Barnabas le Paulus wam ta kanjermba palseŋnikina le nale ndek nakile tawi fetfetmba pinderka kumba nane ngamukŋge sunjomba wika sakinaik:

<sup>15</sup> Tanjo kame, ndanŋam saka tane wam te kam bafude. Sile tanjo tane minig tanan. Sile pasa mayenu tumba te prokik. Tanjine manau alo kugatok te kusremba mbilka Mbara ndindo abo tugu ŋak nu ndo dubiwap ŋa tumtingam prokik. Nunje samba tugu kilke tugu yu tugu agan ndende ŋakmba wakeikina.

<sup>16</sup> Wa mbun kame nane nanjine nzali dubimba kinaig le Kuate nu peu ndaningina.

<sup>17</sup> Tanjamba kile nu minit manau ta tane tumtingit. Tane ŋakmba nu kila palmbim tuku nu wam mayete. Nu sawe nyamagan kumumbi tingit le tane alonu kilmba nyumba maro ŋak wamdus gare ŋak minig ŋa saninginaik.

<sup>18</sup> Paulus nale tanjamba saninginaik ta nane tuku wamdus pitik iben ndakinaig. Nane lato saka minnaig le ndo nane atraukam tuku wamdus ta kusrenaig.

*Nane Paulus panininaig*



19 Antiok le Ikoniumnge Zu mbal afu Listra promba Listra mbal tuku wamdus kundekundemba nane ndonj Paulus tumba kasomnge pilmba ndamembi katnaig sulumba kile kumat nga idusmba nu didika tumba tumbran sunjo kilim kumba ka mayoknge kusrenaig le minna.

20 Minna le Yesus dubiwanu mbal kumba ka Paulus te-ngamunaig le nu najir njinka abonga tinga tumbran sunjo sinam kina.

Mafena le nu Barnabas ndonj Listra tumbran sunjo kusremba Derbe kinaik.

21 Ka tanje nale pasa mayenu kuklimba nane saninginaik le nane gudommba mbilka Yesus son nginaig. Tanjanaig le nale tumbran sunjo ta kusremba luka Listra Ikonium Antiok manj kine likinaik.

22 Kumba ka tanje Yesus dubinaig mbal wamdus sanjri pilenimmba Yesus tuku pasa biye demba minap nginaik sulumba sakinaik: Sine Kuate tuku gageu sinjka piti yimyam sunjomba kanjerkumba ma ma Kuate tugum kanjig nginaik.

23 Nale ma njakmba mbolnje Yesus tuku kuasmbi kulat tango nanjine madika patikinaik. Tanjamba nale nyamaganj pinka yabanmba kulat tango ta saninginaik: Tane Yesus son njgade tukunu nunje tane sinzanjtingamngat nginaik.

### *Nale luka ndek Antiok kinaik*

24 Kile nale tinga kumba Pisidia ma tugu ngamu fetka kumba ka Pamfilia ma tugu mbol pronaik.

25 Pro Perga tumbran sunjo mbolnje nale pasa kuklinaik sulumba nale tinga Atalia tumbran sunjo mbol kinaik ka

<sup>26</sup> tanje wan ponga luka kumba ka ka Antiok pronaiik. Tumbran tanje Yesus tuku kuasmbi nane buk Paulus nale piro ta kuwaiik nga madiniŋinaig sulumba Kuate nu nale make patikuwa nga yabanmba kukulnikinaig le kinaik.

<sup>27</sup> Nale luka pro tanje Yesus tuku kuasmbi kilemanjurka Kuatenje nale sanjri nikina le wam ke likinaik ta njakmba kubeu niŋinaik sulumba Kuatenje kasomok mbal Yesus son ngam tuku ndin wakeina ta sakinaik.

<sup>28</sup> Tanjamba nale Antioknge ait kuennu Yesus dubinaig mbal ndon minnaik.

## 15

### *Yerusalemnge pasa sunjo ande te-tinaig*

<sup>1</sup> Paulus le Barnabas Antioknge minnaik le tanjo afu Yudea ma mboloknge promba Yesus dubinaig mbal saniŋinaig: Tane Moses tuku tukul dubimba ngaro pike ndakap ta tane ngisikamngaig nginaig.

<sup>2</sup> Tanjakinaig le Paulus le Barnabas nale kuasmbi ta ndon kualeyaukinaig le Yesus tuku mbal ndek Paulus le Barnabas tanjo afu ndon kukulniŋmba saniŋinaig: Tane Yerusalem kumba aposel le gabat kame ndon manjurka pasa ta te-tiwap nginaig.

<sup>3</sup> Tanjamba kukulniŋinaig le nane kumba ka Finisia le Samaria ma ngamu fetka kumba ndinnge Yesus tuku mbal afu kanjerka saniŋinaig: Kasomok mbal mata pasa mayenu ismba ngamungal biye mbilnaig nginaig le nane wam ta ismba gare tornaig.

<sup>4</sup> Paulus nane mbumba ka Yerusalem pronaiig le Yesus tuku kuasmbi aposel le gabat kame

ndon nane kanjerka gare-gareka kaiye ninginaig. Tanjanaig le Kuatenge Paulus nane sanjri ningina le wam ke likinaig ta kubeu ninginaig le

<sup>5</sup> Farisi tanjo afu Yesus dubinaig ta nane tinga ndek sakinaig: Kasomok mbal Yesus dubide ta sine nane tuku ngaro pikmba Moses tuku tukul njakmba dubikuwaig nga saninbe nginaig le

<sup>6</sup> aposel kame Yesus dubinaig tuku gabat kame nane pasa ta ismba te-tiwam tuku manjurkinaig.

<sup>7</sup> Manjurkinaig ta nane wamdus yimyam kilemayokka pasa tugu sunjomba saka minnaig le Petrus ndek tinga saningina: Tira kame, kasomok mbal Kuate tuku pasa mayenu ismba son ngam tuku Kuate nu ye madiyumba nane tugum kuku-lyina ta tane kila.

<sup>8</sup> Kuate nu tanjo njakmba tuku ngamungal kila. Nu kasomok mbal kilam tuku idusmba minna ta nu te-mayokmba sine ambonga Tukul Guwa singina tanjamba ndo nu nane mata Tukul Guwa ningina.

<sup>9</sup> Nu sine Zu mbal nane kasomok mbal mbolnge wam ndui ta kina. Kasomok mbal afu Yesus tuku kume tuku sanjri tomba tinginaig le nu nane tuku une mata sauka gilaingina.

<sup>10</sup> Singine mbutj kame sine mata Moses tuku tukul ta dubikam tuku piro karenj ka dubiwe fugugenj. Ndanam saka tane kile Kuate tuku wamdus tagode sulumba kasomok mbal Yesus dubide ta minde bada pile sunjo ningig.

<sup>11</sup> Sunjo Yesus nu ake sinanj sine make patikate le muskil te-tiweg ta sine son ngeg. Tanjamba ndo kasomok mbal mata manjau ndui ta ndo kate ngina.

<sup>12</sup> Manjurkinaig mbal nane Petrus tuku pasa ismba maninok minnaig le Barnabas nale Paulus

ndonj nale mata tinnga Kuate nu kasomok mbal ngamuknge wam sangrinu kitek ke likina ta kubeu ninginaik le isnaig.

<sup>13</sup> Nale kubeu denjpurnaik le Yakobus nu tinnga saningina: Tira kame, tane isap.

<sup>14</sup> Kuatenge kasomok mbal ngamuknge afu nuje mbal minam tuku nu ambonga Simon kukulna le nane tugum kina ta njakmba kubewat le sine isgig.

<sup>15</sup> Kuatenge kasomok mbal afu wikate ta tuan tanjo kame mata sakinaig. Andenge tejenmba kuyarna.

<sup>16</sup> Afunge David tuku tugu njai go siglika kile-ibenjkinaig ta ngumne nga ye pro wakeiki le manj mayok kanjaig.

<sup>17</sup> Ye tanjawi le kilke mbol mbal ye madiningen ta ye sota ka ka te-silikamnjaig.

<sup>18</sup> Kuate nu o buk nuje wamdus tanjamba temayokna ta nunge sakate ngina. *Amos 9.11-12*

<sup>19</sup> Yakobus nu tuan tanjo tuku kuyar sanijmba sakina: Ye tejenmba iduset. Kasomok mbal afu ngamungal biye mbilmba Kuate dubide ta sine nane minde bada pile sunjo nda ninbe.

<sup>20</sup> Sine waje ande nane manjau dubikam tuku tejenmba kuyarbe. Nane afu nanjine mbara kanunu atraukade ndem ta nda nyap. Tane tanjo pino ndonj fare fare une ndakap. Aganjmor njinfok pipkade le ndare nda prote ta nda nyap. Ndare mata nda nyap. Sine tanjamba waje kuyarbe.

<sup>21</sup> Moses tuku tukul ta o buk tugu pilmba Zu mbal ma njakmba mbolnge kusem kidemba nanjine kusem wandeknge nu tuku kuyar burka ismba minig nga saningina.

*Nane kasomok mbal tuku waŋe kuyarmba tumba Antiok kinaig*

<sup>22</sup> Gabat kame aposel ndon Yesus dubinaig mbal ŋakmba pasa ta ismba taŋgo afu Paulus le Barnabas dubika Antiok kambim tuku madiningam sakinaig. Taŋamba nane taŋgo armba nyu ŋak madinikinaig ta ande nyunu Yudas ande Silas. Yudas nyunu ande Barsabas.

<sup>23</sup> Taŋamba nane waŋe ande tejenmba kuyarnaig.

Singine tira kame kasomok mbal Antiok tumbraŋ sungo Siria le Silisia ma tugu mbolŋge mine likade tane ŋakmba kaiye.

Sine aposel kame le gabat kame tane ndon pasatam proweg.

<sup>24</sup> Sine taŋgo afu kukul ndaningigen le naŋgine wamdus dubimba tane Moses tuku tukul pasa dubiwap ŋga satinŋinaig. Taŋanaig le tane wamdus pititingina ta sine isgen.

<sup>25</sup> Sine maŋgurka pasa ta isgen sulumba taŋgo armba madinikigen le tane tugum ta prowamŋaik. Nale singine gulab Barnabas le Paulus ndon kukulningigen.

<sup>26</sup> Barnabas le Paulus singine Sungo Yesus Kristus tuku piro ndo idusmba mara afu nale kume dirnaik.

<sup>27</sup> Taŋgo ar kukulnikigen ta Yudas le Silas. Nane tane tugum prowaig sulumba sine pasa afu kuyarkigen te nane pasa ndui ta satinŋuwaig le isap.

<sup>28</sup> Tukul Guwaŋge wamdus singina ta ndo tane dubiwam tuku satinŋeg. Sine tane minde bada sungo pile tinŋe nda. Tane tukul kame te ndo

dubikap.

<sup>29</sup> Nane afu nanjine mbara kanunu atraukade ndem ta nda nyap. Ndarenu mata nda nyap. Agaŋmor ŋinfok pipkade le ndare nda prote ta nda nyap. Tane taŋgo pino ndoŋ fare fare une ndakap. Tane tukul kame te ndo dubikap ta tane wam mayewamŋgaig.

Not ndo. Kile minap.

Yerusalem mbal taŋamba waŋe kuyarnaig.

<sup>30</sup> Nane waŋe ta Yudas nale nikmba kukulnikinaig le nale Barnabas le Paulus dubika ndek Antiok kinaig. Kumba ka ta promba Yesus tuku kuasmbi kile-manjgurka nale waŋe ta niŋginaig le

<sup>31</sup> nane waŋe ta burka wam pagu pasa te maye ŋga gare tinaig.

<sup>32</sup> Yudas le Silas nale Kuate tuku tuan taŋgo. Nale ndek Antiok mbal pasa gudomma sanjginaig le nane sanjri tiŋginaig.

<sup>33</sup> Nale mara afu Antiokŋge minnaig le kile Antiok mbal nale kukulnikinaig mbal ta tugum kuwaik ŋga kaiyenikinaig.

<sup>34</sup> [Silas nu wamdus ande tumba mbulmba Antiokŋge minna.]

<sup>35</sup> Paulus le Barnabas Antiokŋge minmba taŋgo afu ndoŋ Sunjo tuku pasa nane tumniŋmba minnaig.

### *Barnabas le Paulus nale munju kusrekinaik*

<sup>36</sup> Taŋamba minnaig ma ma Paulus nu Barnabas sana: Sile buk ma yimyam mbolŋge Sunjo tuku pasa kuklimba niŋgiken ta kile sile maŋ Yesus dubide mbal tuku mine kaŋgerkam tuku kap ŋgina.

<sup>37</sup> Tanjakina le Barnabas nu ndek woka Yohanus Markus ndonj kambim tuku sakina kande

<sup>38</sup> Paulus nu mbulmba ndek sakina: Kuga. Sile nu ndonj piroka mingenj ma ma piro kuga ndana le Pamfiliange nu sile kusrekina tukunu ye mbulit ngina le

<sup>39</sup> nale munju kusrekinaik. Tanjamba Barnabas nu ndek Markus tumba wanj ponja Siprus nuy mbol kinaik le

<sup>40</sup> Paulus nu Silas ndonj pirokam tuku sakina le Yesus tuku mbal nane sakinaig: Sunjonje tale make patikuwa nginaig sulumba kukulnikinaig le kinaik.

<sup>41</sup> Paulus nu Silas tumba Siria le Silisia ma tugu mbol kumba Yesus tuku kuasmbi kame sanjri pileninge likina.

## 16

### *Paulus nu li arnu tugu pilna*

<sup>1</sup> Nale kumba ka Derbe promba Listra kinaik. Ka tanje tanjo ande Yesus dubina tuku nyunu Timoteus minna le kanjernaik. Ina nuje Zu pino. Nu mata Yesus son ngina. Mam nuje Grik tanjo.

<sup>2</sup> Yesus dubinaig mbal Listranje Ikoniumnge nane njakmba Timoteus tuku saka minnaig.

<sup>3</sup> Timoteus mam nuje Grik tanjo ta tumbranj ta tuku Zu mbal nane njakmba kila. Ta tuku Paulus nu Timoteus nu ndonj pirokuwa nga ngaro pike tuna.

<sup>4</sup> Tanjana sulumba nane tumbranj njakmba mbolnge lika Yerusalemnge aposel le gabat manjur mbolnge tukul afu nane dubikam tuku sakinaig ta sanjmba likinaig.

<sup>5</sup> Nane tañanaig le Yesus tuku kuasmbi sanjri tinginaig le mara mindek nane afu Yesus dubiwam tuku pro nane ndonj ulendikinaig.

*Masedonia mbal pasa mayenu isnaig*

<sup>6</sup> Paulus nane Tukul Guwanje peuningina le nane Asia ma mbolnje pasa kukli ndamba Frigia le Galesia ma mbol kinaig.

<sup>7</sup> Frisia le Galesia pronaig sulumba kumba ka Misia ma patumba Bitinia ma mbol kambim sakinai ta Tukul Guwa nane man peuningina.

<sup>8</sup> Peuningina le nane Bitinia kine ndaka Misia laipmba ndek Troas tumbran sunjo mbol pronaig.

<sup>9</sup> Pro tanje furir Paulus nu kinatanu suk Masedonia tanjo ande kanjerna. Tanjo ta nu Paulus tugumnje tinga Paulus nu Masedonia promba nane turkuwa nga sarsamba minna.

<sup>10</sup> Nu kinatanu suk wam ta kanjerna le Paulus Silas Timoteus ye Lukas Kuatenje Masedonia mbal nu tuku pasa mayenu isam tuku kukulsingit nga wamdus pulusingina le sine dal ndaka Masedonia kambim tuku ndin sotigenj.

<sup>11</sup> Troasnje sine wanj ponga pakarka Samotres nuy mbol kagenj. Ka tanje kinymba mafena le wanj ponga Neapolis kagenj.

<sup>12</sup> Tanje ibenj ka ndin dubimba ka Filipi promba sine mara afu tanje mingenj. Filipi nu Masedonia ma tugu tuku tumbran sunjo. Tumbran tanje Rom mbal gudommmba pro mine likinaig.

<sup>13</sup> Kusem ait mbolnje sine Zu mbal afu kule makembi tanje yabanmba minig kande nga idusmba tumbran sunjo kusremba kule makembi



ta ndek kageŋ ka taŋge pino afu maŋgurka minnaig le nane ndoŋ minyoka pasa-pasakigeŋ.

<sup>14</sup> Pino kame sine tuku pasa isnaig ta ande nu Tiatira tumbraŋ sungo mbolok pino nyunu Lidia. Nu tuku piro ta nu tawi gurgur magenu wakeika patikanu le nane piyawanu. Nu Kuate mbariŋmba minanu. Paulus nu pasatina le Kuatenge nu tuku wamdus purfeu tuna le nu Paulus tuku pasa ise tidingina.

<sup>15</sup> Taŋamba nu nuŋe ndare tuma ndoŋ kule pisne tinaig sulumba nu sine ŋgailka sasingina: Tane ye siŋka mbilka Yesus dubiwanu ŋga idusmba kande tane ka ye tuku wande mbolŋge minap ŋgina.

*Paulus nale Filipiŋge muliŋ kilmba wandekŋge patikinaik*

<sup>16</sup> Mara ande sine yabaŋ ma mbol kageŋ le pino mbanzo ande sine kile-siglikina. Pino ta kagmaikam tuku guwa ŋayonu ŋak. Nu taŋgo afu tuku piro agaŋ taŋaŋ minmba kagmai piro kina le nane nu mbolŋge ndametiŋ sungomba kilnaig.

<sup>17</sup> Pino ta nu sine Paulus ndoŋ dubika wika sakina: Taŋgo kame te nane Sungo Kuate tuku piro taŋgo. Tane muskil kile-tidinge tiŋgam tuku ndin tumtiŋgig ŋgina.

<sup>18</sup> Nu ait sungomba sine dubika taŋamba saka minanu le Paulus nu ndagarina le mbilka guwa ŋayonu ta sana: Ye Yesus Kristus tuku saŋgri mbolŋge ne sanet. Pino ta kusremba ne mayok kaye ŋgina. Taŋakina le nu pitik ndo pino ta kusremba mayok kina.

<sup>19</sup> Mayok kina le taŋgo kame nu kulatka minnaig ta nane ndametiŋ kilanu ndin tukulkina

le kanjermba Paulus le Silas bige tidinga kilmba didika ka manjur ma mbolnge gabat sugo am mbolnge kile-tidingaig.

<sup>20</sup> Gabat sugo tugumnge kile-tidinga sakinaig: Tango ar te Zu tango. Nale sine tuku tumbran sunjo mbol te pronaik sulumba tango pino tuku wamdus njaigo siglikade.

<sup>21</sup> Nale manjau afu kise sine dubiningam tuku sasngik. Manjau sasngik ta sine Rom mbal dubikam kumun kuga nginaig.

<sup>22</sup> Tango pino manjur minnaig ta nale pasa mbolnge patikinaig mbal ndon ulendika Paulus le Silas tuku gubra pasa sakinaig. Tanjakinaig le Rom kame gabat nale tuku tawi fetfetmba nane afu saninginaig le nale kilmba gudabmbi pani farnikinaig.

<sup>23</sup> Nale pani farnikmba ma ma patikinaig le kame gabat nale mulin kilmba wandeknge patika muli wande kulatkanu tango sanaig: Ne nale kulat mageka nginaig.

<sup>24</sup> Tanjaka sanaig le nu pasa ta ismba wande ngamunge nale patikina. Nu ail mbanj armba kilmba nale tuku kupe burok sigirka kuse ndinikina.

<sup>25</sup> Furir ngamu Paulus le Silas Kuate tuku nyu tedunga mune afu nindmba Kuate yabanmba minnaik le muli wandeknge tango njakmba nane wam ta ismba minnaig.

<sup>26</sup> Tanjamba minnaik le mumni sunjo promba muli wande makek buru-buruningmba wande malanga njakmba talke likinaig le mulin kilnaig mbal wai kupe ndaleke likinaig ta muli njakmba

ake kuklike likinaig.

<sup>27</sup> Muli wande kulatkanu tanjo nu abonga tinga malanja njakmba talok minnaig le kanjerka tanjo njakmba kua kagig nga idusmba kuru-kuruka nuje bagi gomba tumba nuje mironj ngaro balewam bafuna kande

<sup>28</sup> Paulus nu kuenka sakina: Naje mironj ngaro bale ndawa. Sine njakmba mineg o ngina.

<sup>29</sup> Kile wande kulatkanu tanjo nu sati tuku wikina sulumba tumba pinderka muli wandek sinam kumba nu kuru-kuruka piriri njayomba ka Paulus le Silas tugumnge truk kina.

<sup>30</sup> Tanjamba nu tinga nale kilmba mayok kumba sanikina: O tira kame, ye ndanji sulumba abo njak minmba minamngit ngina le

<sup>31</sup> nale nu sanaik: Ne Sunjo Yesus tuku son nga le nu ne tuku muskil te-tine tinwa sulumba naje ndare tuma mbal turmba kile-tidinge ninjuwa nginaik.

<sup>32</sup> Tanjaka sakinaik sulumba Paulus nale pasa kuklinaik le muli wande kulatkanu tanjo nuje ndare tuma turmba Sunjo tuku pasa isnaig.

<sup>33</sup> Muli wande kulatkanu tanjo nu Paulus nale kilmba kumba ka katnikinaig tuku we ta minyanje likina. Tanjamba nu nuje ndare tuma kame ndonj kule pisne tinaig.

<sup>34</sup> Kule pisne tinaig sulumba Paulus le Silas kilmba nanjine wande mbol kumba isukusnenikinaig. Nu nuje ndare tuma njakmba Kuate son nginaig tukunu gare sunjo tinaig.

<sup>35</sup> Mafena le kame gabat Paulus le Silas paska kile-mayokkuwaig nga kame tanjo afu

kukulninginaig le ka muli wande kulatkanu tanjo sanaig.

<sup>36</sup> Sanaig le nu ka Paulus nale sanikina: Rom kame gabat ye tale pitaiki le ake kambim tuku sakaig. Tale mayok ka wamdus bulok ηak kape ηgina kande

<sup>37</sup> Paulus nu sana: Kuga. Sile Romnu. Nane sile tuku pasa te-ti ndamba tanjo am mbolηge ake pani farsikmba muliη kilmba wandekηge patikinaig ta nane mbarnaig. Kile nane kuirkuirka sile pitaikam kumuη kuga. Sile mayok kine nda. Kame gabat ta saningap le nanjine mironj te promba sile paskuwaig ηgina.

<sup>38</sup> Kame tanjo nane luka Rom kame gabat Paulus tuku pasa saninginaig le Paulus le Silas nale Romnu ta kila pilmba wamdus fulilkinaig sulumba

<sup>39</sup> nane kumba nale sanikinaig: Ae. Sine mbargenj ηginaig. Tanjamba nale paska kilemayokka tale tumbranj sunjo te kusremba kape ηginaig.

<sup>40</sup> Nale muli wande kusremba ka Lidia tugum pronaik. Nu tugum promba Yesus dubinaig mbal ηakmba sanjri tinjam tuku pasa afu saninginaik sulumba tinja ma kise mbol kinaik.

## 17

### *Tesalonika mbal pasa mayenu isnaig*

<sup>1</sup> Paulus le Silas nale kinaik ka Amfipolis le Apolonia tumbranj sugo ar ta kusreka kinaik ka Tesalonika pronaik. Tumbranj tanje Zu mbal tuku kusem wande ande minna.

<sup>2</sup> Paulus nu kusem mindek nuɲe maɲau du-bimba kusem wandekɲge kuyar pasa burka kuklimba nane ndoɲ pasa tugu yimyam tugu bitekɲga tumniɲmba minna le kusem keɲmba kinaig.

<sup>3</sup> Paulus nu kuyar pasa tugunu kuklimba teɲenmba saniɲgina: Kristus nu pro rar sunɲo tumba kumwa sulumba nu maɲ tinuɲgat ɲga kuyar pasa tumsiɲgit. Ye Yesus tuku satiɲget ta nu Kristus ɲgina.

<sup>4</sup> Taɲakina le Zu taɲgo afu Paulus tuku pasa ismba son ɲga Paulus le Silas ndoɲ ulendikinaig. Grik taɲgo gudommba Kuate dubinaig ta pino kame afu nyu ɲak minnaig ta nane mata son ɲginaig.

<sup>5</sup> Nane gudommba Paulus nale dubikinaig le Zu mbal afu gubra tumba wamdus kagli firka ndek tiglu sota nyumba likanu taɲgo afu kilmba kuasmbi sunɲo kile-maɲgurkinaig le nane ɲakmba ɲgumbeyumba tiɲga kumba Yason tuku wande kormba Paulus nale kilmba taɲgo ɲakmba am mbolɲge kile-tidiɲgam tuku sotinaig.

<sup>6</sup> Sotinaig kande nane Paulus nale kiringa ndek Yason Yesus tuku mbal afu turmba bige tidiɲga kilmba didika pro tumbranɲ sunɲo tuku gabat kame tugumɲge kile-tidiɲga wika saniɲginaig: Taɲgo ar ta ma tugu ɲakmba mbolɲge nakile pasa kuklimba taɲgo pino tetkinaig sulumba kile nale tumbranɲ sunɲo te mbol pronaik le

<sup>7</sup> Yasonɲge kilna. Nane ɲakmba siɲgine gabat Sesar tuku tukul lukaka gabat kise nyunu Yesus minit ɲga sakade ɲginaig.

<sup>8</sup> Taɲakinaig le tumbranɲ sunɲo ta tuku gabat mbal taɲgo pino nane gabat kise tuku nyu ta ismba

wamdus ŋaigoŋginaig ta

<sup>9</sup> gabat kame nane zigna sungo ta tukulam tuku Yason nane ndametiŋ afu yaika nane kukulniŋginaig le luka kinaig.

*Berea mbal pasa mayenu isnaig*

<sup>10</sup> Furirna le Yesus tuku mbal Paulus le Silas kukulnikinaig le nale tiŋga ka Berea pronaig. Pro tanje Zu mbal tuku kusem wande sinam kinaig.

<sup>11</sup> Nale kuyar pasa kuklinaik le Berea tuku Zu mbal nane Tesalonika tuku Zu mbal tanjaŋ mine ndaka nane pasa ise mayenaig. Nane mara mindok kuyar pasa burka nale tuku pasa son e ko kuga ŋga sotanu.

<sup>12</sup> Tanjamba Zu mbal gudommaba Yesus tuku son ŋginaig. Grik tanjo pino nyu ŋak nane afu mata son ŋginaig.

<sup>13</sup> Kile Tesalonika tuku Zu mbal afu Paulus nu Bereaŋge Kuate tuku pasa kuklimba minanu pasa ta ismba nane ndek Berea pronaig. Pro tanje nane kuasmbi yimyam ŋgamukŋge Paulus le Silas talanikuwaig ŋga nane tuku wamdus didikinaig le

<sup>14</sup> Yesus tuku mbal wam ta kila pilmba Paulus piyal nzi kuwa ŋga sanaig sulumba afu nu mindemba ndek kinaig. Silas le Timoteus nale Bereaŋge minnaik.

<sup>15</sup> Kinaig ka ka piyalŋge tumbran sungo Atens pronaig. Pro tanje nane Paulus kusremba lukam bafunaig le nu Silas le Timoteus ndin ande kaŋgermba ndeta pitik te prowaik ŋga pasa pilna le nane kinaig.

*Atens mbal pasa mayenu isnaig*

<sup>16</sup> Atensnge Paulus nu nale tairnga minmba nu kine promba lika nane tuku mbara kanunu gudommba kanjerka wamdus nayoŋgina sulumba

<sup>17</sup> nu kumba ka kusem wande sinamnge Zu mbal kasomok Kuate dubinaig mbal nane ndon pasa tugu biteknga tumniŋmba minna. Mara mindek nu tumbran sungo tuku mangur ma mbolnge nane afu minanu ta nane ndon mata tanawanu.

<sup>18</sup> Nu Yesus kummba manj tinjina wam ta tuku sanjina le Epikurian le Stoik mbal afu pro nu ndon pasambi kualeyaukumba sakinaig: Tango te nule parak pasa sakate nga talanaig. Afu tenenmba sakinaig: Nu rawe mbal tuku mbara afu tuku sakate inde ngingaig.

<sup>19</sup> Tanjaka saka nane Paulus tumba kumba ka nangine mangur ma sungo nyunu Ariopagusnge mangurka Paulus sanaig: Ne pasa kiteknu sakate ta manj saka le sine isbe.

<sup>20</sup> Ne pasa sakate ta sine ngingankek. Sine pasa ta tugunu isam tuku iduseg ngingaig.

<sup>21</sup> Atens mbal rawe mbal tanje minnaig ta turmba nane ait njakmba mbolnge wam kube kitek saka ismba minanu.

<sup>22</sup> Kile Paulus nu Ariopagus mangur ma ngamuknge tinja sanjina: Atens mbal, tane mbara yimyam dubikam tuku wamdus pilig le kamuset.

<sup>23</sup> Ye kine promba tanjine mbara kanunu gudommba kanjerke liken ta ande tuku mbain mbolnge kuyar ande tenenmba kanjeren. Mbara ande sine gilai ta mbain te mbolnge mbarinam tuku nga kuyarnaig. Ata. Mbara tane gilai minig ta ye kila satinngamngit.

24 Kuatenge kilke agan ndende njakmba kilemayokkina. Nu samba le kilke tuku Sungo. Tango nanjine waimbi mbarinam tuku wande pilig ta nu ta sinamnge mine ndakate.

25 Kuate nu ngarosu abo minam tuku agan njakmba kumumbi singit. Agan njakmba nu miro. Sine Kuate tuku piro keg ta sine agan inum nu tambim tuku mine ndakate.

26 Kuate nu tango ndindo wakeina le nu tuku ndare puluka tugeka kilke tugu yimyam mbolnge mine likade. Nane ma ndan mbolnge minyokamngaig ko ginu mara nane tuku ait prowam tuku ta Kuate nu o buk madina.

27 Kilke mbol mbal nu sota te-silikuwaig nga Kuate nu tanamba wam ta ke likate. Nane nu sotade ta nu maskennge mine ndakate. Nu sine njakmba tugumnge minit.

28 Tango ande tenjenmba kuyarna. Sine abo njak minmba likeg ta nu tugu nga kuyarna. Tanjine kuyar tango ande mata tenjenmba kuyarna. Sine nu tuku kinjo kame mineg nga kuyarna.

29 Sine Kuate tuku kinjo kame mineg ta son. Ta tuku tango nanjine wamdusmbi gol silwa ko ndame kilmba agan afu wakeikade ta sinjine mbara ngam kumuŋ kuga.

30 Tango tuku nginngan manau ta Kuate nu buk mapeka pa ninje ndakina ta kile nu kilke tugu njakmba ngamuŋgal biye mbilmba nanjine mbar kusrekuwaig nga sakate.

31 Sine kilke mbol mbal pilesingam tuku Kuate nu ait ande madina. Ait ta kumuŋguwa le sine kumumbi pilesingam tuku nu tango ande pilna. Tango pilna ta sine nu kila pilbe nga nu kumna



le Kuatenge manj te-tina le tingina nga Atens mbal saningina.

<sup>32</sup> Nane Yesus kummba manj tingina pasa ta ismba nane afu Paulus tuku pasa talamba nzumil te-tunaig le afu ndek sanaig: Mara ande manj sine sasinga le isbe nginaig.

<sup>33</sup> Tanakinaig le Paulus nu manjur ma ta kusremba kina le

<sup>34</sup> Atens mbal afu Paulus ndonj ulendika Yesus tuku son nginaig. Nane tuku ande nyunu Dionisius. Nu Ariopagus ma ta tuku pasa pilewanu tanjo ande. Pino ande nyunu Damaris nane afu turmba son nginaig.

## 18

### *Korin mbal pasa mayenu isnaig*

<sup>1</sup> Paulus nu Atens kusremba Korin tumbranj sunjo mbol kina.

<sup>2</sup> Pro tanje nu Zu tanjo ande nyunu Akuila tesilikina. Nune kilke tuguk ta Pontus. Nu ailfu ndo piyo nune Prisila ndonj Itali kilke mbolnje minnaik ta mandor Klaudius Zu mbal nakmba Rom kusrewaig nga sakina le nale Rom kusremba Korin pronaik.

<sup>3</sup> Nale tuku piro ta tawi wande zailnga wakeikanu. Paulus nu mata piro ndui ta kina tukunu nu nale ndonj minmba piroka minna.

<sup>4</sup> Kussem mindek nu kusem wandeknje Zu mbal Grik mbal wamdus kilam tuku nane ndonj pasa tugu biteknga tumnijmba minanu.

<sup>5</sup> Tanjamba minna le Silas nale Timoteus ndonj Masedoniaenge pronaik le nu tawi wande tuku

piro kusremba ait ṅakmba mbolṅge Yesus nu siṅka Kristus ṅga Zu mbal ṅgamukṅge te-mayokmba saka minna.

<sup>6</sup> Tanamba saka minna le Zu mbal nane Paulus ndoṅ pasambi kualeyauka nu tumail pannaig le nu ndek nuṅe tawi tumba nane am mbolṅge tuptup paurnga saniṅgina: Tane ṅgisikap ta ye tuku mbar kuga. Tanṅine mbar. Ye kile kasomok mbal tugum kaṅgit ṅgina.

<sup>7</sup> Tanakina sulumba Paulus nu nane kusreka kumba kasomok tanṅo ande Kuate dubina tuku nyunu Titius Yustus nu tuku wande mbolṅge minna. Nu tuku wande Zu mbal tuku kusem wande gemmba minna.

<sup>8</sup> Zu mbal tuku kusem wande kulat tanṅo nyunu Krispas nuṅe ndare tuma ndoṅ nane Paulus tuku pasa ismba son ṅginaig. Korin mbal afu turmba son ṅginaig sulumba kule pisne tinaig.

<sup>9</sup> Tanamba minnaig sulumba furir ande Paulus nu kiṅatanu suk Sunṅo kaṅgerna le nu sana: Ne kuru-kuruka miṅge tukul ndamba pasa kukliwa.

<sup>10</sup> Ye ne ndoṅ minet. Nane afu ne ṅayo silinam kumuṅ kuga. Tumbranṅ sunṅo te mbolṅge nane gudommba ye tuku mbal mayok kambim tuku minig ṅga Paulus sana.

<sup>11</sup> Tanakina le Paulus nu nane ndoṅ yar ndindo ande baterṅnu Kuate tuku pasa tumniṅmba minna.

<sup>12</sup> Kile Galio nu Akaia ma tugu kulatka minna le Zu tanṅo ṅakmba maṅgurka Paulus biye timba tumba nu tugum promba sanaig:

<sup>13</sup> Tanṅo te nu sine tuku tukul lukaka Kuate mbariṅam tuku maṅau kitek tanṅo pino tumniṅgit ṅginaig.

<sup>14</sup> Tanɔkainaig le Paulus nu pasa lafuwam bafuna le Galio nu ndek Zu mbal saniŋgina: Zu mbal tane isap. Tango te nu Rom mbal tuku tukul ande mbarmba ko wam ɲayote kande ye tane tuku pasa ismba te-tiwet kande.

<sup>15</sup> Ima tane ɲgamukɲge pasa siŋka ɲak ko nyu ɲak minit ko ima tanɲine mbuɲ kame tuku kuyar pasa dubite mbar kame ta tuku ye te-tiwe nda. Kumba tanɲine te-tiwap ɲgina.

<sup>16</sup> Tanɔka nu nane pitaikina le nane mayok ka kinaig.

<sup>17</sup> Nane ka kusem wande kulat tanɔgo Sostenes biye timba tumba ka pasa pilewanu wande tugum tanɲe paniɲtinaig ta Galio nu wam ta kanɲermba nda kanɲeranu sukmba minna.

### *Paulus nu luka Antiok kina*

<sup>18</sup> Paulus nu ait kuennu Korinɲge Yesus tuku mbal ndonɲ minna sulumba kile nu nane kusreka waɲ ponɲa Siria ma tugu mbol kambim kina. Prisila Akuila nale Paulus ndonɲ kinaik. Nane ka Senkrea tumbranɲ suɲgo mbolɲge Paulus nu nuɲe gabat kuerkina. Ta ndaɲam? Nu buk pasa sanɲgrinu Kuate sana ta kumuna tukunu nu tanɲe gabat kuerkina.

<sup>19</sup> Tanɲamba nane waɲ ponɲa kumba ka Efesusɲge ibenɲ kinaig. Ibenɲ ka Paulus nu Prisila Akuila kusreka nuɲe ndo kusem wande mbol kina ka tanɲe Zu afu ndonɲ pasa tugu bitekɲga tumniɲmba minna le

<sup>20</sup> Zu mbal afu Paulus nu nane ndonɲ minam tuku ɲgailkinaig ta nu mbulna.

<sup>21</sup> Nu nane kusrekam nga saniŋgina: Kuate nu nzaliwa ndeta ye maŋ te prowamŋgit ŋgina. Tanakina sulumba nu waŋ poŋga Efesus kusrena.

<sup>22</sup> Nu kumba ka Sesareanŋe ibeŋ kina. Ibeŋ ka nu ndek mbumba kumba Yerusalem prona sulumba Yesus tuku mbal kaiyeniŋmba nu maŋ ndek Antiok kina.

*Paulus nu li keŋnu tugu pilna*

<sup>23</sup> Antiokŋge ait kuennu minna sulumba nu maŋ tiŋga Galesia le Frigia ma mbol lika Yesus tuku mbal saŋgri pileniŋmba minna le

<sup>24</sup> Zu taŋgo ande nyunu Apolos nu Efesus prona. Nuŋe tumbran tuguk Aleksandria. Nu Kuate tuku kuyar pasa tugusemba kila pilmba nu miŋge bulok pasa kuklina.

<sup>25</sup> Yohanus kule pisneŋge Suŋgo Yesus tuku sakina ta nane afunŋe tumnaig le nu ta kubewam tuku saŋgri ŋak. Nu Yesus tuku tugusemba sakina ta nu Yohanus kule pisne tuku pasa ta ndo idusmba sakina.

<sup>26</sup> Nu taŋgo tuku kuru kuru ndaka Zu mbal tuku kusem wandekŋge pasa kuklimba minna. Nu pasa kuklina le Prisila le Akuila nale isnaik sulumba nu tumba Yesus tuku tugu ŋakmba tugusemba samba tumnaik.

<sup>27</sup> Tananaik le Apolos nu Akaia ma mbol kambim sakina le Yesus dubinaig mbal nane nu turmba Akaia Kristen tuku kila waŋe ande kuyarmba nane nu tuwaig nga saniŋginaig. Apolos nu Akaia prona sulumba taŋge minmba Kuatenŋge make pilna le Yesus tuku son ŋginaig mbal nu nane suŋgomba turkina.

<sup>28</sup> Nu tanjo ñakmba ñgamukñge kuyar pasa burka Yesus nu Kristus ta tugusemba tumñmba Zu mbal tuku pasa ñakmba kile-ibenñkina.

## 19

### *Efesus mbal pasa mayenu isnaig*

<sup>1</sup> Apolos nu Korinñge minna le Paulus nu kumba ka tabe poñ pilemba Efesus prona. Pro tanje Yesus dubinaig mbal afu kile-siglikina sulumba

<sup>2</sup> kusnaniñgina: Tane pasa mayenu isnaig ta tane Tukul Guwa tinaig e ñga kusnaniñgina le nane ndek nu sanaig: Kuga. Sine Tukul Guwa nyu ise ndakeg ñginaig.

<sup>3</sup> Tanakinaig le nu mañ lato kusnaniñgina: Tane Tukul Guwa gilai ñgade ta ima tuku nyu mbolñge kule pisne tinaig ñgina le nane nu sanaig: Sine Yohanus tuku nyu mbolñge kule pisne tigen ñginaig.

<sup>4</sup> Tanaka sanaig le nu saniñgina: Yohanus nu pasa kuklimba tanjo pino teñenmba saniñgina. Tane ñgamuñgal biye mbilmba kule pisne tap. Ande ye ñgumnemñge prowamñgat ta tane nu tuku son ñgap ñgina. Tanjo ta Yesus ñga saniñgina le

<sup>5</sup> nane pasa ta ismba Sunjo Yesus tuku nyu mbolñge kule pisne tinaig.

<sup>6</sup> Tananaig le Paulus nu wai nane mbolñge patikina le nane Tukul Guwa tumba pasa kuale gilai ta saka minnaig. Tukul Guwa nu nane pasa saniñgina le ismba kile-mayokkinaig.

<sup>7</sup> Nane tananaig mbal ta ulendika tanjo 12 tanaj.

<sup>8</sup> Paulus nu Efesusñge tambun keñmba minna sulumba nu tanjo tuku kuru kuru ndaka kusem

wande sinamŋge Kuate nu nuŋe gageu kulatkate wam ta Zu afu ndoŋ pasa tugu bitekŋga tumniŋmba minna.

<sup>9</sup> Afu nu tuku pasa ismba ŋgamuŋgal tukulmba taŋgo pino am mbolŋge Yesus tuku mbal kiko pileniŋmba minnaig le Paulus ndek Yesus tuku mbal ndoŋ kusem wande kusrenaig. Nane taŋgo ande nyunu Tiranus tuku taŋgo tumniŋganu wandeŋge mara mara maŋgurka Paulus nu taŋge afu ndoŋ pasa bitekŋga tumniŋmba minanu.

<sup>10</sup> Nu yar armba taŋamba minna le Asia ma mbolŋge Zu le Grik ŋakmba Suŋgo tuku pasa isnaig.

<sup>11</sup> Ait ta mbolŋge Kuate nu Paulus saŋgri tuna le nu wam kitek saŋgri ŋak ke likina le

<sup>12</sup> nane afu Paulus tuku piro tawi mundu saukanu tawi ta kilmba naŋgine guaze mbal mbolŋge patike likinaig le nane magekinaig. Afu guwa ŋaigonu nane mbolŋge minnaig ta kua kine likinaig.

### *Skevas tuku kiŋo kame mbarnaig*

<sup>13-15</sup> Zu mbal tuku pris gabat ande nyunu Skevas nu kiŋo 7 ŋak minna. Kiŋo kame ta ma yimyam mbolŋge lika kumba guwa ŋaigonuŋge mbal waneŋganu wakeikanu. Nane Suŋgo Yesus tuku nyu ismba nyu ta saŋgri ŋak ŋga guwa ŋaigonu afu pitaikam tuku ake tummba ande sanaig: Yesus tuku nyu Paulusŋge te-mayokte nyu tambi ne saneg. Ne taŋgo te kusrewa ŋginaig. Taŋakinaig kande guwa ŋayonu ndek nane saniŋgina: Yesus le Paulus ye kila ta tane ima kate ŋgina.

<sup>16</sup> Taŋaka taŋgo guwa ŋayonu ŋak ta patenŋa nane ŋgamuk kumba nane kilmba pani farmba ŋakmba

kile-ibenkina. Kile-ibenkina le nane wande ta kusremba nane ngarosu ndare njak njak wagek kua ka kinaig.

<sup>17</sup> Efesusnge Grik mbal Zu mbal njakmba wam ta ismba kuru kuru sungo tinaig sulumba nane gudommba Yesus tuku nyu te-dunnga saka minnaig.

<sup>18</sup> Yesus dubinaig mbal nane mata pro mangur mbolnge nangine kuanye tugu mindek kilemayokkinaig.

<sup>19</sup> Nane afu nangine kagmai manau wane mbolnge kuyarke likanu ta wane kame ta njakmba kilmba mangurka nane njakmba am mbolnge pasokinaig le uge sulunaig. Wane kame ta njakmba ulendika piyanu ta son 5,000 tanan.

<sup>20</sup> Nane nangine mbar ta kusrekinaig le Sungo Yesus tuku pasa sungekina le nu dubinaig mbal tuge nayona.

<sup>21</sup> Wam njakmba ta mayok kinaig le Paulus nu wamdus tumba nu Masedonia le Akaia ma tugu kuwa sulumba man luka Yerusalem kambim tuku sakina. Ngumneŋga nu Rom mata kangeram tuku saka minna.

<sup>22</sup> Nu turnaik tuku tango armba Timoteus le Erastus kukulnikina le nale Masedonia kinaik le nu ait afu Asia ma mbolnge minna.

*Efesusnge gubra sungo mayok kina*

<sup>23</sup> Ait ta mbolnge Efesusnge nane gudommba Yesus tuku mbal tuku gubra tumba pasa sungo ande mayok kina. Gubra tugunu ta tenenmba.

<sup>24</sup> Tango ande nyunu Demetrius nu silwambi agan kame wakeikanu. Tango ta nu Efesus mbal nangine pino mbara Artemis mbarinam tuku wande ta kanunu silwambi fonfonmba wakeikina

le nane ηakmba piyamba minnaig le Demetrius nuηe piro tanjo turmba ndametiη sunjo kilnaig.

<sup>25</sup> Tanjo ta maηgur pilmba nuηe piro mbal nuηe piro tuma turmba saniηgina: Mata kame, siηgine mbara tuku wai kuyar fonfon patika ndametiη sunjo kileg ta tane kila.

<sup>26</sup> Paulus ηgade tanjo ta nu tenge Asia ma ηakmba mbolηge pasa kuklimba tanjo naηgine waimbi mbara wakeikade ta mbara kuga ηga gudommba didikate le nane mbilka naηgine mbara kame kusrekade wam ta tane isig.

<sup>27</sup> Ta tuku nane ηakmba sine tuku piro talawam bafude. Ta ndo kuga. Sine tuku pino mbara Artemis mbariηam tuku wande kusrewaig le ake minamηgat. Tanawaig ta siηgine mbara sunjo kile Asia kilke tugu ηakmba nyu te-duηga minig ta nane nu ηgumnewaig le nu nyu kugatok minamηgat ηgina.

<sup>28</sup> Nane pasa ta ismba gubra kagli firka wika-raumba ηgumbeyumba sakinaig: Artemis nu sine Efesus mbal tuku gabat sunjo ηginaig.

<sup>29</sup> Nane wikaraumba minnaig le Efesus mbal zigna ta ismba ηakmba pinder-pindermba Masedonia tanjo armba Paulus ndoη likinaik tuku Gaius le Aristarkus bige tidinga kilmba didika maηgur ma sunjo mbol pronaig.

<sup>30</sup> Paulus mata tanjo maηgur sunjo ta tugum kambim bafuna ta Yesus dubinaig mbal nu ηgailkinaig.

<sup>31</sup> Asia gabat sugo afu nane Paulus ndoη gulabnaig ta nane mata Paulus maηgur ma mbol nda kuwa ηga afu kukulniηginaig le pro Paulus peunaig.



<sup>32</sup> Manjurkinaig mbal nginnganka sine pro ndanam manjurkigig nga saka fare fare pasa gabat yimyam saka ngumbeyumba minnaig le

<sup>33</sup> Zu mbal nane nangine tango ande nyunu Aleksander nu pasa te-tiwa nga mbiti-mbitinaig le kile nane afu nu pasa tuwa nga sanaig. Nu pasa te-tiwam idusmba nane maninkuwaig nga waimbi peuniŋmba saniŋgam bafuna ta

<sup>34</sup> nane nu Zu tango ta kila pilmba nane ngumbeyumba pasa ndui ta sakinaig: Artemis nu sine Efesus mbal tuku gabat sungo nga saka minnaig le ka ki kanum armba kina.

<sup>35</sup> Tanamba ngumbeyumba minnaig le Efesus tuku wane kuyar pirokate tango pro wai te-dunga maninkuwaig nga saka minna le ma ma nane minin-maninnaig. Tananaig le nu nane saniŋgina: Efesus mbal, tane isap. Sine Artemis mbariŋam tuku wande nu tuku ndame kanu samba mbolŋge ndekina ta turmba kulat mageweg ta kilke mbol mbal ŋakmba nane kila.

<sup>36</sup> Ande nu pasa ta pitaiwam kumuŋ kuga. Ta tuku tanŋine gubra te-ibenmba wam ande ŋayonu pitik kam idus ndawap.

<sup>37</sup> Tane tango armba kilmba prowaig te nale sinŋine mbariŋam tuku wandekŋge agan ande kuaryamba ko sinŋine mbara Artemis tuku ngumnem pasa sa ndakade.

<sup>38</sup> Sine pasa pilewanu wande ŋak. Pasa pilewanu tango mata minig. Demetrius nuŋe piro mbal ndon afu tuku gubra ŋak ndeta nane kilmba pasa mbolŋge patikuwaig.

<sup>39</sup> Tane pasa gabat afu minig ndeta ta mata

manjurkam ait mbolnge kile-tidingap.

<sup>40</sup> Kile sine pasa zigna sungo mayok kinit te gabat sugo ismba kusnasinguwaig ta ame pasa alonu saningamngig. Manjur sungo te pasa alo kugatok ngina.

<sup>41</sup> Tanjaka pitaika kapeningina le nane sili-silinaig.

## 20

*Paulus nu Masedonia le Grik ma tugu mbol kina*

<sup>1</sup> Nane gubra ngumbeyu ta maninka sili-silinaig le Paulus nu Yesus dubinaig mbal kile-manjurka pasa afumbi sangri pileningina sulumba nane kusreka Masedonia ma tugu mbol kina.

<sup>2</sup> Nu ma ta mbol lika kumba Yesus dubinaig mbal sangri pilenimba ka ka Grik kilke mbol pronu.

<sup>3</sup> Pro tanje nu tambun kenmba minna. Tambun kenmba kuganaig le nu wan ponga man luka Siria ma mbol kambim sakina ta Zu mbal afu nu balewam saka ndin tukulnaig le nu wamdus mbilmba Masedonia kumam kambim sakina.

<sup>4</sup> Tanjo afu nu ndon kinaig ta nyu nangine tejenmba. Bereanu tanjo ande Pirus tuku kinu nuje Sopater. Tesalonikanu tanjo armba Aristarkus le Sekundus. Derbenu tanjo ande nyunu Gaius. Ande Timoteus. Asianu tanjo armba Tikikus le Trofimus.

<sup>5</sup> Tanjo 7 ta ye Lukas sile Paulus ndon kusreka ambonga kumba ka Troasnge sine tairnga minnaig.

<sup>6</sup> Sile Filipinge bret yis kugatok nyam tuku kusem kugana le sile wan ponga kumba ka mara

5 kuganaig le Troas progen. Pro tanje nane ambonjinaig mbal ta kile-siglika kusem ndindo tanje mingen.

*Paulus nu Yutikus te-tina le abonjina*

<sup>7</sup> Tanje mingen sulumba kusem mbolnje\* sine pasa nyam tuku mangurkigen le Paulus nu ye indole kanjit nga pasa kuenmba kuklimba minna le furir ngamuna.

<sup>8</sup> Sine mangurkigen wande ta mbain kenmba jak. Mbain inum o mbolnje bulu gudomma taikanu minnaig le sine ta mbolnje mingen.

<sup>9</sup> Tango mo ande nyunu Yutikus nu bubre malanga mbolnje minyok minna. Paulus nu pasa didika kuenmba minna le Yutikus nu kinye gilainga mbol tanje kakloska ndek kilke mbol ndekina. Ndekina le afu iben ka nu te-dunjinaig ta nu kumna le kangernaig.

<sup>10</sup> Tanjanaig le Paulus nu iben ka nu mbolnje baufka bagailmba sakina: Tane wamdus fulil ndakap. Nu abo jak minit ngina.

<sup>11</sup> Tanjaka Paulus nu manj mbain mbol ambe kina ka nane ndonj pasa nyumba nu nane ndonj pasata minna le ka mafena. Mafena le nu nane kusreka kina.

<sup>12</sup> Nu kina le nane mata sili-silimba tanjo mo abonjina ta ndonj kumba wamdus bulok kinaig.

*Paulus nu Efesus gabat tanjo kame wam paguninjina*

---

\* **20:7:** Kristen tanjo pino nane Yesus tingina ait ta nangine kusem ngade. Zu mbal nane Sarare ta nangine kusem ngade

13 Paulus nu ndinmba ka Asusnge wan pongam sasingina le sinenj ndo wan ponga Asus kagenj.

14 Nu pro Asusnge wan pongina le sine kagenj ka Mitilenenge ibenj kagenj.

15 Manj tinga ka mafena le sine Kios limba ka manj mafena le Samos progenj. Tange tinga kumba ka Efesus limba mafena le Miletusnge ibenj kagenj.

16 Paulus nu tenjenmba idusna. Ye Asia ma mbol nda ka sulumba pitik ndo Yerusalem kumba pagumba nye sunjo Pentikos kanjeramngit nga idusmba nu Efesusnge ibenj ndakina.

17 Miletusnge ibenj ka Paulus nu nane afu kukulningina le nane Yesus tuku kuasmbi tuku gabat tango afu kilam Efesus kinaig ka

18 nane kilmba pronaig le nu ndek Efesus gabat tango kame ta saningina: Ye abo abo Asia ma mbol prowen sulumba ye tane ndonj mine sungowen le tane ye tuku mine manjau kila pilnaig.

19 Ye nyu kugatok tanañ Kuate tuku piro biyen. Ye mara afu piro tuku piti kamusmba malmbiken. Zu mbal ye baleyam sakinaig ta ye piti ta mata kuramba piro kusre ndawen.

20 Ye manjur mbolnge tango tuku wande mbolnge lika pasa satinge liken. Pasa afu tane wamduş sanjri piletingam tuku ye ande kusre ndawen.

21 Zu mbal Grik mbal turmba ngamunjal biye mbilmba nanjine manjau najgonu kusreka sinjine Sunjo Yesus Kristus tuku kume tuku sanjri tomba tinguwaiğ nga ye rironj pasa saningjen.

22 Kile ye Yerusalem kambim tuku Tukul Guwanje sanjri tinga ye sayumba minit.

Ka Yerusalemnge ame manau ye mbolnge prowamngat ta ye gilai.

<sup>23</sup> Nane ye ndalekuwaig sulumba rar sungo tam tuku ma njakmba mbolnge Tukul Guwanje sayate ta ndo ye kila.

<sup>24</sup> Yiye mine mayewam tuku ye idus ndawet. Sungo Yesus nu piro sina te ke suluwam tuku ndo iduset. Kuate nu tango ake sinan make patika muskil kile-tidingate pasa mayenu ta kukliwam tuku ye piroket.

<sup>25</sup> Ye tane ngamuknge liken sulumba Kuate nuje gageu kulatkate wam tumtingen ta tane ye man kangerye nda ta ye kila.

<sup>26</sup> Ta tuku ye tane satinjet. Tane afu ngisikumba ndeta ye tuku mbar kuga. Tangine mbar.

<sup>27</sup> Kuate tuku nzali tango dubikam tuku ta njakmba satingen. Ye inum kusre ndawen.

<sup>28</sup> Tangine manau kurauka Kuate dubi mayewap. Tane Sungo Yesus tuku mbal kulatkam tuku Tukul Guwanje tane patikina. Ta tuku tane nuje sip-sip kame nyamagan magenu ningap le nyuwaig. Nane nuje mbal mayok kambim tuku Sungo Yesus nu kumna.

<sup>29</sup> Ye tane kusreki le age nguikok afu tane ngamuknge promba Sungo Yesus tuku sipsip mape ndaka njaigo siglikamngaig ta ye kila.

<sup>30</sup> Tane ngamuknge mbal afu mata tinga Sungo Yesus tuku mbal nane dubikuwaig nga Kuate tuku pasa tumba biye mbilmba satinngamngaig.

<sup>31</sup> Ta tuku tane kuraukap. Yar kenmba ye tane ndon minmba furir ki mindek riron pasa tinmba tane tuku malmbi njakmba minen. Ye tuku manau ta gilai ndangap.

<sup>32</sup> Ye tane Kuate tuku wai mbolnge patiket. Nunge tane make patika muskil kile-tidinge tingina wam ta biye mayewap ta tangine wam dus sangri tinguwa le ngumneŋga Kuate tuku mbal ŋakmba ndoŋ tane mage minmba minamŋgaig.

<sup>33</sup> Ye tane ndoŋ minmba tane tuku agaŋ ndende ko ndametiŋ kilam idus ndawen.

<sup>34</sup> Ye yiŋe waimbi piroka ndametiŋ kilmba ye ndoŋ minnaig mbal turmba agaŋ ndende kumumbi piyaningŋen ta tane kila.

<sup>35</sup> Ye Yesus tuku pasa ande idusmba yiŋe piro karenmbi mbal afu sangri kugatok turkam tuku maŋau ta tumtingen. Nu teŋenmba sakina. Ande nu agaŋ ande tinit ta ne sunŋomba gare ndanate. Ne agaŋ ande tumba ande ake tuwit ta nyaro ta luka naŋe mbol kuwa le ne gare sunŋonamŋgat ŋga saningina.

<sup>36</sup> Paulus nu sake denpurmba nu dagol tidronŋa nane ndoŋ Kuate yabaŋna.

<sup>37</sup> Yabaŋ suluna le nane ŋakmba nu bagailmba malmbinaig.

<sup>38</sup> Paulus nu tane maŋ ye kaŋgerye nda ŋgina tukunu nane nu tuku ninan sunŋonaig. Taŋamba nane numindemba tumba waŋ tugum pronaig.

## 21

### *Paulus Yerusalem kambim tuku waŋ poŋgina*

<sup>1</sup> Sine nane kusreka waŋ poŋga pakarka kumba Kos nuy progeŋ. Tanŋe tinga kumba ka mafena le Pos nuyŋge ibeŋ kageŋ. Tanŋe maŋ tinga kumba ka Patara progeŋ.

<sup>2</sup> Pro tanje waŋ ande Finisia kambim bafuna le ta poŋga kageŋ.

<sup>3</sup> Sine kumba ka Siprus nuy kaŋgermba wai ŋaiŋam kumam limba ka Siria ma mbol kumba ka Tirusŋge ibeŋ kageŋ. Waŋ ta Tirus tuku agan ndende kilna tuku.

<sup>4</sup> Ka tanje ibeŋ ka Yesus dubinaig mbal kile-siglika nane ndoŋ kusem ndindo mingeŋ. Nane Tukul Guwaŋge wamduŋ ŋiŋgina le Paulus Yerusalem nda kuwa ŋga peumba ŋgailkainaig ta

<sup>5</sup> ait kumuŋgina le sine Yerusalem kambim saka tiŋgigeŋ le Yesus dubinaig mbal naŋgine pino kiŋo turmba sine mindeka tumbraŋ suŋgo kusremba kilim ka piyal progeŋ. Pro tanje sine ŋakmba dagol tidroŋga Kuate yabaŋmba sine nane kapeneŋgigeŋ sulumba

<sup>6</sup> sine waŋ poŋgigeŋ le nane luka tumbraŋ ki-naig.

*Agabus dir pasa ande Paulus tuku sakina*

<sup>7</sup> Sine Tirus kusremba ka Tolemesŋge ibeŋ kageŋ sulumba Yesus dubinaig mbal kaiyeŋiŋmba nane ndoŋ mara ndindo mingeŋ.

<sup>8</sup> Mafena le sine maŋ kumba ka Sesareanŋge ibeŋ kageŋ. Sesareanŋge Yesus tuku pasa kuk-liwanu taŋgo Filipus te-silika nu ndoŋ mingeŋ. Nane buk aposel kame turniŋgam tuku taŋgo 7 madiniŋginaig ta nu nane tuku ande.

<sup>9</sup> Filipus nu kulim kame bailkamba taŋgo kugatok. Nane Tukul Guwaŋge pasa saniŋganu le ismba kile-mayokka minanu.

<sup>10</sup> Sine Filipus ndoŋ mara afu mingeŋ le tuan taŋgo ande nyunu Agabus Yudeanŋge prona.

11 Promba Paulus tuku let tumba nuŋe wai kupe ndaleka sakina: Tukul Guwa nu teŋenmba sakate. Let te tuku miro tanjo Yerusalemŋe Zu mbal afu nu teŋenmba ndaleka kasomok mbal tuku wai mbolŋge palmbimŋgaig ŋgina.

12 Tanjakina le sine nane ŋak mingen ta pasa ta ismba Paulus nu Yerusalem nda kuwa ŋga sarsarmba peugen kande

13 nu ndek sasiŋgina: Tane ndaŋam saka ye tuku malmbika wamdus piti seryade. Ye Yerusalem ka le nane afu ye muliŋtumba wandekŋge pilwaig ndeta maye. Yesus tuku ŋga ye baleyuwaig le kumam tuku ye kuru kuru ndaket ŋgina.

14 Tanjakina le sine Paulus tuku wamdus te-ibene fugumba sakigen: Kuate tuku nzali mayok kuwa ŋgigen.

### *Paulus nu Yerusalem prona*

15 Mara afu kuganaig le sine Yerusalem kambim tuku kuaneka tinja kagen.

16 Sesareanu tira kame afu sine mindeka kumba ka Nason tuku wande mbolŋge minam tuku progen. Tanjo ta nu Siprusnu. Nane abo abo pasa mayenu kuklinaig le nu mbilka Yesus tina.

17 Sine Yerusalem progen le Yesus tuku mbal nane gare-gareka sine kaiyesiŋginaig.

18 Mafena le sine Paulus ndon Jakobus sota kagen. Nu tugum promba gabat kame ŋakmba Jakobus ndon minnaig le kaŋgerkigen.

19 Paulus nu nane kaiyeniŋgina sulumba nuŋe piro mbolŋge Kuate nu kasomok mbal ŋgamukŋge wam ke likina ta kumumba kubeu niŋgina le



<sup>20</sup> nane nu tuku pasa ismba Kuate tuku nyu te-dunġinaig sulumba sanaig: Tira, Zu mbal gu-dommba nane Yesus tuku pasa mayenu ismba son ngade. Nane Moses tuku tukul mata kulat mayede.

<sup>21</sup> Nenge pasa ande saninġanu nġa afu sakade le iseg. Zu tanġo kasomok mbal nġamuknġe mine likade ta nane Moses tuku tukul pasa kusreka nanġine kinjo kame tuku nġaro pike ndaka sinġine mbunġ kame tuku maġau dubi ndakap nġa ne saninġanu nġade le iseg.

<sup>22</sup> Ne tumbranġ sunġo mbol prowat te nane nġakmba pasa isamnġaig.

<sup>23</sup> Ta tuku sine wam ande sakube le ne kumuwa. Sinġine tanġo bailkamba nane piro ande kam tuku Kuate pasa sanġrinu tunaig.

<sup>24</sup> Ne tanġo bailkamba ta ndonġ ulendika atrau aganġ kilam tuku ndametinġ ninġa. Ninġa sulumba Moses tuku tukul ta dubimba kule pismba nġaro minyanġa tane atraukap. Tanġawap sulumba nane gabat kugerkuwaig. Ne Moses tuku maġau tanġamba ka le nane kanġermba sanunġaig: Sinġka nu Moses tuku maġau dubimba kate. Sine pasa isgenġ ta yabri pasa nġamnġaig.

<sup>25</sup> Kasomok mbal Yesus tuku son nġade ta nane tukul afu dubikam tuku sine waġe ande buk kuyarġenġ. Nane afu nanġine mbara kanunu atraukade ndem ta nda nyap. Ndarenu nye ndakap. Aganġmor nġinfok pipkade le ndare nda prote ta nda nyap. Tane tanġo pino ndonġ fare fare une ndakap. Sine tanġamba pasa kuyarmba ninġigenġ nġa Paulus sanaig.

<sup>26</sup> Gabat mbal tanġamba Paulus wam pagunaig le nu kumba tanġo bailka ta ndonġ ulendikina.

Mafena le nu nane ndon Moses tuku pasa dubimba kule pismba ngaro minyanɔginaig. Minyanɔginaig sulumba kusem wande mbol kumba nane pris sanaig: Sine kule pismba minmba ka mara 7 mbolɔge sine agaɔ kilmba probe le sine ɔakmba tuku Kuate atrauka ɔginaig.

<sup>27</sup> Nane taɔamba ka ait 7 patukina le Asia kilke mbolok Zu afu Paulus nu Zu mbal tuku kusem wande sinamɔge minna le kaɔgernaig. Nane Paulus kaɔgermba biye timba taɔgo pino Paulus tuku gubra tuwaig ɔga wika sanɔginaig:

<sup>28</sup> Zu mbal, sine tursiɔgap o. Taɔgo te ma ɔakmba mbolɔge nu sine Israel mbal siɔgine kusem wande te siɔgine tukul pasa ta ɔakmba nu nuɔge pasambi ɔaigo siglikate. Kile nu Grik afu kilmba sinam te kumba wande kutur mbilmbilde ɔginaig.

<sup>29</sup> Pasa sakinaig ta tugunu teɔenmba. Nane buk Paulus Efesus taɔgo ande nyunu Trofimus ndon Yerusalemɔge kaɔgerkinaig. Kaɔgerka Paulus nu Trofimus tumba kusem wande sinam kambinu ɔga idusmba minnaig.

<sup>30</sup> Kile Yerusalem ɔakmba pinder-pindermba Paulus biye timba didika te-kilimnaig le nane afu kusem wande malaɔga sunaig.

<sup>31</sup> Nane Paulus balewam saka minnaig le Rom kame mbal tuku gabat ɔɔgo Yerusalem mbal ɔakmba kame bunaig ta ismba

<sup>32</sup> nu pitik ndo kame gabat afu kame mbal ndon kilmba pinderka nane tugum pronaig. Pronaig le nane Paulus panɔta minmba kame gabat ɔɔgo nuɔge kame mbal ndon kaɔgerka nane Paulus kus-renaig.

<sup>33</sup> Tanjanaig le kame gabat nu Paulus muli arm-bambi ndalekuwaig nga afu saniŋgina sulumba nu maŋgurkinaig mbal ta kusnaniŋgina: Tanŋo te ima. Nu ame wam mbarna nga kusnaniŋgina le

<sup>34</sup> nane ŋgumbeyumba pasa gabat yimyam kilemayokkinaig.

Kame gabat nu pasa gabat ise tidingam kumuŋ kuga tukunu kame mbal nane Paulus tumba naŋgine wande sunŋo mbol kuwaig nga saniŋgina le

<sup>35</sup> nane ndek nu tumba ka naŋgine wande mbol kambim tuku mbili poŋgam bafunaig le nane gudommba pro nu balewam sakinaig tukunu kame mbal Paulus waimbi tumba te-dunŋa tumba wande poŋginaig.

<sup>36</sup> Tanjanaig le nane gudommba kame mbal dubika Paulus balewap nga wikaraumba saka minnaig.

### *Paulus nu Zu mbal tugumŋge pasa kuklina*

<sup>37</sup> Nane mbili poŋga wande sinam kambim bafunaig le Paulus nu Grik pasambi kame gabat kusnana: Ye pasa ande ne sanam kumuŋ e ŋgina. Tanakina le nu lafumba sana: i ... Ne Grik pasa kila?

<sup>38</sup> Ailfu Isipnu tanŋo ande gabat sugo kileibenkam tuku tanŋo ŋaigonu kuasmbi 4,000 kame bagi ŋak ma baknu mbol kina ta ye ne tanŋo ta nga idusit ta kuga ŋgina le

<sup>39</sup> nu lafumba sana: Ta yeŋge kuga. Ye Zunu. Yiŋe ma tugu Silisia. Yiŋe tumbranŋ sunŋo Tarsus. Ye tanŋo pino maŋgurkaig si pasa afu saniŋgam kumuŋ e ŋgina le

<sup>40</sup> nu wokina le Paulus nu wande ta tuku mbili mbolŋge tiŋgina sulumba nu wai te-dunġa nane peuniŋmba minna le minin-maninnaig le nu ndek Hibru pasambi nane saniŋgina:

## 22

<sup>1</sup> Ye tuku mam kame yiŋe tira kame tane ye tuku pasa isap. Ye wam ande mbar ndawen ŋgina.

<sup>2</sup> Paulus nu Hibru pasambi saniŋgina le nane ismba ŋakmba miŋge tukulmba amtiŋga minnaig.

<sup>3</sup> Kile nu maŋ sakina: Ye Zu taŋgo. Yiŋe ma tugu Silisia. Yiŋe tumbraŋ Tarsus. Ye kiŋo fudiŋndo Tarsus kusremba Yerusalemŋge minen. Minmba ka sunġoka Gamaliel tugum prowen le nunġe siŋgine mbuŋ kame tuku tukul ŋakmba ye tummyina le kila pile mayewen. Tane tukul dubika wamodus sanġrinu Kuate tuwig taŋamba ye mata taŋawen.

<sup>4</sup> Ye Yesus dubinaig mbal kilmba bale farmba taŋgo pino bige tidiŋga kilmba ndaleka muli wandekŋge patike liken.

<sup>5</sup> Pris mbal tuku gabat kame Israel pasa pilewanu sugo ŋakmba ye maŋau ken ta nane kila. Nane ye piro ta kam tuku Damaskusŋge tira kame kilam tuku waŋe kuyarmba sinaig. Sinaig le Yesus dubinaig mbal bige tidiŋga ndaleka kilmba pro tenġe piti niŋgam tuku ye Damaskus kambim saka ndek kan.

<sup>6</sup> Ye ka Damaskus patuwen le ki mbilam bafuna le samba mbolŋge bulu sunġo ande mayok ka ye kilŋayina le

<sup>7</sup> ye kuru-kuruka kilke mbolŋge ndeken. Taŋawen le miŋge pasa ande ye sayina: Saulus,

Saulus, ndañam tuku ne ye tumba ñayo siliyate ñgina le

<sup>8</sup> ye pasa ta ismba kusnawen: Sungo, ne imañge ñgen le nu mañ ye sayina: Ye Nasaretnu taño Yesus ne ye ñayo siliyate ta ñgina.

<sup>9</sup> Taño kame ye ndoñ minnaig ta nane bulu ndo kañgernaig. Pasa Yesus ye sayina ta nane ise ndakinaig.

<sup>10</sup> Kile ye nu sawen: Sungo, ye ndañi ñgen le nu lafumba sayina: Ne tiña Damaskus tumbran sungo mbol si kumba siñge mina le taño ande ne tugum promba ne pirokam tuku Kuate buk ne pilna ta sanamngat ñgina.

<sup>11</sup> Bulu sungo ta ye tuku am tina tukunu mambil fuguwen le taño ye ndoñ kageñ ta ye waiwaiyumba ka Damaskus tumbran sungo mbol promba tañge minen.

<sup>12</sup> Taño ande nyunu Ananias nu tañge minna. Nu Kuate kumnemñge minmba tukul ñakmba dubikina. Zu mbal Damaskusñge ñakmba nu tuku saka minnaig.

<sup>13</sup> Nu ye tugum promba sayina: Tira, ne mañ am purfewa ñgina kande am purfena le mambilmba nu kañgeren.

<sup>14</sup> Kile nu ye sayina: Singine mbuñ kame tuku Mbarange ne nu tuku wamdus kila palmbim tuku nu tuku piro taño purfeñnu kañgermba nu tuku miñge isam tuku nu ne madinina.

<sup>15</sup> Ne wam kañgerka pasa isna ta ne ma ñakmba mbolñge lika saka le nane iswaig.

<sup>16</sup> Ne dal ndaka Yesus tuku piro tuku sañgri tomba tiña kule pisne ta le Kuate nu ne tuku une

saukamngat nga sayina.

<sup>17</sup> Ngumnennga ye luka Yerusalem prowen sulumba ye kusem wande sunngo mbolnge yabanmba kinatanu sukmba

<sup>18</sup> Sunngo Yesus kangeren le nu ye sayina: Ne pitik tinga Yerusalem kusremba kua kaye. Ne tenge ye tuku pasa kukliwa ta nane ise nda ngina le

<sup>19</sup> ye ndek nu sawen: Sunngo ye mbulit. Ye buk kusem wande nakmba mbolnge ne son nginaig mbal kilmba ngusniymba mulinj kilmba wandeknge patike liken wam ta Yerusalem mbal nakmba kila.

<sup>20</sup> Ne tuku pasa kukliwanu tango Stefanus nane nu balemba ndare kutuwe tunaig le ye nane tuku tawi kulatka nane kangerka wam ta mayede ngen wam ta mata nane kila ngen kande

<sup>21</sup> nu ye sayina: Kuga. Ne tinga le kukulni le ma masken kasomok mbal tugum kangat nga sayina ngina.

<sup>22</sup> Nane Paulus tuku pasa ismba maninkinaig ma ma kasomok mbal tugum kambim tuku ngina le nane wikaraumba sakinaig: Tango te nyanu. Balewap le kumwa nga wikaraumba sakinaig.

<sup>23</sup> Nane wikaraumba nangine tawi kilmba kuilkuilnga tuptup roka bareymba minnaig le kame gabat sunngo nu ndek kame mbal afu saningina:

<sup>24</sup> Nane ndanam tango te tuku gubra sunngo tade. Nu tumba singine wande sunngo te sinamnge mulimbi ngusap le nu pasa tugu nakmba sakuwa le isbe ngina.

<sup>25</sup> Nane ndek nu tumba ngusam tuku kupe wai didike likinaig le Paulus nu kame mbal tuku gabat

ande nu patukŋge tiŋ minna ta sana: Ye Rom taŋgo. Tane ye tuku pasa te-ti ndamba ŋgusyam kumuŋ kuga ŋgina le

<sup>26</sup> kame mbal tuku gabat nu pasa ta ismba nu kame gabat sunŋo tugum kumba sana: i ... Ne taŋgo si nane ndaŋwaig ŋga saniŋgat. Nu Romnu ŋgina le

<sup>27</sup> kame gabat sunŋo pro Paulus kusnana: Ne Rom taŋgo e ŋgina le nu au ŋgina.

<sup>28</sup> Taŋakina le gabat sunŋo nu Paulus sana: Nane ye Romnu taŋgo ŋguwaig ŋga ndametiŋ sunŋomba Rom mbal niŋgen ŋgina le nu sana: Yiŋe piro tambi Rom nyu te ndaken. Ye ina sinam mayok kan ta ye Romnu ŋgina.

<sup>29</sup> Nane Paulus ŋgusam bafunaig mbal pasa ta ismba ŋakmba paŋtiŋga nu kusrenaig. Kame gabat sunŋo Paulus tuku tugu ise timba ye nu ŋgusam tuku ndalekit ŋga nu mata wamduŋ fulilkina.

### *Paulus nu gabat sugo tugumŋge pasa kuklina*

<sup>30</sup> Mafena le kame gabat sunŋo ndaŋam Zu mbal Paulus tumba pasa mbolŋge te-tinaig ŋga nu tugu nu isam tuku idusna. Taŋamba nu kame mbal afu Paulus ndalekinaig tuku muli kukliwaig ŋga saniŋmba nu pris gabat mbal Zu mbal pasa pilewanu sugo ŋakmba kile-maŋgurka Paulus tumba nane ŋgamukŋge te-tina le

## 23

<sup>1</sup> nu Zu mbal tuku gabat sugo fumble tidiŋga ndek saniŋgina: Tira kame, ye kiŋo fudiŋndo minmba Kuatē am mbolŋge mbar ande ke ndaken kile minet ŋgina.

<sup>2</sup> Nu tanjamba sakina le pris gabat sunjo Ananias nane afu Paulus tugumnje tin minnaig ta nu tuku minje katwaig nga saningina.

<sup>3</sup> Tanjakina le Paulus ndek nu sana: Ne yabri tanjo. Ne sinjine tukul dubimba ye pileyam iduste ta ndanam ne tukul lukamba ye katyam tuku sakate. Kuate ne mata katnamngat ngina.

<sup>4</sup> Tanjaka sana le nane afu Paulus tugumnje tin minnaig ta nu sanaig: Ne Kuate tuku pris sunjo tumail pante nginaig le

<sup>5</sup> nu sakina: Tira kame, tanjo te nu pris sunjo ta ye gilai tukunu tanjamba sawit. Kuyar pasa tejenmba sakate. Tanjine gabat sunjo ande pasa njayonu sa ndawap ngate nga saningina.

<sup>6</sup> Gabat sugo sugo minnaig ta nane afu Farisi afu Sadusi ta Paulus nu idusna sulumba nu wika sakina: Tira kame, ye Farisi tanjo. Ye Farisi mbal tuku fat. Kumanu mbal manj tingam tuku ye iduset. Ta tuku tane ye tumba pasa mbolnje palgig ngina.

<sup>7</sup> Nu tanjamba sakina le kile Farisi mbal Sadusi mbal ndonj munju tulinjinaig le manjurkinaig mbal nane pur arnaik.

<sup>8</sup> Ta ndanam? Sadusi mbal nane tejenmba idusde. Tanjo kummba manj abonje nda. Enjel kame guwa mata nda minig nga idusde. Farisi mbal nane aganj kame ta njakmba son ngade. Ta tuku nane munju purkinaig.

<sup>9</sup> Tanjamba nane sunjomba wikaraumba munju tulinja Farisi mbal afu nane Kuate tuku pasa biteknganu nane tinja sakinaig: Tanjo te sine nu mbolnje mbar ande nda kanjereg. Guwa andenje ko enjel andenje nu pasa tuna inde nginaig.



10 Nane munḡu tulinḡa minnaig ma ma gubra suk suk nda ninḡina le kame gabat sunḡo nu kuru-kuruka nane Paulus piraibka balebekaig nḡa kame mbal saninḡina le nane nu didika tumba nanḡine wande sunḡo mbol kinaig.

11 Ait ta furir Sunḡo nu Paulus tugum promba sana: Ne kuru kuru ndaka sanḡri tinḡa. Ne Yerusalem tumbran sunḡo te mbolnḡe ye tuku nyu te-mayokmba saninḡat tanḡamba ndo ne Romnḡe mata ye tuku nyu te-mayokamḡat nḡina.

### *Zu afu Paulus balewam tuku pasa katnaig*

12-13 Mafena le Zu tanḡo kuasmbi 40 limba manḡurka Paulus balewam tuku wamduḡ sunḡo pilnaig sulumba nane Kuate am mbolnḡe pasa sanḡrinu sakinaig: Sine Paulus balemba ndo man nyamagan kule nyamḡig nḡinaig.

14 Tanḡamba nane pris gabat mbal Zu mage mage tugum kumba saninḡinaig: Sine pasa sanḡrinu Kuate am mbolnḡe sakigig. Sine Paulus balemba ndo man nyamagan tumba nyamḡig nḡigig.

15 Ta tuku tane pris mbal Israel pasa pilewanu sugo ndon kame gabat tuku pasa palpe. Paulus nu te promba pasa afu tane ndon man kile-tidinḡam tuku nu sawap. Nane afu nu mindemba ilwaig le ndinḡe nu balewamḡig nḡinaig.

16 Paulus kulim nunḡe tuku kinḡo nu nḡa nunḡe balewam sakinaig ta isna sulumba nu kame mbal tuku wande sunḡo sinam kumba nḡa nunḡe kila sana le

17 nu ndek kame gabat ande wika sana: Tanḡo mo te tumba tanḡine gabat sunḡo tugum kaye. Nu pasa ande nḡak nḡina.

<sup>18</sup> Nu tanjo mo ta tumba gabat tugum kumba sana: Mulin tanu tanjo Paulusnge tanjo mo te ne ndonj pasa ande sakam tuku sayat le tumba ne tugum prowet ngina le

<sup>19</sup> kame gabat nu waimbi biyamba te-yamokmba kile saya le isi ngina.

<sup>20</sup> Tanakina le nu ndek kame gabat sunjo sana: Nane Zu mbal manjurka pasa ndindo katmba sakaig le isit. Indole ne Paulus kukula le pasa pilewanu mbal tugum kumba pasa afu manj kile-tidingam tuku ne yabrinamngaig.

<sup>21</sup> Ne nane tuku pasa ismba kumu ndawa. Nanjine tanjo 40 limba nane ndinnge kuirka Paulus balewam tuku tair minamngaig. Nane Kuate am mbolnge pasa sanjrinu sakinaig: Sine Paulus balemba ndo manj nyamaganj kule nyamngig nginaig. Kile nane kuaneka Paulus balewam saka ne tuku pasa ndo tairnga minig ngina.

<sup>22</sup> Tanjaka sana le kame gabat sunjo ndek nu sana: Pasa sayate te ye nu sawit nga ande sa ndawa ngina. Tanjamba wam pagumba kaye ngina le nu kina.

<sup>23</sup> Kile kame gabat sunjo nu kame gabat armba wika sanikina: Tale kame mbal 200 hos ponu tuku 70 turmba kilmba Sesarea kambim tuku kuanekap. Tanjo 200 tui njak mata tane min-deka kambim tuku sanjngap. Tanjamba furir ait 9 mbolnge njakmba kile-manjurkap sulumba

<sup>24</sup> Paulus tumba hos mbolnge pilmba nu te-ngamumba kulat mayemba gabat sunjo Feliks tugum kape ngina.

<sup>25</sup> Kame gabat sunjo nu tanjamba nale wam

paguka waŋe ande Feliks tambim tuku tenjenmba kuyarna.

<sup>26</sup> Gabat sunŋo Feliks kaiye.

<sup>27</sup> Zu mbal nane taŋgo te biye timba balewam bafunaig le nu Romnu taŋgo ŋginaig le ye pasa ta isen sulumba kame mbal afu kilmba kumba ka Zu mbal ŋgamukŋge te-luka ten.

<sup>28</sup> Nane ame wam tuku taŋgo te tumba pasa mbolŋge palmbim bafunaig le ye tugunu isam tuku nu tumba ka naŋgine pilewanu mbal tugumŋge te-tiwen.

<sup>29</sup> Ye nane tuku pasa gabat isen ta nu balewam tuku ko muliŋtam tuku kaŋger ndawen. Nu Zu mbal tuku tukul afu lukaŋina ta tuku ndo nu tumba pasa mbolŋge pilnaig.

<sup>30</sup> Ailfu Zu mbal nu balewam tuku pasa kat-naig ta andeŋge kite ye sayat le ye pitik ndo kame mbal kukulniŋget le nu tumba ne tugum prode. Zu mbal afu Paulus tuku gubra ŋak ta nane ndek kumba ne ndoŋ te-tiwam tuku saniŋgen.

Not ndo.

Ye Klaudius Lisias.

<sup>31</sup> Kame mbal nu tuku wam pagu pasa kumumba furir Paulus tumba kumba ka Antipatris tumbran sunŋo mbol pronaig.

<sup>32</sup> Mafena le kame mbal luka naŋgine wande sunŋo mbol Yerusalem kinaig le hos ŋak mbal ndo Paulus mindemba tumba Sesarea kinaig.

<sup>33</sup> Kumba ka Sesarea promba Paulus tumba gabat sunŋo Feliks wai mbolŋge pilmba waŋe turmba tunaig.

<sup>34</sup> Nu waŋe ta yaika burkina sulumba nu ndek Paulus kusanana: Ne anikok ŋgina le ye Silisianu

ngina.

<sup>35</sup> Tanjakina le nu sana: Nane ne pasa mbolnge pilnaig mbal te prowaig le ye ne tuku pasa te-tiwi ngina. Tanjamba nu kame mbal saningina le Paulus tumba Herodus nu wande sungo pilna ta sinamnge pilmba kulatkinaig.

## 24

### *Paulus nu Feliks tugumnge pasa kuklina*

<sup>1</sup> Paulus nu mara 5 Sesareange minna le pris sungo Ananias Zu mbal tuku tango mage mage turmba Yerusalemnge ndek Sesarea pronaig. Tango ande pasa te-tiwam tuku kila sungo njak nyunu Tertulus nu ndonj pronaig. Pro gabat sungo tugumnge nane Paulus tumba pasa mbolnge pilnaig.

<sup>2</sup> Gabat sungo ta Paulus wikina le Tertulus nu Paulus mbarna nga tejenmba sakina: Feliks singine gabat sungo, ne kilke te kulat mayete le sine kame kugatok mineg. Ne manau najgonu afu kanjerka kile-tidinga manau kitek magenu tumsingit.

<sup>3</sup> Ta tuku sine Zu mbal ma njakmba mbolnge ne tuku sakeg.

<sup>4</sup> Ye ne tuku ait puram idus ndawet. Ye pasa fagnu ndo ne isam tuku sanamngit.

<sup>5</sup> Tango te nu maim maim tugu. Nu ma njakmba mbolnge Zu mbal tetkate le nane ngamuknge kame pulukate. Zu afu singine manau kusrekade le sine nane Nasaretnu ngeg ta nu nane tuku gabat minit.

<sup>6</sup> Ta ndo kuga. Nu sine tuku kusem wande sungo kutur pile tambim bafuna le sine nu biye tigenj. Nu

biye timba singine tukul manjau mbolŋge nu tuku pasa pilingam sakigen ta

<sup>7</sup> kame gabat Lisias nu pro nuŋe kame mbal saningina le nane sine tuku wai mbolŋge nu tumba kinaig.

<sup>8</sup> Sine nu tuku pasa ŋak mbal sine ne tugum promba pasa te-tiwam sasingina. Nuŋe mbar ŋakmba sakeg te ne nu kusnawa ta sanuwa le isamŋgat ŋga Feliks sana le

<sup>9</sup> Zu mbal afu Tertulus turmba pasa tugu ndindo Paulus tuku sakinaig.

<sup>10</sup> Tanjakinaig le gabat sungo Feliks gabatmbi saka ŋgina le Paulus ndek nu sana: Gabat sungo, ne yar gudommba sine Israel mbal tuku pasa pilingate. Ta tuku ye yiŋe pasa ne isam tuku piti kugatok sanamŋgit.

<sup>11</sup> Ye Kuate tuku nyu te-dunŋa nu mbariŋam tuku Yerusalem prowen ta mara 12 kuganaig. Ne nane afu kusnaniŋa ta pasa ndui ta isamŋgat.

<sup>12</sup> Yerusalem kusem wande sungo mbolŋge ye ande ndoŋ pasambi muŋgu tulinŋen le kanŋer ndanaig. Kusem wande fonfon ko tumbran sungo sinamŋge tanŋo pino sisenŋiŋanu wam ta mata ke ndaken.

<sup>13</sup> Ye mbaranu pasa ta nane tugunu te-mayoke fugude.

<sup>14</sup> Nane pasa ande ne sanaig ta son. Yesus tuku manjau yabrikanu ŋgade ta ye nu dubimba manjau tamba sine tuku mbuŋ kame tuku Kuate mbariŋet. Ye tukul pasa tuan tanŋo tuku kuyar turmba son ŋget.

<sup>15</sup> Zu mbal nane tanŋo magenu ŋaigonu kumwaig le Kuatenŋe kile-tidiŋamŋgat ŋga idusde ta ye

mata tanjamba iduset.

<sup>16</sup> Ta tuku ye mara mara Kuate am mbolŋge tanjo pino am mbolŋge manjau tinjeknu kam tuku ndo idusmba matuk tukulket.

<sup>17</sup> Ait kuennu ye Yerusalem kanjer ndamba ailfu ndo yiŋe mbal turkam tuku ye ndametin kilmba Kuate atraukam tuku prowen.

<sup>18</sup> Ye Kuate atraukam tuku ŋgarosu minyanga ka kusem wandekŋge minen le nane ye kanjeryinaig. Ye tanjo gudommba ndoŋ zigna minen le kanjer ndayinaig. Asianu Zu afu pro tanje ye te-silikinaig ta

<sup>19</sup> nane kile aniŋge minig? Nane ye tuku pasa ŋak ndeta pro ne tugumŋge sakuwaig.

<sup>20</sup> Ye Zu mbal tuku pasa pilewanu sugo tugumŋge pasa kukliwen ta tanjo kame tenje minig ta nane isnaig. Nane ye tuku pasa ande isnaig ndeta kile sanuwaig.

<sup>21</sup> Ait ta ye nane ŋgamukŋge wika saken: Kumanu mbal manj aboŋga tinuŋgaig ŋgen. Ta tuku nane ye pasa mbolŋge pilnaig inde ŋga Feliks sana.

<sup>22</sup> Feliks nu Yesus dubinaig mbal tuku manjau buk kila pilna tukunu nu nane tuku pasa te-ibenmba saniŋgina: Tanaig. Kame gabat sunjo Lisias te prowa le ye tane tuku pasa te-tiwamŋgit ŋgina.

<sup>23</sup> Tanakina sulumba nu kame mbal tuku gabat sana: Tane Paulus tumba kumba kulatkap. Nu sunjomba tukul ndamba nuŋe gulab afu nu turam tuku peu ndaningap ŋgina.

<sup>24</sup> Ait afu kuganaig le Feliks nu piyo nuŋe Drusila ndoŋ luka pronaik. Piyo nuŋe nu Zunu. Feliks nu Paulus wikina le nu nale tugum promba

Kristus Yesus tuku sanjri tomba tingam tuku wam sanikina.

<sup>25</sup> Manjau tinjeknu nzali njaigonu towam tuku Kuate nu sine njakmba pilesingam tuku manjau ta njakmba sakina le Feliks nu kuru-kuruka Paulus sana: Ye ait ande mayenu kangermba ndeta ne manj wikamngit. Kile ne kaye ngina.

<sup>26</sup> Feliks nu wamdus ande tina ta tenjenmba. Paulus tuku ndametinj ande ake didika tumba nu muli wandeknge paskam idusmba nu mara gu-dommba Paulus wika nu ndonj pasa-pasakanu.

<sup>27</sup> Yar armba kugana le Porsius Festus nu Feliks tuku ma tina. Feliks nu nuņe piro kusremba Zu mbal nu nzaliwaig nga Paulus muli wandeknge kusrena le minna.

## 25

### *Paulus nu Festus tugumņge pasa kuklina*

<sup>1</sup> Festus nu piro tugu pilna le ait kenjmba kinaig le nu Sesarea kusremba mbumba Yerusalem kina.

<sup>2</sup> Nu kumba ka Yerusalem prona le pris gabat mbal Zu tanjo nyu njak nane pro Paulus nu mbarna nga Festus sanaig.

<sup>3</sup> Paulus nu pro Yerusalemņge pasa te-tiwa nga nane nu sarsarmba minnaig. Nane Paulus tumba kuwaig le ndinņge balewam idusmba tanjamba nu kusnamba minnaig le

<sup>4</sup> Festus nu nane saningina: Kuga. Paulus nu Sesareange muli wandekņge minit. Ait afu ku-gawaig le ye mata ndek kanjgit.

<sup>5</sup> Tane tanjine tanjo nyu njak njak ye ndonj kumba ka nziņge tane Paulus tuku pasa njak ndeta nu tumba pasa mbolņge palpe ngina.

<sup>6</sup> Festus nu Yerusalemnge mara 8 ko 10 kuganaig le manj luka Sesarea ndek kina. Zu mbal afu mata nu dubimba ndek kinaig. Mafena le Festus nu pro pilewam tuku mbili mbolnge minyoka afu saningina le Paulus tumba pronai.

<sup>7</sup> Tumba pronai le Zu mbal Yerusalemnge ndek kinaig ta nane Paulus te-ngamumba mbar manjau sugo afu kanu nga sakinaig ta tugu bitekngge fugunaig.

<sup>8</sup> Kile Paulus nu nane tuku pasa lafumba sakina: Ye Zu mbal tuku tukul ko kusem wande sungo ko Sesar tuku nyu mbolnge mbar ande ke ndaken ngina.

<sup>9</sup> Tanjakina le Festus nu Zu mbal nu nzaliwaig nga nu Paulus sana: Ne mbumba Yerusalem kaye le ye ka ambenge ne tuku pasa te-tiwi e nga kusnana kande

<sup>10</sup> Paulus nu sakina: Ye mbumba Yerusalem kine nda. Rom gabat sugo pasa pilewanu wande noten. Tenge ye tuku pasa te-tiwap. Ye Zu mbal tugumnge mbar ande ke ndaken ta ne mata kila.

<sup>11</sup> Ye tanjo ngayonu mbar ande kumba ta ye kumam kumuŋ. Zu mbal nane yabri pasa ndo sakade. Ande nu ye tumba nane tuku wai mbolnge palmbim kumuŋ kuga. Ye Sesar tugum kumba pasa te-tiwam tuku iduset ngina.

<sup>12</sup> Tanjakina le Festus nu ka nuŋe gabat kame ndoŋ pasata nu Sesar tugum kuwa e ko nda kuwa nga saka nane tuku wamdus ismba pro Paulus sana: Ne Sesarngge ne tuku pasa iswa nga sakat not ndo. Ye ne kukulni le Sesar tugum kanjat ngina.

*Mandor Agripa nu Festus tugum pronai*



13 Mara afu kuganaig le mandor Agripa piyo nuñe Bernise ndon gabat sungo kitek Festus kaiyewam tuku pronaik.

14 Nale nu ndon tange minnaig ma ma Festus nu Paulus tuku Agripa sana: Ailfu gabat sungo Feliks nu kambim nga tango ande muli wandeknge kusremba kina.

15 Ye mbumba Yerusalem kan le pris gabat kame Zu mage mage tango ta mbarna nga sayumba lafu nayonu tawe nginaig le

16 ye nane saniñgen: Sine Rom mbal tuku manau tango ande mbarte le ande nu pasa mbolnge pilit ta nale kumu kumu tinga pasatade. Nu tuku pasa ismba ndo lafunu tuweg ngen.

17 Nane ye ndon te pronaig ta ye dal ndaken. Mafena le ye pasa pilewam tuku mbili mbolnge minyoka saniñgen le Paulus tumba pro sine ngamuknge te-tinaig.

18 Tanjanaig le nu pasa mbolnge pilnaig mbal nane tinga Paulus nu mbar sungowanu sakinaig le mbar ande nayonu kanu nga idusen ta ye kanjer ndawen.

19 Nane Paulus ndon nangine manau tuku wamdus purkinaig. Tango ande nyunu Yesus kummba manj tinganu sakina le nane nu nda tingina nga nu tuku gubra tinaig.

20 Ye nane tuku pasa te-tiwam tuku ndin inum kanjer ndamba nu ka Yerusalemnge pasa te-tiwa nga sawen ta nu mbulna.

21 Nu muli wandeknge minmba Rom gabat Sesarngge nu tuku pasa isam tuku sakina. Ta tuku nu muli wandek sinamnge minwa le ndin ande kanjermba nu kukuli le Sesar tugum kuwa nga

minde minet nga Agripa sana.

<sup>22</sup> Kile Agripa ndek Festus sana: Ye mata tango ta tuku pasa isam nzaliyate ngina le Festus nu sakina: Ata. Indole ne isamngat ngina.

<sup>23</sup> Mafena le Agripa nale Bernise ndonj nakile tawi magenu silika mindepiye mayemba mangur ma mbol pronaik. Kame mbal tuku gabat sugo sugo Sesarea nyu nak mbal mata pronaig. Nane nakmba mangurkinaig le Festus nu afu kukulningina le Paulus tumba pronaig.

<sup>24</sup> Pronaig le Festus nu sakina: Mandor Agripa, tane nakmba tenge minig mbal tane isap. Tango te kanjerap. Zu mbal Yerusalemnge afu tenge nane nakmba mara mara minge fetka tango te njayonu balewa nga sayumba minig ta

<sup>25</sup> ye nu balewam tuku mbar ande kanjer ndawen. Nu gabat sungo Sesar tugumnge pasa tetiwam sayina tukunu ye nu kukuli le Sesar tugum kuwa nga idusmba minet ta

<sup>26</sup> ye tango te ame wam mbarna ta singine gabat sungo saki le iswa. Ta tuku mandor Agripa tane nakmba nu tuku pasa isap nga nu wikit le te prowat. Sine nakmba nu tuku pasa ismba nu ame manjau mbarna ta kila pilmba ye Sesar tuku wane ande kuyaramngit.

<sup>27</sup> Ake kukuli ta mayenu kuga. Nu mbarna ta turmba kuyaram tuku nga Agripa sana.

## 26

*Paulus nu Agripa tugumnge pasa kuklina*

<sup>1</sup> Kile Agripa nu Paulus sana: Ne nanje wam kube saka le sine isbe ngina. Tanakina le Paulus nu pasa tugu palmbim nga wai kuitka sakina:

<sup>2-3</sup> Mandor Agripa, Zu mbal tuku mine manau ta ne kila. Ta tuku Zu mbal nane ye mbaranu nga sakade ta ye ne tugumnge sakam tuku gareyate. Ye tuku pasa te mbule ndaka isa.

<sup>4</sup> Ye Yerusalemnge yije mbal ndonj kinjo ndo minmba ka sunjoken. Zu mbal njakmba ye tuku mine kila.

<sup>5</sup> Ne nane kusnaninga le ye Farisi tuku manau dubiken ta sanamngaig. O buk nane wam ta kila minnaig. Sine Farisi mbal sine Zu mbal njakmba lininjmba tukul pasa dubikam tuku matuk tukulkeg.

<sup>6</sup> Kuate nu kumanu mbal tingamngaig nga sinjine mbunj kame saninjina wam ta ye sunjomba iduset. Ta tuku ye pasa mbolnje minet.

<sup>7</sup> Sine Zu mbal tugu 12 njakmba ki furir pasa ta idusmba Kuate mbarinjmba alonu tairnga mineg. Ye alonu ta kanjeren nga saket. Ta tuku Zu mbal ye tumba pasa mbolnje pilnaig.

<sup>8</sup> Ndanjam tane Kuate nu kumanu mbal kuagnekam kumunj kuga nga idusde?

<sup>9</sup> Ye mata Nasaretnu tango Yesus tuku piro Yerusalemnge njayo silimba ye wam mayewet nga idusen.

<sup>10</sup> Pris gabat mbal nyu sinaig le ye nu tuku mbal mulinj kilmba wandeknje patiken. Afunje nane pasa mbolnje kile-tidinga baleningam sakinaig ta ye mata woken.

<sup>11</sup> Kusem wande mbolnje nane Yesus tuku nyu njayo siliwaig nga piro karenj ninjen. Nane afu

kua kinaig le ye gubra kagli firka nane dubika kasomok mbal tuku tumbraŋ sugo yimyam mbolŋge sota liken.

<sup>12</sup> Mara ande pris gabat mbal ye Yesus dubinaig mbal bige tidinŋam tuku nyu sinaig le ye Damaskus kambim tuku kan.

<sup>13</sup> Ye ndin dubimba kumba ka ki mbilam bafuna le samba mbolŋge bulu sunŋokanu ki tuku bulu limba mayok kina sulumba mbal ye ndoŋ kageŋ ta ŋakmba kilŋasingina.

<sup>14</sup> Kilŋasingina le sine kilke mbolŋge ndek tiriturugeŋ le miŋge pasa ande Hibru pasambi sayina: Saulus, Saulus, ndaŋam tuku ne ye ŋayo siliyate. Ne baflo taŋaŋ naŋe nzali dubite le naŋe kulat taŋgoŋge katnate le rar kamuste ŋgina le

<sup>15</sup> ye nu kusnawen: Sunŋo, ne imange ŋgen le nu maŋ sayina: Ye Yesus ne ŋayo siliyate ta.

<sup>16</sup> Kile ne tiŋga. Ne ye tuku piro biymba wam kaŋgerkat te afu maŋ tumni le wam ŋakmba ta nane afu saninŋam tuku ye ne tugum mayok kat.

<sup>17</sup> Ye ne kukulni le Zu mbal kasomok mbal tugum kaŋgat. Nane ne ŋayo silinam iduswaig le ye ne turni le ne ŋayo siline nda.

<sup>18</sup> Ne nane wamduŋ purfeu serninŋa le ma make tuku maŋau kusremba bulu mbolŋge prowam tuku ne kukulnet. Nane Satan tuku saŋgri ŋakmba kusreka Kuate tugum kuwaig le nu nane tuku une sauke niŋguwa le nane Kuatenŋe madininŋina mbal ndoŋ ulendikaŋgaig. Ta tuku ne kukulnet ŋga sayina.

<sup>19</sup> Mandor Agripa, ye samba mbolŋge pasa sayina ta ye dubi mayewen.

20 Ye ambonga Damaskus mbal tugumnge pasa kuklimba nane ngamungal biye mbilmba nangine manau ngaigonu kusreka Kuate dubimba manau kitek ta tuku alonu kile-mayokkuwaig ngen. Ngumnenga ye Yerusalemnge Yudea ma tugu nakmba mbolnge kasomok mbal turmba ngamuknge pasa ndui ta kuklimba saningen.

21 Wam ta tuku Zu mbal nane ye kusem wandeknge minen le ye biye tiyumba baleyam saki-naig.

22 Baleyam sakinaig ta mara mara Kuate ye turyumba ka kile turyate le tane nyu nak mbal nyu kugatok ngamuknge pasa kukliwet. Moses tuan tango nakmba wam prowam tuku buk sake likinaig ta ndo kuklimba saket. Ye pasa kise sa ndaket.

23 Pasa ta tenenmba. Kristus nu rar sungo tuwa sulumba kumanu mbal ti ndanguwaig le nu ambonga tinungat. Tanawa sulumba nu Zu mbal kasomok nakmba kilmba bulu mbolnge patikamngat nga Agripa sana.

24 Paulus nu tanamba sana le Festus nu kuenka sakina: Paulus, ne itulu nginngankate. Ne wane burka kila sungo tina tambik ne itulu nginngankam bafute ngina le

25 nu lafumba sakina: Gabat sungo Festus, ye tango itulu nginngankade tana kuga. Ye pasa purfen nu tugusek ndo saket.

26 Mandor Agripa, ye pasa saket te nakmba ne kila. Ye wam kubeu tinget te kuirka pro ndanaig. Ne o buk isna. Ta tuku minge bulokmbi ne sanet.

27 Ye ne kusnanet. Ne tuan tango kame tuku kuyar son ngate e? Ne son ngate ta ye kila ngina.

<sup>28</sup> Tanjakina le Agripa nu sana: Ne ait fagnu ndo pasa sayate ta mbolŋge ye pitik ndo Kristen mayok kinet ŋga ne iduste e ŋgina le

<sup>29</sup> Paulus nu sana: Ne tane ŋakmba tenge minig tane pitik ndo ko gitmba mbilka ye minet tenen mayok kambim tuku ye Kuate sunŋomba yabaŋet. Ye muliŋtanu minet tenenmba minap ŋga idus ndawet ŋgina.

<sup>30</sup> Tanjakina le mandor Agripa gabat sunŋo Festus piyo nuŋe Bernise nane tanŋe minnaig mbal ŋakmba tiŋginaig.

<sup>31</sup> Tinga mayok ka nanŋine nanŋine saka ismba tanŋo te kumam tuku ko muliŋtam tuku wam ande kaŋer ndagig ŋga saka kinaig.

<sup>32</sup> Kumbanŋe Agripa nu Festus sana: Tanŋo te Sesarŋge nu tuku pasa te-tiwam tuku sakina. Kuga kande kile paska pitaiwet kande ŋgina.

## 27

### *Paulus nu Rom kuwa ŋga kukulna*

<sup>1</sup> Gabat kame nane Paulus waŋ poŋga Itali kilke mbol kuwa ŋga nu muliŋ kilanu tanŋo afu ndoŋ kilmba kame gabat ande wai mbolŋge patikinaig. Kame gabat nyunu Yulius. Nane Sesar tuku kame mbal. Ye Lukas nane ndoŋ kan.

<sup>2</sup> Waŋ inum Asia ma tugu mbolŋge kundu mindek ibeŋ ka kambim bafuna le sine poŋgigenŋ. Waŋ ta Adramitium tumbranŋ sunŋo mbolŋge minna tuku. Masedonia tanŋo Aristarkus nu Tesalonikanu nu sine ndoŋ kagenŋ.

<sup>3</sup> Sine kumba mafena le Sidon tumbranŋ sunŋo mbolŋge ibeŋ kagenŋ. Tumbranŋ tanŋe Yulius nu

Paulus mbolnḡe wam mayemba nuḡe gulab kame afu sotuwa le turwaig ḡga sana le sine kageḡ.

<sup>4</sup> Luka pro waḡ poḡga kumba bubre tumail-amḡe prona le sine bubre kua ka Siprus nuy ḡaiḡam kumam limba kageḡ.

<sup>5</sup> Kumba ka Silisia le Pamfilia ma liniḡmba ka Lisia ma tugu tumbraḡ sunḡo Miranḡe ibeḡ kageḡ le

<sup>6</sup> taḡe waḡ inum Itali kilke mbol kambim ba-funa le kame gabat nu waḡ ta te-silikina le sine ḡakmba waḡ ta poḡga kageḡ. Waḡ ta Aleksandria tumbraḡ sunḡo mbolnḡe minna tuku.

<sup>7</sup> Kumba ka bubre fare fare prona le sine minde bada sunḡoka gitmba ka Nidus tumbraḡ sunḡo patugeḡ. Pakarka kambim tuku bubreḡe tukul-siḡgina le sine kumba ka Kreta nuy ndinam kumam kumba piyal make make kageḡ.

<sup>8</sup> Piyal make dubimba minde bada sunḡoka kumba ma ande nyunu Kundu Mayenu taḡe ibeḡ kageḡ. Ma ta tugumḡe tumbraḡ sunḡo ande nyunu Lasea minna.

<sup>9</sup> Zu mbal nyamagaḡ kusrekanu ait sunḡo buk kugana le sine dalka mingeḡ tukunu Paulus nu bubre sunḡo tiḡgam tuku ait prote ḡga nu ndek nane saniḡgina:

<sup>10</sup> Taḡo kame, sine waḡ poḡga maḡ kambim ba-fube ta sine piti ande te-silinuḡig. Agaḡ ndende waḡ ḡak sine taḡo turmba ḡgisinuḡig. Ye taḡamba kamusmba saket ḡgina kande

<sup>11</sup> kame gabat taḡo nu Paulus tuku pasa nda isanu sukmba waḡ kulat taḡo waḡ miro nale tuku pasa ndo ismba dubina.

12 Sine Kundu Mayenunḡe mingen ta bubre ait mbolḡe mine mayewam kumuḡ kuga tukunu nane gudomma kambim saka sine Feniks kine tumbe ḡginaig. Feniks nu nuy ta tuku kundu ande. Ma ta bubre kua ka mine mayewam kumuḡ. Nane tanḡe bubre ait kugawa ḡga tairḡga minam saki-naig.

13 Bubre taleu fudiḡmba fitna le ariya kile sine kab ḡga saka anḡa didika Kreta nuy make make kagenḡ.

14 Sine kumba dir kagenḡ le Kreta nuy kumamḡe bubre sunḡo ndekina. Bubre ta nyunu Duḡe Yawan.

15 Ndeka waḡ kaduna le sine waḡ mbilmba yalmbim fugumba tanḡaig ḡgigenḡ le bubrenḡe sine mbitisḡgina le kagenḡ.

16 Sine kumba ka ka nuy ande fudiḡndo nyunu Kauda ndinam kumam kumba make make kagenḡ ta minde bada sunḡoka diḡḡi ḡgisikikat ḡga te-mbolmba waḡ mbolḡe pilḡenḡ sulumba kagenḡ.

17 Diḡḡi te-mbolmba waḡ fetkikat ḡga nane ḡgirpenu muli karenḡnumbi kuse likinaig. Afrika ma paranu mbolḡe waḡ ndiḡkikat ḡga kuru-kuruka lai kile-ibenḡkinaig le bubrenḡe waḡ mbitina le kagenḡ.

18 Bubre yu sunḡo tiḡga sine kilmba kulisokḡga ka mafena le waḡ bulkam tuku aḡanḡ ndende afu yu pankinaig.

19 Kumba ka maḡ furirmba mafena le nanḡine waimbi waḡ tuku aḡanḡ afu pankinaig.

20 Kagenḡ ka ait afu ma dabuka pa guwa tiḡgina le sine ki mbai kanḡer ndakigenḡ. Bubre yu suk suk



nda tinga sine kilmba kublisingina le sine wamodus mayenu pro kinaig le ngisikamngig ngigen.

<sup>21</sup> Nane ait kuenu isukuse ndakinaig le Paulus nu nane ngamuknge tinga saningina: Tango kame, tane ye tuku pasa ismba Kreta nuy mbolnge mingen kande sine piti tenen te-sili ndaka wan mbolnge agan jakmba kumumbi minig kande.

<sup>22</sup> Tane wamodus fulil ndaka sangri tingap. Sine tango jakmba ngisike nda. Wan ndo ngisikamngat.

<sup>23</sup> Ye Kuate tuku tango ye nu mbarinet tuku. Furir nu enel ande kukulat le pro ye sayat:

<sup>24</sup> Paulus ne sinka gabat sungo Sesar tugum kangat. Ne kuru kuru ndaka. Kuate nu ne turnuwa le ne mbolnge nane jakmba mine mayewamngaig ngina.

<sup>25</sup> Ye Kuate tuku sangri tomba tinget. Nu pasa sayat ta kumuwanngat. Ta tuku tane wamodus fulil ndaka sangri tingap.

<sup>26</sup> Bubrenge wan mbitiwa le nuy ande mbol prowamngat ngina.

<sup>27</sup> Kussem armba kugana le furir ait ta sine Adria yu mbol fare fare pinderka kumba furir ngamu wan tuku piro mbal sine kilke ande patuweg kande nga idusmba minnaig.

<sup>28</sup> Tanamba nane ndek muli agan ande pitinu jak yu butonu katesewam tuku buknga didika burka 40 mita tana kanternaig. Man dirdirka kumba buknga didika burkinaig ta 30 mita.

<sup>29</sup> Wan tuku piro mbal mbun mbolnge wan fetkikat nga wan pine mbolnge nga bailkamba pankinaig sulumba ma purfewa nga yabanmba minnaig.

<sup>30</sup> Kile wan̄ tuku piro mbal kua kambim saka an̄ga afu wan̄ ndumor mbol pankam kin̄eg n̄ga diŋgi kuklimba yu mbol pilnaig le

<sup>31</sup> Paulus nu kan̄gerka kame mbal nan̄gine gabat turmba san̄ngina: Nane si wan̄ kusrewaig ta tane n̄gisinun̄gaig n̄gina.

<sup>32</sup> Tan̄akina le kame mbal diŋgi tuku muli pike pugurkinaig le ake faitka kina.

<sup>33</sup> Mafewam patukina le Paulus nu nane isukuswaig n̄ga sarsarn̄m̄ba san̄ngina: Tane kusem armba n̄gisinu tuku wamdus fulilka nyamagan̄ afu tugusemba nye ndakinaig.

<sup>34</sup> Tane nyamagan̄ afu kilmba nyap n̄get. Nyamagan̄ ta tan̄gine n̄garosu san̄gri pilewam tuku. Sine kume nda. N̄akmba mage minam̄ngig n̄ga san̄ngina.

<sup>35</sup> Nu pasa ta sakina sulumba nu bret afu kilmba Kuate gare pasa tuna sulumba nane n̄akmba am mboln̄ge fetfetmba nyina le

<sup>36</sup> nane wam ta kan̄germba wamdus bulkinaig le nane mata nyamagan̄ afu kilmba nyinaig.

<sup>37</sup> Sine wan̄ mboln̄ge minḡen̄ mbal ta 276.

<sup>38</sup> Nane n̄akmba isukusnaig sulumba wan̄ bulkuwa n̄ga wit n̄akmba kilmba yu pankinaig.

<sup>39</sup> Mafena le ma ande kan̄germba n̄gin̄nganka kundu ande kan̄germba sine ka sin̄ge iben̄ kambim tagobe n̄ginaig.

<sup>40</sup> Nane ndek an̄ga n̄akmba muli pike pugurka kusreka ulum muli kuklinaig sulumba kile ndumor mboln̄ge lai ta kuklimba te-dun̄ga piyal̄nge iben̄ kambim tuku kagen̄.

<sup>41</sup> Kagen̄ ka yu ton̄gel tin̄ganu ma ta mboln̄ge wan̄

ma paranu ponga ndin̄kina le yu mbalo sugo sugo tinga waŋ pine kumam katnaig le fetkina.

<sup>42</sup> Fetkina le mulin̄ kilanu mbal iben̄ ka kua kubekaig nga kame mbal nane bale farkam bafunaig le

<sup>43</sup> kame mbal tuku sun̄go nu Paulus turam tuku idusmba nane tuku wamdus muku sern̄ngina. Tan̄amba nu sine ŋakmba sasiŋgina: Tane kage kila mbal ambon̄ga paten̄ga kageka kape.

<sup>44</sup> Tane kage gilai mbal ail baŋ ko waŋ tuku ail isu afu kilmba kageka kape ŋgina le sine ŋakmba kageka kumba ka piyal̄nge kumumbi promba iben̄ ka tabek kagen̄.

## 28

### *Paulus nu Malta nuy mbol̄nge minna*

<sup>1</sup> Sine ŋakmba kumumbi tabek kagen̄ sulumba nuy ta nyunu Malta ŋginaig le isgen̄.

<sup>2</sup> Yamban mbal nane sine kulat magekinaig. Sawe piymba murke sun̄go prona le nane pa dik̄nga sine pa likam tuku sasiŋginaig.

<sup>3</sup> Sine pa likmba minmba Paulus nu pa afu kilmba man̄gurka pa mbol̄nge patikina le kame mben̄ ande pa kamusmba mayok ka Paulus wainu make ndin̄na.

<sup>4</sup> Tan̄ana le Malta mbal nane Paulus tuku wai mbol̄nge mben̄ kuik̄nga minna le kan̄germba nan̄gine nan̄gine ndek sakinaig: Nu tan̄go balewanu tan̄go. Yu mbol̄nge ŋgisi ndakat ta kile nun̄e mbar tuku mben̄nge makewat ta kile kumam̄gat ŋginaig.

<sup>5</sup> Tanjakinaiḡ le Paulus nu ndek wai paren-parenja le mbeḡ pa mbolḡge ndekina le nu maye minna.

<sup>6</sup> Kile Malta mbal nane nu tuku wai fulilkamḡgat e ko nu am purwa le ndekamḡgat e ḡga idusmba nu kanḡgermba minnaiḡ. Tanjamba idusmba minnaiḡ ta Paulus tuku ḡgaro mbolḡge maḡau ande mayok ndakina le nane wamdus mbilmba sakinaiḡ: Nu mbara ande ḡginaig.

<sup>7</sup> Nuy ta tuku gabat suḡgo Publius. Sine nu tuku kilke patumba tabek kageḡ. Publius nu sine kilmba mara keḡmba nu sine kulat magekina.

<sup>8</sup> Ait ta mbolḡge Publius tuku mam nuḡe nu guaze suḡgo ḡak minna. Nu ḡgaro pa tiḡga pinem ndare ḡak kumba minna le Paulus nu tugum kumba Kuate yabaḡmba wai nu mbolḡge patikina le mayekina.

<sup>9</sup> Mayekina le nuy ta tuku guaze mbal afu isnaiḡ sulumba nane Paulus tugum pronaig le nu nane wakeikina le ḡakmba magekinaig.

<sup>10</sup> Magekinaig sulumba nane maḡau gudommba sine mbolḡge ke likinaig. Tanjamba ḡgumneḡga kambim bafugeḡ ait mbolḡge sine aḡaḡ ndende kugatok ta kumumbi kilmba sine siḡginaig.

### *Paulus nu Rom kina*

<sup>11</sup> Aleksandria tumbraḡ suḡgo tuku waḡ ande bubre mindemba Maltanḡge minna. Nanḡine mbara suḡgo Sus tuku kiḡo armba kanunu wakeika waḡ ndumor mbolḡge patikinaig.

Tambun keḡmba kuganaig le sine waḡ ta poḡga kageḡ.

12 Kageŋ ka Sirakusŋge ibeŋ ka mara keŋmba tanje mingeŋ.

13 Tanje tiŋga pikir-pakarka Regiumŋge ibeŋ kageŋ. Tanje ait ndindo mingeŋ le bubre ande sine ngumnemŋge tiŋgina le sine bubre ta sumba pinderka kumba ka furirmba mafena le sine Pute-olinge ibeŋ kageŋ.

14 Tumbran ŋunjo ta mbolŋge Yesus tuku mbal afu kaŋgerkigeŋ le sine nane ndoŋ minam tuku sasiŋginaig le sine kusem ndindo nane ndoŋ mingeŋ. Tanjamba maŋ tiŋga ndinmba ka Rom tuku tumbran foŋfoŋ mbol progen.

15 Romŋge Yesus son ŋginaig mbal sine tuku pasa ismba afu ka sine Apias tumbran maŋgurkanu ma mbolŋge kaŋgersiŋginaig. Afu nane ka ma ande nyunu Badbaid Keŋmba mbolŋge kaŋgersiŋginaig le Paulus nu nane kaŋgerka Kuate gare pasa samba ŋgamuŋgal bulkina.

16 Sine Rom progen le Rom tuku gabat kame Paulus tumba muliŋtanu tanjo taŋaŋ pile ndaka wande ande mbol pilmba kame tanjo ndindo nu kulatkuwa ŋginaig.

### *Romŋge minnaig mbal pasa mayenu isnaig*

17 Mara keŋmba kuganaig le Zu mbal tuku gabat kame Romŋge minnaig ta Paulus nu nane kilemaŋgurka saniŋgina: Tira kame, Zu mbal afu Yerusalemŋge ye tumba pasa mbolŋge pilmba Rom mbal tuku wai mbolŋge pilnaig. Ye siŋgine mbuŋ kame tuku tukul ande luka ndawen. Siŋgine tanjo inum mata ŋayo sili ndawen.

<sup>18</sup> Rom mbal ye tuku manjau pilenğa ye baleyam tuku mbar inum kanđer ndamba ye paska pitaiwam tuku sakinaig.

<sup>19</sup> Sakinaig ta Zu mbal sanğri tinga Rom mbal tuku pasa pitainaig. Ta tuku ye ndin ande kanđer ndamba Rom gabat Sesarņge ye tuku pasa te-tiwa ŋgen. Ye yiņe Israel mbal pasa mbolņge patikam idus ndawet.

<sup>20</sup> Sine Israel mbal tanęo ande pro sinęine muskil kile-tidņge sinęam tuku tairņgeg. Ye tanęo ta tuku saka minet sulumba muli wandekņge minet. Ye tane ndoņ pasatam tuku wike liken ta tugunu not ŋgina.

<sup>21</sup> Tanakina le nane nu sanaig: Yuda mbal ne tuku manjau ta tuku waņe afu kuyarniņmba sine kila sa ndasiņginaig. Afu te prode ta mata ne mbaranu ŋga sa ndakade.

<sup>22</sup> Ma ŋakmba mbolņge Nasaretnu tanęo Yesus tuku mbal manjau ŋayonu dubide ta ndo sakade le iseg. Ta tuku sine ne tuku wamdus isam nzalisiņgit ŋginaig.

<sup>23</sup> Tanęamba nane nu ait ande tunaig.

Ait ta kumuņgina le nane gudommba pro nu minna wande ta mbolņge manęurkinaig le Paulus nu maratukuk pasa kuklimba minna le ki ka butuņgina. Nu Kuate nuņe gageu kulatkate wam ta tugunu te-mayokmba nane Yesus kila pilmba son ŋguwaig ŋga nu Moses tuan tanęo ŋakmba tuku kuyar tugunu bitekņga saniņgina.

<sup>24</sup> Tanęana le nane afu pasa ta ismba son ŋginaig le afu nane talakinaig.

<sup>25</sup> Nane wamdus pur yimyamka kambim bafunaig le Paulus nu pasa ndindo tuturmba saniņgina:

Tukul Guwanje tuan tanjo Aisaia wamdus tuna le nu sinjine mbun kame pasa ande saningina ta nu mbar ndana.

<sup>26</sup> Nu tenenmba sakina.

Ne Israel mbal tugum kumba saninga:

Tane pasa isamngaig ta tugunu katesewe nda.

Tane wam afu kanjerkamngaig ta alonu kanjer tiwe nda.

<sup>27</sup> Mbal te nane tuku ngamungal tukulok.

Nane kilba tukulinjig. Nane am tukulok minig.

Kuga ta nane ammbi alonu kanjermba kilbambi

tugunu ismba wamdus puluninguwa le

ngamungal biye mbilmba ye tugum prowaig

le wakeikamngit.

*Aisaia 6.9-10*

Aisaia nu tanamba kuyarna ngina.

<sup>28</sup> Paulus man lato saningina: Zu tanjo, ye tuku

pasa te ise tiwap. Kuate nu tanjo tuku muskil

kile-tidinge ningit pasa mayenu ta kasomok mbal

tugum kinit. Nanenge pasa isamngaig ngina.

<sup>29</sup> Tanamba saningina le Zu mbal nane wamdus pur yimyamka kualeyauka sili-silinaig.

<sup>30</sup> Paulus nu yar armba Romnge wande miro

tanjo piya tumba minna sulumba afu nu tugum

pronaig mbal ta njakmba kilmba

<sup>31</sup> Kuate nunje gageu kulatkate pasa ta saninjmba

Sunjo Yesus Kristus tuku nane njakmba saninjmba

tumningina. Ande nu peu ndana.

Son.

**KUATE TUKU PASA**  
**Portions of the Old Testament and The New Testament**  
**in the Siroi Language of Papua New Guinea**  
**Sampela hap Buk Baibel long tokples Siroi long**  
**Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709